

ISSN 1107-637X
9 771307 637008


Cîrûsk

ISSN 1307-637X

kovara hunerî û ramanî
sal: 4, hejmar: 11, buha: 5 tl.
Çile-Sibat-Adar-Nisan 2011



Bi Keça Mîr Celadet'î Sînemxan'ê Re
Li Ser Baye Wê Hevpeyvînek



Li Ser Wêjeyê bi Nivîskar
Ferhad Pîrbal'î re Hevpeyvînek

Kelegiriyên ji bo Simbilên Neserridî/Hamid Omerî
Piyesa Çirokekê/Hesenê Metê
Bîr-Çiroka Metoyê Dîn-/Bawer Ronahî
Di Helbestê de Cîrûskîzm/Janez Sar
Medos û Maçêñ Mîtolojîk/Cîhan Roj



RONAHÎ




www.arsivakurd.org

Xwedî û Gerînendeyê Berpirsiyar Mîr Celadet Ali Bedir-Xan
Directeur Propriétaire Emir Djéladet Aali Bedir-Khan

belki

"Weşanên Belki"yê
Ronahî, dîrok, 584 rûpel - edîsyona taybet 55 tl

Kooperatifler Mah. Tren Yolu Sk. Bağiran Apt. No: 1 Ofis/Diyarbakır
Tel&Fax: (0412) 224 47 72 e-mail: cirusko@hotmail.com
www.wesanbelki.com



Beytik
Yeqîn h.

"Helbest"

belki

Çirûsk

Kovara Hunerî û Ramanî ya Çar Mehane
Sal: 4 Hejmar: II
ISSN 1307-637X

Li ser navê 'Belki Basın Yayın Dağıtum'ê
xwedî û berpirsiyarê karê nîvîsan:
Mehmet Vahit Gunes

Direktor: Rênas Jiyan

Redaksiyon: Kovara Çirûskê
Şewirmendê Hunerî: Serkefi Botan
Belavkirin: Rojin Xewn
Berg-Grafik: Asya Genim
Wêneyê Berga Paşin: Marcel Duchamp

Çap: Kayhan Matbaacılık,
Davutpaşa Cad. Güven San.
Sít. C. Blok No: 244
Topkapı İstanbul Tel: (0212) 612 31 85
Navnişana Kavarê: Kooperatîfler Mah.
Tren Yolu Sk. Bağırân Apt.
No: 1 Ofis-Diyarbakır
tel&faks: (0 412) 224 47 72
e-mail: cirusko@hotmail.com
www.kovareirusk.com
Mercen Abonetiyê: Ji bo salekê,
li nav welêt: 30 tl.
li derveyî welêt: 30 Euro.
Buhayê li welêt 5 tl.,
yê li Ewropayê 5 Euro.
Hesabê Banqeyê: Ziraat Bankası,
Diyarbakır- Ofis Şubesi,
No: 1150 11055747-5002
Hesabê Posteyê:
E. Avcı, Hesab No:1276608

Ji bo kovareke biqalite û bedew
"Çirûsk" her ji çar mehan
carekê tê weşandin.
Her niviskar ji nivisa xwe
berpirsiyâ e.
Ji xeyni nivîsen ku
li ser rézimaniya wan
bi niviskarén wan re
şêwr hatîye danîn
hemû nîvîs li gorî
pivanên kovarê têne redaktekirin.
Nîvis û alavên ku
ji kovarê re hatibin şandin
biweşin neweşin ji
bi şunde nayen vegerandin.
Bi şertê ku çavkanî
bê diyarkirin
jêgirtina ji kovarê serbest e.



"Weşanên Belki"yê
Çile-Sibat-Adar-Avrêl 2011

4/Kelegiriyêñ ji bo Simbilêñ Neserridî/Hamid Omerî

5/Kî Dizane Huner Ci ye?/Fewzî Bîlge

9/.../Diyarı Asur

10/Hestêñ Naylonî/Feratê Dengizî

13/Betalî/Bêzar Germ

14/Piyesa Çirokekê/Hesenê Metê



17/Marcel Duchamp û "Ready-Made"/
Asya Genim



23/Hevdîtineke Kaotîk/Robin Şerna
24/Çirûskêñ Nûjeniyê di Helbesta Bakur de -Mem
Ronga-/Berken Bereh

28/Bi Keça Mîr Celadetî Sînemxan'ê
Re Li Ser Bavê Wê Hevpeyvînek



Paul Eluard

37/Hêvî/Paul Eluard

38/Bîr-Çiroka Metoyê Dîn-/Bawer Ronahî

42/Li Malê.../Marîn Rehman

43/Şeva ku ji Her Şevan Reşîr/Çîdem Baran

48/Karwanêñ Stêrkan /Jan Ziryanc

49/Kuştina Cerdonekî/Şengül Oğur

52/Modernîzm 2/Sidîq Gorîcan

54/Ravek/Bahoz Baran

60/Bûka Qelen Qelew/Bîrbir Birûsk Aryan

61/Di Helbestê de Çirûskîzm/Janez Sar

63/Xew(n)a Li Berojka/Înan Eroğlu

65/Xalê Zilfo/Wehab Mistefazade

68/Xanax/Janbijan Ar

69/Girrê Xwedê/Bajar Mîrzeman



**71/Li Ser Wêjeyê bi Nivîskar Ferhad
Pîrbal'î re Hevpeyvînek**

75/Medos û Maçên Mîtolojîk/Cîhan Roj

78/Anatomiya Aciziyekê/Rojîn Xewn

81/Xezo/Seydo Ozkan

82/Kurdîaxivîn/Sadiq Şen

84/Jarê/Umit Esen

85/Dê û Kur/Ehmed Osman

**87/Bi Nêta Cenabet-hildanê Berê'm li Şî'rîre
Kenanê Nado**

88/Otmeyêن Hêviyê /Ar-da Janxwar

91/Çavê Mirinê/Nazê Yerlikaya

92/Tu û "Xwe" ya Te/Hecî Nehsan

94/Marka/Rênas Jiyan

Kelegiriyêñ ji bo Simbilêñ Neserridî

Hamid Omerî

çavên bira û xwişkêñ min
ji bo simbilêñ
ku ji devêñ mekineya çinînê xelas dibûn
digeriyan li ber destarê aşê
dayika min şekir wer dikir bi ser nanê birûn de


Girash
4

ji ber ku bi vê yekê zanîbûn
zikê patosan têr nedibû
zarokan ew nedidane ber keviran
lê mekineyêñ çinînê direviyan
û bav li pey wan zarokêñ xwe
yêñ hê ji dayiknebûyi
li rêya esfalt dinihêri

cêrrekê, têra şev û sibehekê dikir
lê ji bo xwînrêtina dûşîzeyêñ
di gorran de her dayik
li derbasokê bi destêñ xwe yêñ
ku patosan xwaribû ji bo simbilêñ neserridî digiriyan

qenewîçe çênedikirin
wan keçêñ ku li ser xaniyan tepik çêdikirin
û tevrikêñ wan ên tûnc ku li erdê diketin
ew cêrra ku bi aliyê xwe yê şil ve botav dimijand digiriya

ê de ka bibêjin ji min re
çavê kîjan keça ku ji bo çawîşan zebeşî hûr dike
êrîşî etaran nekir
û wan bavêñ ku li esfaltan dinihêri
bi piştre çend caran fistanêñ sor li çavên xwe kirin



Kî Dizane Huner Çi ye? Fewzî Bîlge

Alavêن jêneger ên wêneyî -wênesazkirinê; xêz, form, reng, şewq, giyan, hest, tevn û vehûnck in.

Ev alav ji bo wêneyekî giş jî girîng in. Heger di wêneyekî de xêz tune be -eskere an bi dizî- bi form jî nabe, heger form tune be boyax bêkêr e, boyax tune be şewq jî pêk nayê û wênesazek bêyî wan nikare tevnan bike. Heger tevn –kompozisyon- jî tune be hest xwe berra nava wan nade û bê giyan dibe. An jî mirî dizê.

Cîrûsk
5

Wênesazan di pêvajoya hunerên şêwekarî de gellek şêwaz afirandine û di wan şêwazan gişan de ne ewqasî eskere be jî ji wêneyên klasîk heyâ yêñ kubîk ev alav bi kar anîne.

Di çend şêwazan de weke ku ev alav tune ne xuya bibin jî di bingehê de wan ev peywirêñ xwe spartine çavî. Di vê nêzîkdayîna wêneyan de xêz ne xuya bin jî çav wan çedike, li ber çavêñ mirovan weke ku hebin xuya dîbin. Wênesazêñ Abstraksiyonîst (Razberparêz) ji bo ku forma heyberan li wêneyan bîfesilînin wan xwe avêtiye deformasyonan. Heyber herku çûne razber kirine. Wan bi tenê şûna heyberan hiştiye, lê ev şûnêñ ku mane jî biqasî wan, belkî ji wan bêhtir jî rola xwe pêk aniye; razberparêzân nexwestiye ku wêneyên heyberan bi hêsanî bê fahmkirin an jî siruştê weke ku tê xuyanî biwêñin. Loma jî ji xêzan dûr ketine. Lê ev nayê wateya ku wan xêz red kiriye. Wan wêneyên xwe dîsa bi saya wan alavêñ din wêñandine, bi tenê wan xêz spartiye çavêñ temaşevêñ. Çav jî -çavêñ perwerdekirî- bi alîkariya êqil ev bi ruh kirine û ji loma jî wêneyên razber jî biqasî wêneyên klasîk bandor li bîneran kiriye.

Di pêvajoya hunerên şêwekarî de wênesazan herdem şêwazêñ nû afirandine. Her şêwazek bi felsefeyekê jiyaye, heyâ demekê li ser civakan wan bandora xwe kiriye û wan dewsa xwe daye şêwazeke din. Heger em xêzan red bikin, an wêneyên serkeftî bi tenê weke yêñ bê xêz bibînin, an jî em xêzan weke asêbûnê binirxînin ev tê wateya ku ci şêwazêñ ku hatine afirandin –bikaranîn- û rola xwe ya li ser civakê lîstine red bikin. Wêne an jî wêneyê bikêrhatî heger em bi tenê yêñ piştî salêñ 1911’ê, ango piştî razberparêzân bihesibînin. Ev ne rast e, têkçûyîna êqil e. Ji ber ku divê em şêwazêñ gellekî girîng ên ji –Klasîzmê, heta Empresyonîzmê, Kubîzmê, Ekspresyonîzmê, Realîzmê û hwd gişan tune an têkçûyî bihesibînin.

Her şewazek li gorî şert û mercen civakê -dîrokê- dertê û bandora xwe li gişî besen hunerê yên din dike, ev besen hunerê yên din jî bandora xwe li civakê dikin. Mesele meseleya diyalektika civakê ye. Her civak -hunermend- li gorî pêşketinê xwe, jî gellek bizavan sud werdigire an diafirine.

Huner jîndar e. Ji roja ku mirovatiyê dest pê kiriye û heya niha herdem li gorî şert û mercen ku dijin mirovan pênaseya hunerê kiriye. Weke encam mirov dikare bibêje ku a niha -di hunerên roja me de- ne tenê xêz, hema hema alavên hunerên şewekarî ji teref hunermendê têgehparêz ve giş paşguh tê kirin. Ev jî helwestek e û jixwe tukes nikare rê li ber bigire, ji ber ku ev êdî hunereke din e, ne hunera şewekarî ye. Hunera şewekarî wê legerînen xwe yên xêz, form û rengan bidomîne, ew ê bi tumerî dev ji alavên xwe yên xwe pê heyî kiriye bernede. Wê carinan ji wan alavan hinekan derxin pêş, hinekan biavêjin paş. Huner razber be jî, şenber be jî wê xêz hebe. Heger mesele bi tenê fîkîr be di vegotina fikran de heger alav ne girîng bin û ewqasî guherbar bin wê dema wateya besen hunerên ku wan ji hev du cuda dikin jî namîne.

Tu besen hunerê, alavên ku xwe pê heyî dike nikare bi tumerî paşguh bike, lê dikare forma wan alavinan biguhere. Armanc heger bi tenê ıragihandina fikran be wê çaxê em dikarin bêjin ku tu alavên tu besen hunerê din jî ne girîng in. Weke mînak; hunerên têgehî dikare ji alavên besen hunerê yên din xwe xwedî bike û dike jî.

Cîrûk

6

Bê çawa sînema demekê ji bo ku bigihîje rîjeya wêje an hunerên şewekarî xwe diciirrand û dawiya dawiyê gihîşt wê rîjeyê û jê gellekî bîhurand. A niha jî hunerên şewekarî û wêje dixwaze ku qet ji tune de ewqasî di bin siya sînemayê de nemîne. Xetereya herî mezîn ya hunermendê şewekar ne ji bo ku bigihîjin sînemayê hewl didin, berovajiyê wê ji bo ku bibin sînema hewl didin. Ev jî tê wateya ku xwe, ango besen ku xwe pê heyî dikin red bikin. Ji ber ku li holê êdî wêne namîne, ya ku xuya ye êdî sînema, tv an beşcke din a hunerê ye.

Sînemayê weha nekir, gişî alavên besen hunerê yên din -wêje, muzîk, wêne, şano-di nava xwe de mehand an jî mirov dikare bêje ku hêza wan xist nava hêza xwe û bi hêztir bû. Evqasî bi hêz bû êdî bûye sedemeke herî girîng ku di roja me de -bi taybeti jî li welatêniş bishûndemayî- bibe sedema wêne neyê temaşekirin, wêje -pirtûk nayêñ xwendin - neyê kirin. Li welatêniş bishûndemayî ne temaşekirin- ne şopandin û ne pêşketina hunerên şewekarî û wêjeyê sedema herî girîng pirr û ne rast temaşekirina televîzyonê ye. Ji ber ku televîzyonê ji sînemayê behtir zergava xwe fireh kir, ji bilî besen hunerê gişî besen hunerên din jî û sînema jî di nava xwe de mehand û bê çawa sînemayê wêne û wêje ji desthilanîn de xistin hema hema televîzyonê jî yek tişt anî serê sînemayê û bû amûra herî serdest, ket her quł û qefesê. Gellek bernameyêñ ku naveroka wan vala mirovîn ku lê temaşe dike wan -hem giyanî, hem fizikî- ditevizîne; ji hunerê, ji xwe û ji pirsgirekîn xwe û civakê bi dûr dixe, mirovîn klîse û tirral diafirine.

Welatêniş pêşketî bela ku hîn berî tv bikeve navenda jiyana wan çanda wêje, wêne û wênesaziyê baş xerab ketibû jiyana wan; temaşekirina wan ya tv û siruştîye bandora wê ne biqasî ya welatêniş bishûndemayî be.

Ji sedemêni tv li welatêniş mîna yên me bêhtir neyînî bandorê dike çend jê;

- Naveroka bernaimeyên televîzyonê.
- Nêzîkdayîna serdestan a li girseyan.
- Pêşketin an pêşneketina kesayetên mirovan, ango zergava têkiliyêن wan ên bi-hunerê re dibe sedem ku girse an kes bitevizin

Bandora televîzyonê li ser welatên ku diyalektîka wan nehatiye şikenandin -pêvajoyêن hunerê normal jiyane- li ser wan evqasî bandoreke neyînî nake. Lê ji bo yên din bi tumerî sedemeke herî girfing a têkçûyîn, bişûndemayîn, ne şopandin, pêşneketina wêje û hunerên şewekeariyê ye. Gellek besen hunerên din jî ev aqûbet jiyane yên mîna şano, dans û hwd.

Li welatekî bişûndemayî bandora televîzyonê ya neyînî herî hindik li ser rewşenbîr û hunermendan dike. Ji ber ku rewşenbîr û hunermend ji derveyî klîşeyan ji hêla zane-bûna hunerê ve ne weke kesekî jirêzê ne. Lê disa jî bandoreke pirr neyînî li wan dike; ji ber ku girseya ku pirtûkan bixwînin an wêneyan bişopînin nabînin. Bi kurtasî tv bûye amûra neyînî a herî girfing ku nahêle wêje û wêne rola xwe bilize, pêş bikeve û bandora xwe li civakê bike. Ev bandor dawiya dawîn li ser wêjekar û wênesazan jî bandoreke neyînî dikc; berî hertiştî wan demoralize dike. Ji ber tunebûna xwîner û bîneran gazinan dikin û berhemên wan bê bandor dibin. Di pêvajoya dirokê de pêşneketina hunerên şewekearı gellek sedemên wê yên weke siyasî, olî, neteweyî, civakî, aborî hene. Ev giş jî bi rastiya xwe ve rast in, lê di roja me de sedema pêşneketina hunerên şewekearı û wêjeyê pirr eşkere mirov dikare bibêje ku tv ye.

Tv heger ji teref, kes û sazûmanan ve baş bê bikaranîn amûreke baş e, lê heger ne baş bê bikaranîn amûreke huner kujer, raman kujer, liv kujer, hest kujer, kesayet kujer e. Ango bêhtir li welatên bişûndemayî hêza hunerên din gişî di xwe de dicivîne û wan ji hêz de dixe.

Hunermend di welatekî normal de hêza tv'ye ji bo pêşketina besen xwe bi kar tînin, lê ev yek ji bo me îroj ne gengaz e. Siyasetmedar, pirsgirêkên siyasî û aborî ewqasî pirr û di rojevê de ne zû bî zû dor nagihije hunermend û berhemên wan. Ango hunermend nikarin berê çeka tv'ye bidin wê.

Di hêla tê xuyanî de tv weke amûreke politizebûn, hunerhezi, civakibûn û hwd pêk tîne xuya dibe lê ne rast e. Berî tv bikeve navenda jiyana mirovan girseyan hinekî din zor dida xwe ku hunerê bişopînin. Ji bo pêdiviya ruh, fîkr û ramanen xwe baş xerab li hunerê digeriyan. Di pêvajoyeke weke a niha de divê bêhtir lê bigeryana! Lê, lê nagerin. Di demen herî dawîn de jî vê mîsyona xerab amûren teknolojîk û ragihandînê yên weke internetê girtiye ser milen xwe û ew jî gişî besen hunerê -wêne, wêje, sinema, tv, radyo, telefon, rojname û hwd giş di nava xwe de mehandiye û mîna tv'ye jî alî girseyen wê bêhtir ne baş tê bikaranîn. Ew jî mîna tv'ye dikare pirr baş jî bê bikaranîn.

Heya niha tukesî huner biqasî ku herkes li ser pênaseyên ku hetine kirin sedised li hevdu nekiriye. Ev pênaseyên ku hatine kirin heger çend kesan pejirandibe jî çend kesan jî nepejirandiye. Xuya ye ku wê tucarî û tukes nikaribe hunerê weke ku herkes

pê têr bibe pênase bike. Gellek sedemên vê yekê hene, mirov dikare gellek xalan di binê hevdu de rêz bike û sedemên wê an jî çend sedemên girîng bipeyitine lê peyitan-dina girîng û sereke; jîndarbûna hunerê ye. Bela ku huner weke her tiştên li gerdûnê yên jîndar kêlî bi kêlî diguhere nêzîkbûyîna hunerê jî ji roja ku hunerê dest pê kiriye û heyâ niha guheriye û wê her biguhere. Ji ber wê jî mirov dikare bêje;

Pênaseyêن hunerê demdemî ne, herku dem digere pênase jî diguhere. Ev pênaseyêن ku heyâ niha hatine kirin giş ji bo demekê ne. Belkî ji bo wan deminan derbasdar bûn jî. Pênaseya hunerê çawa ku herdem diguhere –lênerîna- nêzikdayîna mirovekî jî diguhere. Kesekî ku demekê berhemeke hunerî pirr bipejirîne di demen pêş de dikare wê berhemâ ku pejirandibû nepejirîne. Ev rewşa hanê li gorî zergava têgihîştina mirovan diguhere, kesekî ku xwe bi pêşde nebiribe heyâ û heyâ dikare yek berhemê, berhemek nebaş jî bipejirîne.

Pênaseyêن hunerê yên ku ji alî hunermandan ve bi xwe hatine kirin û pênaseyêن ku ji bilî hunermandan hatine kirin ferqên beloq hene. Pênaseyêن ku ji alî hunermandan ve hatine kirin; hest û helwestên wan ên li hemberî jiyanê bêhtir giraniya xwe rê dide, pênaseyêن hunerê ku kesen ji derveyî hunermend –texnegir, siyasetmedar, hunerhez û hwd- hatine kirin jî; bêhtir daxwazên wan yên li hemberî guherînên jiyanê an berjewendiyêن wan hene.

Girash

Carinan ji bo berhemekê kesek dikare bibêje ku ev bêhempa ye, lê hinek an jî kesek napejirîne. Carinan ji ji bo berhemekê jirêzê jî gellek mirov dikevin nava kelecanekê û gellekî dipejirînin.

Heger mirov mînakekê ji wêjeyê bide; çîrokeke baş ne bi tenê li gorî naveroka mijara ku bi kar anîye baş an jî ne baş e. Çîrokek di hêla mijarê de dikare pirr sivik xuya bibe, weke mînak; mijar dikare bi tenê moristanek, pelek daran, an tiştekî mîna wan be lê heger tevn, teknîk, ziman, derûnî, karakter baş hatibin danîn û hûnandin dikare pirr baş be. Carinan tiştekî pirr girîng gellek mirov nabînin û heger nebînin wê berhemê tune dihesibînin. Di wêneyekî de ev dikare şewê, teknîk, reng an jî transen rengan bin. Gellek kes di her tabloyê de tenê li mijarê digerin. Xurtbûna mijarê wêne xurt nake û divê xurtbûna mijarê tucarî nebe sedem ku hêlén wê yên din neyên xuya-nî.

Weke encam; kes tam nizane ku huner ci ye, lê gellek kes baş dizanin ku tiştekî baş û hewce ye. Wê hîn gellek pênaseyêن hunerê bêne kirin. Rast an jî ne rast têr an jî netêrbûna wan nîqaş bibin.


Heger rojekê mirov karibin pênaseya hunerê bikin û ew pênase mayînde bibe divê bê fahmkirin ku êdî huner mirî ye, an jî jiyan rawestiyaye.

...

Diyarî Asur

trajediyeke mezin e jiyan û em mecbûr in ku tê de bilîzin. absurd e. bêcîrr e. serhiş e. weke simbilên geniman e. rasthatinî ye. helbesteke dirêj û romanekê bêdawî ye.....

jincke bêçare, mîrekî bêwijdan e. zarokeke bêar e...acizî ye.....hêşir e. tu bibêjî ci ew e.....erzan e.....li cem me belaş e.....tenûrke dadayî ye... dilekî sinicirî ye.....pîreke jibîrbûyî.....kalekî kêş e.....zimandirêjî ye.....bişirîn e. lê ne ken e.....xaniyekî bêderî ye.....bêxewî ye carinan jî bêrîkirin e.....dûrbûn e... hemû têgehêñ nexweş ên ferhengan e.....ferhengeke bêlisan e.....zimanekî bêînsan e.....tabloyeke bênav û xweliye sor e.... darbestek e....çavêñ şîn, kesk, reş û qehweyî ye.....kenekî ji aciziyê ye.....ez im, tu yî, ew e.....di heman demê de ne tukes e.....bêkes e.....cerabeyeke bêencam e.....şanoyeke bifiguran e.....şev e, bêdawî ye, nedîyarî ye.....qurtek şeraba sor e.....offfffff bê dawî ye....rêwitiyeke bênavnîşan e.....çûkeke basko ye. rabirdûyeke jibîrbûyî ye... dirokeke jibîrbûyî ye.....



Hestên Naylonî

Feratê Dengizî

Em di nav jiyanek neccêb de ne. Ecêbî hatiye fêhmkirin, hatiye verşandin û em ji ecêbiyê derbas bûne. Êdî tutişt ne ecêb e. Derdê me asas e; em bi duyemîn, bi tiştên duyemîn re naewirin. Zemanê me tune ye... Eceleya me heye, jixwe em têra xwe dereng mane. Em di demeke zérin de ne ku ajaltî ji mêt ve li paş maye, tîrêîn rojê yên zerin di dema xwe ya herîn hilberîner de ne; dema ku xweşî dibe sedema zayîna hêja û pîroz e, ev dem... Pirrbûn, zêdebûn û hilberîn. Em bi sedema asas a jiyanê re, bi xweseriya wê ya asas re, bi Xwezaya dayik re bi tena serê xwe ne...

Cîrask
10

Birra, ajaltî ji bo me mirovan li paş maye gelo..? Em hêvî dikin ku êdî ji bo taliyan hev nagiruwînin, nakevin qirrika hev û hev naxeniqînin.

Kevz, yekçavî ji oksijenê çêbû û ew xwar. Pirrçaviyan jî yekçavî, hertişt bi amîno-asîtan xwedî bû! Masî jî ji kevzê; kevz jî xwar jixwe bê okijen nikaribû, nikare bijî; ji avê ve dize; ava ku hertişt jê çêbûn û ew xwarin û vexwarin... Paşê! Paşê giha, dar û ber tev, tev ji çi çêbûn wan ew xwarin û vexwarin. Ajal, balinde, teyr û tilûr tev; ji çi çêbûn ew xwarin û vexwarin; giha, goşt, xwîn, av, oksijen, hewa. Mirov jî wisa; ji çi çêbû ew xwar û vexwar; ji ajalan zêde bû, çêbû û ew xwarin! Goşt jî, giha jî bû xwarin û av, avî vexwarin. Ma gelo dora ci ye? Yê/a ku wê ji mirovî zêde bibe, jê çêbi-be û wî/ê bixwe!!?? Gelo ji bo wê mirov mirovî dixwe...!? Yanî mirovxwir jî mirov e!

Üüf... Serê min eşiya.

Emrê daran ji qaşilkên wan ên ku her sal girêdidin tê fêhmkirin; ji sînorê movikan tê destipêkirin, tê hejmartin û herdem jiyan di wan sînoran de ye. Gelo sînor çiqasî tenik an jî fireh e, yan jî aydî kîjan demê ye. Hişê zemên, ê demê heye gelo, yê wî sînorî! Em her buhayî didinê yan jî nirxandina vê ji me ye.

Heman tişt ji bo dinyayê jî wisa ye. Dinya jî dareke kevnar û kal e, di eslê xwe de. Em li ser qaşilkê wê, li ser qalikê wê; li wî sînorê tenik î zirav dijîn. Bi rastî jî jiyan û hawirdora guncan î hilberîdar li wî sînorê herku diçe zirav dibe ye. Baş e, hêza ku wî sînorî xwedî dike ci ye? Em bikolin hûn dixwazin. An jî em weha bibêjin; Hê mezel! Biaxive! Tiştên ku tu dizanî bibêje. Çend mirov, çend cesed di heman cihî de hatin veşartin, li ser hev, bi ser hev de. Ma bi rastî jî riziyan! Weguherîn ci.. wan bi aramî li hev kir gelo? Ma nasnameyên wan hebûn; te li pasportên wan filan pirsî? Med, Iskit,

Pers, Armen, Asûrî, Kurd yan jî biyanî... kî xwecî kî xerîb. Lê yên ku xwecî mîna zibîlî bi kar anîn..! Birra zibil ci ye, û bi rastî kî bûn zibil, kî..!? Te got mirî bêhtir li hev dikin û aram in? Wey, yanî bêhiş ên ku aqilê wan tune ne hê bêhtir hilberîner in, berhemdartir in? Hilberîna xwezayî ev e, te got..!? Dengê xwe bilind bike, ez nabihîzim. Hişê min ranagire. Kulîkên herî xweşik, xweşikiyê nesexte, ne çekirî, bêhn, mehdan, zad, tiştêni ji jiyanê re lazim in giştik, aminoasit, mîneral û herweha... Tev wisa têne afirîn? Dayika me Xweza wisa hildiberîne û dilê me bi hestêni rasteqîn dadi-gire ji van pêkhateyên inorganîk... Yanî rastî, rasteqîni di hişmendiya bêhestîti û bêhişiyê de hê bêhtir hestiyar û hê rastir pêk tê? Xwe diafirîne, hildiberîne...

Namezixîne...

Jiyana pirrxweş û hêja di wî sînorê ziravî pirr tenik de, wisa xweşaheng; cur be cur, bi têkelbûna hezar cure xweşikayî... Ev şanseke bêhempa ye û zor bi dest dikeve, lê mirov çiqasî qedrê vê dizane, te got! Hezkirina rastîn, ya bi rastî, dilînî; hestêni herî însanî li wir.

Qedexe, încar, kokqeliandin tune, ne wisa!?

Av, tu bûyî şahidê ci û ne ci, di vê vedoriya gerdûnî, di vê dewrî alemê de. Wisa ber bi bêdawîtiyê ve, ber bi bêrabirdûyê, bêpêşerojiyê de, biherikînê de yan jî herikîna rastiyê de..!

Erê, min fêhm kir. Êş hildiberînin; hildiberînin rastiyê, xweşî û xweşikiyê û evînê. Êş berhemdar in.

Hertiş aydî dahatûyê ye. Tevayêñ armancan, hewldan û hezkirin tev ji bo dahatûyê ne, yên dahatûyê ne. Jîyan dahatû ye! Ji bo vê dilopek av, tasek av, deryayek e. Ew e yê ku derya afirandiye û di hundirê xwe de dihewîne deryayê, mîna rasteqîna jiyanê, mîna xweşikî û tehama wê. Bê av jiyan tune ye. Baş e, hişmendiya di wê de jî gelo li ser încar û tunekirinê ava bûye? Naxwe, lihevkirina ya/ê ku dişewitîne û dişewite ye!? Ma tu bihevrebûna guncaniya du zitan i?

Dayika axê ci dibêje!?

Cihê ku şopa lingêñ me lê nîn e tune ye. Her gav axa me ye. Û em ax in. Kevirekî ku me pê lê nekiriye tune; kevirekî ku me ked, xwîn û xwêdan nedayıyê... Em bi keder, êş, ked û hêviyê xwedî bûn, vejinîn û gihan bêmirinê. Em axa bêmirinê ya nemirinê ne. Û em diherikin dahatûya bêmirinê. Em bi sedemên esil re dilebikin, diherikin armanca esil, bi coşa germahiya "Roj" a xwe. Ez rast im, rasteqîn im, em rast in û rastiyê dijîn. Rastî ax e. Cihê herî amin û ewle... Wisa dibêje dayika axê (daya axê), bêyî ku moletanê bide afirînê,- a niha jî diafirîne- cih, zeman tune ye li sînorê tenik ï zirav ï bêşînor...

Baş e, lê yên ku xwe rast, rastî û rasteqîni dibînin! Yêñ ku xwe wisa zen dikin!

Yêñ ku xwe di jiyana rasteqîn de dibînin; ên candar, xwîndar, xwînî, bixwîn, bia-qil (!) û hestiyar (!) Gelo li hev dikin, gelo mirin, kuştin..? Yan jî mirinê asas digirin

û bi xwînê xwedîbûnê didomînin!

Hê mezel, qebra eslî..! Dengê xwe bilind bike..!

Tu çi dibêjî? Li hev nakin, qayışkêş in, hevdu încar û red dîkin û dimirin û dikujin. Zen dîkin ku ev jî aqildarî û biaqlî ye. Herweha hê ji ajalîtiye nehatiye bihurîn. Di ajalîtiye re derbasbûn nîn e. Yanî mirov ji qonaxa ajalîtiye nebihuriye. Em li wir in. Ên ku têñ gotin ku hişmend in, ên ku wisa têñ dîtin bejî, bêber, mezaxdar û her tişte wan çekiri, sünî ne...

Yeka din jî, dest avêtine zarokan; jiyanê li wan diherrimînin, jiyanê li wan dîkin zindan. Di temenê wan ï zarokî de, cezayêñ liyaqî mezinan (!) û qet û qet ne însanî didin wan, wan ditirsînin. Nizanî ramana ku dirêjî zarokan dibe, yanî ku dest diavêje wan, nayê ser xwe û qet naedile, ew pergâl qet naedile. Tişta ku biçûk dibe û hûrhûrî dibe kakila jiyanê, vejena jiyanê ye. Mîna molekulê yan jî atomê. Zarok jî wisa, vejena jiyanê ne, jiyana mirov a civakî. Zarok jî mîna atomê, kakil û vejena jiyanê ne. Kesa/ê ku ji xwestekên zarokan, ji xeyalêñ wan re, ji hestêñ wan ên bêguneh ên durist re bibe asteng ne mirov e; nisîbê xwe ji mirovahiyê negirtiye. Lewra civakê û herweha mirovahiyê belav dike. Ya/ê ku bela xwe di zarokan bide û “têkeve ser zarê zarokan” êdî ew qediyaye; lê ya/ê ku bi hezkirinê bûbe “zarê zaokan” û “ketibe dilên zarokan” ew ronahî ye û dahatû ye. Lewra jiyan dahatû ye!

Cîrask

12

Me gotibû hertiş çekiri ye; sünî.

Hest sünî, nylon...

Evîn jî, -derveyî dilê me, ji xeynî li nav me- tê stendin û firotin. Evîn, dilinî bi pereyan, bi banqinotên keskin... Ji ber vê Leyl û Mecnûnen hemdem, Romeo û Juliyetên modern tune ne! Mal, xanî, erebe, internet, evîna nîgaşî; bi qatêñ ku hertiş lê hatiye raxistin, bi tişten raxistî; têñ kîrrîn. Manken jî têñ kîrrîn; candar, bêcan, nylon, fantezî, birqoqî, yêñ ku bi bayî hatîne nepixîn... Heta tu dikarî bikirre, ku pereyêñ te hene, bikirre. Ku pereyêñ te pirribin, evîn jî pirr e! Girêdana rastîn, hestêñ însanî, hezkirina bêhesab a bêberdel a bêtimayî tune; tune, nema... Barbiyêñ nyloni, pitikêñ nyloni ji bo her karî (!) li dermanxaneyan têñ firotin. Hertiş têñ firotin... Mirovahî jî... Hertiş sexte, hest bixwe jî... Mirovê biaqlî (homo sapiens) sexte dibe, dibe sexte; dibe nyloni... Qaşo mirov! Mirovê nyloni! Dimezixîne û çiqasî ku dimezixîne, diqedede... Biqasî ku dimezixîne jî diqedede...


Em ji bo vê di şerrî de ne. Ên ku hestêñ nyloni, jiyana sexte red dîkin “terorîst” in(!), dîbin “terorîst (!)” Terorîst bêhtir mirovahî ne, yanî însanî. Mirovên nû. Û wisa! Bi dayê re, bi Xwezayê re, bi dayê Xwezayê re rûbirû; ew bi tenê ne, bi tena serê xwe ne bi dayê Xwezayê re, di hembêza wê de bi terorîstî, di tehma jiyana însanî de em diherikin bêdawitiyye. Em ne muhtacî hestêñ nyloni ne.

Di dahatûyê de wê mirov jî ne muhtacî wê be. Ji ber vê êş pîroz e. Eşa ku di doravê de tê hilberîn pîroz e û ew dahatû bixwe ye. Jiyan e.

Betalî Bêzar Germ

Weke pisikeke ku ji ber deriyan qewirandî
Meşîya betaliya min
Li ser hemû kolanên dinyayê
Ez li mirina xwe digeriyam
Li bazarên şemarûtan
Ü tariya demê dilebitî
Di bin neynûkên min de
Tirsê kon vedigirt li ser porrê min
Tehlbûna ramanên mejîyê min
Li çend zarokên ku bi fîrrîneketî dişeniqî
Min çend çivîk kuştin
Di kefa destêن xwe de
Diranên biêş bi deyn da min
ev jiyana qels
Ez im lehenga filmên nîvco

Dawerivî şev
Ne deng û ba liviyan
Ne bêhn û reng dixuyan
Erbaneya taldeya maran
di ber guhî de teqîya
Rabû *xanî* û çar dîwar...



Piyesa Çirokekê Hesenê Metê

Aliyekî sahneyê dekora aliyê perçînekê ye. Li aliyê din i perçînê jî rê ye, weke rêya park an baxçeyekî ye. Rê di ber perçînê re dibuhure. Beriya ku piyes dest pê bike û temâşevan cîhê xwe bigirin, mîrek li pişt perçîna ber rê li bendî fesalekê ye, fesala ku jinekê bi tenê bibîne û bêdeng rakêşê hêlekê. Carina bi serê xwe, bi kêra destê xwe bi temâşevanan ve xuya dibe. Weke kesen normal jin û mîr, jin û jin, cot bi cot, yek bi yek di evê rêya ber bêxçe re dimeşin û dibuhurin. Û anuha jineke xweşik, kubar û bi tena serê xwe di evê rêye re dibuhure. Saeta destpêka piyesê bi hatina evê xatûna dawîn dest pê dike. Dema ku xwe digêhîne taxa wî, mîrik bi dilpekîn xwe li hatina wê xweş dike, ji nişka ve xwe tev kîrê davêje ser jinikê, destê xwe dide ser devê wê û dikişîne pişt perçînê.

Ev aliyê pişt perçînê sahne bi xwe ye. Jinik bi tirs û bi tatûl xwe di nav lepêñ mîrik de diqoqizîne, bi hîsên ku ew ê tecawizê wê bibe, dilerize û bi deng û peyyêñ nîvçê dibêje:

JINIK: Hawar... berde... ji bona Xwedê min berde, min neyêşîne...

MÊRIK: Hişş!... (bi hilkehilk kîrê dide ber gewriya wê) Ku deng ji te derkeve û dînîtiyekê bikî, tu dizanî...

JINIK: Xirabiyeke... bi min neke, ji bona... Xwedê min neyêşîne!

Destekî mîrik li ser dev û ruyê wê, bi destê din jî kîrê li ber gewriya wê hazir dike û jinikê li erdê dirêj dike.

MÊRIK: Xwedê bi xwe gotiye ku divê tu bêşî, divê tu êşê bikêşî. Anuha êdî navê Xwedê bi lîv neke. Bi gotina min bike.

JINIK: Neke, (jinik nîvrûniştî xwe berepaş bi dîwarê perçînê ve dişidîne) ji bona Xwedê xirabiyeke bi min neke.

Mîrik kîrê xwe lê xweş dike, didanê xwe bi hev de dişidîne û di ser de diqîre:

MÊRIK: Min ji te re got çi!... Min got navê Xwedê bi lîv neke! Destê xwe ji Xwedê û alîkariya wî bişo, weke min bike!

Jinik bêtir diricife, bêtir ditirse û mîna ku nexwaze evê bergehê bibîne serê xwe dixe nava herdu lepêñ xwe. Mîrik dest davêje porê wê berepaş xwar dike, li çep û rast çerx dike:

– Binêre, Xwedê tuneye!... binêre, Xwedê li vî aliyê rastê jî tuneye!... Xwedê ji van deran reviyaye, tırsiyaye, ew jî poşman bûye, ji min û te poşaman bûye... (kîrê nêzî gewriya wê dike, di ser de xwar dibe, li nava çavê wê mîze dike, dîsa dike qîrîn û dibê) Xwedê tuneye!... Me li hev kir? Anuha tu bi xwe kincan ji xwe derxîne.

JINIK: Na, meke... ji bona... tu bi qedrê Xwed... dikî, vê yekê bi min neke!

MÊRIK: Tu weke min bike! Tu bi xwe derpê ji xwe bike. Weke orispiyekê, weke jinekê, weke êşkêşekê ji xwe bike.

Jinik xwe diguvêse ser hev û bi tirs, bi tatûl li ber mîrik digere:

JINIK: Ez di bextê te û Xwedê de, ez jineke bi tenê me, min zarok hene, jiyanê li min neherimîne... min kes nîne wan xwedî bike...

Bi bihistina peyva zarok, mîrik gelekî narihet dibe, bi porê wê digire, davêje erdê, li erdê dirêj dike, di ser de dike qîr û dibêje:

MÊRIK: Li hemberî Xwedê asê bibe, lê li hemberî min li ber xwe nede!

JINIK: Ji bona Xwedê...

MÊRIK: Banî Xwedê meke, dengê xwe neke, weke min bike, derpê ji xwe bike!...

Kêrê nêziktir dike, dûre bi hêrs li nava ranê wê xweş dike, dike ku ew ê anuha kêrê di ewkê wê de çik bike. Jinik bêtir ditirse, bêtir diricife, destê xwe ber bi hustukura kira-sê xwe bilind dike û mîna ku ewkê xwe ji serê kêrê bisitirîne, çogên xwe bi hev ve dişidîne. Mîrik ji nişka ve û bi hêrs dest davêje hustukura wê, hustukura wê diçirîne û pêsi-rêne wê derdikevin rastê.

Mîrik dev û diranê xwe bi hev de dişidîne, kêrê bêtir bilind dike û zîq li nava şeqêni-jinikê mîze dike.

MÊRIK: Ez vê derê jî biçirînim... dixwazî ez vê derê jî biçirînim!...

JINIK: Ji bona Xwedê... ji bona wî Xwedayê mezin... min rihet bihêle, têkilî min nebe. Eza bêguneh, Xwedêyo!...

MÊRIK: Min got, li ber xwe nede!... min got li ber Xwedê negere... min got, derpê ji xwe bike... (vê carê bi hêrs dest davêje pêşa fistanê wê, di ser zikê wê de diqelibîne, derpê jê dişeqitine û berzikek bi pirç... temaşevan jî dibînin) min got behsa Xwedê û meziniyê neke!... Ez ji meziniyê hez nakim: ji merivêne mezin hez nakim, ji bazirganêne mezin hez nakim, ji avêne mezin hez nakim, ji ewkêne mezin hez nakim... ji zarokêne mezin hez nakim...

Kêrê lê xweş dike û dîsa dike qîrîn:

MÊRIK: Te got... te zarok here?

Jinik bi tirs xwe dide ser hev û bi maneya, erê, tenê serê xwe dihejîne. Mîrik kêra xwe hêdî hêdî weke sadistekî ber bi nava ranêne wê dirêj dike û ji nişka ve bi hêrs:

MÊRIK: De îcar bibêje çîma!... Ku anuha li vir bûya min ê ew zarok yek bi yek bi vê kêrê parce parce bikira û min ê parce bi parce dîsa têxista evî ewkê te!... (bi parsuya kêrê ewkê jinikê ditepîne) evî ewkê te û ku kahniya hertiştî ye... sedema hertiştî ye: sedema gunehkariyê ye, sedema êşê ye, sedema şer û xezebê ye...

Tirs li jinikê xurtir dike, mîna ku wê kahniya xwe ya gunehkariyê ji serê kêrê bisitirîne, çogên xwe bi hev ve dişidîne, lê mîrik dîsa şeqêne wê ji hev fereh dike.

MÊRIK: Çavên we birije!... Çavên we dayikan derkeve!... Çîma hûn zarokan çedîkin!... Ji bo çî? Zarokêne bêguneh... hûn wan piçûkên weke perizadeyan tînin û di evê dojehê de datînin...

Destê xwe û bi kêr li hewa li ba dike mîna ku dojehkekê nîşan bide.

MÊRIK: Pêxember jî dibêjin: "Nalet lê wê rojê, nalet li wê rojê ku ez ji dêya xwe bûm!..." Ez di kolana Derê Çiyê re dibuhurîm. Min jinikek li wir dît. Li ber dîwêr rûniştibû. Ji te jî ciwantir û ji te jî gunehkartir. Dixwazî guhdar bikî?... ne çîrok e, rastiyek e.

Mîna Şahrezada hezar û yek şevî ku bixwaze emrê xwe dirêjtir bike, di maneya "erê" de jinik serê xwe dihejîne. Mîrik porê wê ji destê xwe berdide, parsuya kêra xwe ji ser pişta ewkê jinêkê radike, weke gopalekî serê kêrê dide erdê û mîna ku bi zorê pê rabe ser xwe. Jinik xwe rast dike û di cîhê xwe de rûdine. Mîrik radibe ser xwe, wek şano-gerekî kêrê di destê xwe de difirikîne, di bin çavan re li jinikê mîze dike û dipeyive:

MÊRIK: A di wê kolana Derê Çiyê de, min got jinkê li ber dîwêr xwe dabû erdê. Zarokekî şir li ber hemêzê bû... min texmîn kir zarok lawikek bû, loma dibêjim zarokekî şir. Keçikek din jî... bawer dikim bi qasî pênc salan li vê dunyayê xwe kevin kiribû... ew jî li kêleka dêya xwe rûniştibû. Dêya wê pêşirek xwe derxistibû, serê pêşira xwe kiri-bû devê ewî zarokê ber hemêza xwe. Jora pêşira wê tenê xuyabû: vala bû, çilmisi bû. Li gel wê ciwaniya xwe jî... lê min ew pêşira wê ya çilmisi da xatirê ku şir di pêşiran de tuneye. Bi gotineke din, du zarok çêkiribû, lê dilopek şir jî di pêşiran de tunebû. Keçika pêncsale jî li kêleka wê weke bizmarekî rûniştibû. Liv û tevgerên wê ne weke yên zaro-kan bûn. Meriv digot qey wê jî hay ji evê rewşa xwe û dunyayê, ji evê rewşa dêya xwe heye. Deng jê nedihat. Gili û gazin ji dêya xwe nedikir. Weke zarokan meraqa tiştekî nedikir. Ranedibû ser xwe û nedibeziya... ev ci zaroktî ye, ya ruhê gunehkar, ya Xwedayê gunchkar!...

Mêrik bi gavêñ leztir di sahneyê de diçe û tê, kérê li nêzî jinikê bi êş davêje erdê. Mîna ku jinik di ruhê evî mîrikî de tiştekî din, êşake mezin, êşake mesihî bibîne, bi mereq hêdî hêdî radibe ser xwe, xwe sererast dike, ew parçeyê qutikê wê i çiriyayî di dest de û ji pêya guhdariya mîrik dike. Mêrik didomîne.

MÊRIK: Ez lê mam heyirî. Ez vekişiyam siya dîwarê hemberî wan û min rûpelekî rojnameyê da ber çavê xwe. Min welê kir ku ez baş bala xwe bidime wan. Min nexwest wan hay ji min hebe. Bi germa nîvroyê re nanê xwe ji kîsekî kêleka xwe derxistin, dix-wazim bibêjim, jinikê derxist. Nan, dibêjim... lê jinikê kurtulek nan da dest keça xwe ya rûniştî, hinek av û kevçiyek şekirê hûr da ber. Ji bona xwe jî, jinikê hinek xwê û îsota hûr da ber xwe. Keçikê pariyê xwe bi zimanê xwe i piçük şil dikir, hinek şekirê hûr pê ve dizeliqand û dixwar, dêya wê jî pariyê xwe di xwê û îsota hûr de dikir û dixwar.

Mêrik evê sahneyê weke şanogereki bi rol dike: rûdine, ewê jinika parsek çawa kur-tolê nan derxistiye, çawa şekir û av daye ber keçikê, çawa wê nanê xwe bi xwê û îsota hûr de kiriye û xwariye.

Jinik bi matmayî li evê çiroka mîrik guhdarî dike û Xwedê dizane anuha bi qasî berê êdi ji mîrik natirse. Di wê gavê de du polîs di rê de, di ber wan re derbas dîbin. Jinik zûzûka ewî parçeyê fanoliyê xwe i çiriyayî davêje ser kêra li erdê. Polîs evê yekê nabî-nin, lê li wan û rewşa wan dinerin, mîna ku tiştekî ne normal hebe, dikevin gumanekê û dipirsin ka wan pêwîstî bi alîkariyekê heye an ne. Serê mîrik di ber de ye, dengê xwe nake. Hin jî rûniştî ye. Li hêla deng jî mîze nake, lê jinik bi polisan dide zanîn ku tiştekî tatûlîyê nîne, tenê hinekî dewxa mîrik çûye û loma li evê derê rûniştine.

Pişti ku polîs bi rêya xwe de dimeşin û diçin, mîrik li pey wan mîze dike, li jinikê mîze dike, mîna ku bibêje, te dîsa li hev hanî, pê dipişire, hêdîka radibe ser xwe û bi aliyê din ve dimeşe. Jinik xwarî erdê dibe, fanoliyê xwe û kérê digire, bi lez dide dû mîrik, bi milê wî digire û disekinîne:

JINIK: Te negot, navê te?

MÊRIK: Xêra navê min ji kesekî re, ji tiştekî re tune.

Mîrik xwe ji dest jinikê vedigire û di rêya xwe de dimeşe. Jinik li pey dîsa destê xwe davêje milê wî û kérê wî nişanî wî dide ku bigire. Mîrik bi awayekî xemgîn li kérê, li jinikê mîze dike:

MÊRIK: Kêr jî bi kérî kahniya gunehkariya we nayê... ew kahniya we bi kérê jî nayê rayê!

Mîrik berê xwe ji jinikê çerx dike û dimeşe. Jinik bi mereq, bi raman li pey mîrik mîze dike, vedigere ser temaşevanan û bi tatûl li wan mîze dike: Sê caran vê tevgera xwe dubare dike û perde dadikeve.

Marcel Duchamp û “Ready-Made”

Asya Genim

Duchamp’î hemû projeyên xwe wê li ser van fikrên xwe ava bikira: “*Hün ji min bipirsin wêne dimire. Pişti cil- pêncî salî tablo dimire, ji ber ku êdî ne teze ye. Peyker jî weha ye. Ev fikra min a peyandiye, kes qebûl nake lê ne xema min e. Li gorî min tablo jî weke kesê ku ew çêkiriye di hundirê çend sala de dimire. Pişti wê jî dibe dîroka hunerê. İroj Monet weke hertiştî acizker e, 70-80 sal berê çiqasî bi ihtişam bû.*”

Di heyameke krîtîk de pirsên li ser hebûnê, mirov nêzîkî erda ramanê dikir. Hebûn kirûyeke hişinî ye. Duchamp’î hişin xist navenda hunerê ku ev yek rîskhilgirtin bû. André Breton’î ji bo Marcel Duchamp’î weha digot: “*Marcel Duchamp dibe ku xwe jî herkesî zûtir bigihîne xala ramana krîtik?*”

Ew di ekolên Surrealîzm û Dadaîzmê de weke motora ramanê hate dîtin. Duchamp’î bi berhem û bi fikrên xwe yên jiadetêderketî bal dikşand ser xwe. Ruhê Dadaîzmê bi Duchamp’î re bêtir lihev e. Dadaîzm ji xema hunerê dûr bû, ev yek aliye Duchamp’î yê herî girîng e. Dadaîzm tevgereke jiyanî bû. Ji kaosa Ewropayê welidîbû Surrealîzm, Dadaîzm. Êdî parzemîna Ewropayê ji bo hunermendên nûjen laboratuareke xebatê bû. Sedsala bîstemîn destpêkeke tarî bû, dîroka sedsala bîstemîn weke heyameke tevlihev wê bîhata xwendin. Pişti herdu Şerrên “mezin” Ewropa ji hev ketibû, sîstemên mezin ruxiyabûn, hertişt li benda xwe- ji-nû-ve-avakirinê bû. Nosyonên ku Ewropa ji nû ve ava dikir ji malzaroka modernîzmê derketibûn. Dînamîkên cîvâkê xwe li gorî rengê demê disesilandin. Huner û ferasetên hunerî ruhê heyama xwe diteyisandin. Ekolên ku derdiketin ji psîkolojiya Ewropaya têkçûyî derdiketin. Tevgera Dadayê di sala 1916’an de li Swîsreyê û di heman demê de li Amerîkayê jî dest pê kir. Heyameke ku ji bextewariyê bê par, ji êş û nerehetiyê pê ve karîbû ci bida-ya mirovan. Mirovên heyameke bi êşê strayî li hemberî jiyanê bêxemîyeke tund nîşan dida. Hertişt leqiyabû, xirrek bûbû. Êdî fikrên berê di bin xirbeyên şerrî de mabûn. Jiyan bi şikestineke mezin re rûbirû mabû, dem dema xerakirinê bû, hertiştî divê xwe ji nû ve çêbikira. Huner li gorî qalibên kevn tevnedigeriya. Ecibandinê heyî dihatin darizandin. Hunermendên nûjen bi qalibên nuh ên bêqalibiyê ango bi pratîkên serbest divê pêk bihatina. Vîndariya afîrinê xwe li ser demê serdest dikir. Şexsbûn, êdî wê klîşeyeke dema modern bûya. Di trajediya herdu Şerrên mezin de ekolên mezin derketin. Têkbirinê, çawa mohra xwe li heyama sedsala bîstemîn xistibe heman peyvê mohra xwe li dîskurên hunerî jî xistiye. Mesele ji guherînê bi wêdetir têkbirina teki-lijen lawaz ên bi kevneşopiyê re bû. Tristan Tzara weke ku daketibe qada şerrî bi den-



Marcel Duchamp

Huner çiqasî dadigeriya bundirê jiyanê? Hunera avangard ango ekolên avangard bi tenê bi derxistina berhemê re ne mijûl bûn, bi perspektifêneceb daqûlî pirsan dibûn. Peter Bürger'î armanca avangardistan a xala herî girîng ev didît: "Sazîbuneke hunerî ku ji pratîka jiyanê dûrketi divê ji holêbihata rakirin. Avangardê, armanc dikir ku hunera xweser ji holê rakira" Derdê avangardan ev bû ku hunerê daxili pratikêni jiyanê bikin. Jiyan, divê ji bin hukmê hunerê bihata derxistin. Huner, divê rasterast ji hundirê tevgerêni jiyanê derketa. Ji aliyê Dadaîstan ve, happening (bûyer) û pêşandeyênu dihatin kirin hunereke ji jiyanê derketî dihat armancikirin.

Berhemênu ku ji ekola Dadaîzmê derketine divê weke berhemêne serbixwe bêne xwendin. Peter Bürger hilberîna Dadaîzmê weke hilberîneke hunerî nabîne, ew wê weke hilberîneke serbestkirina pratîka jiyanê dibîne. Duchamp'î bi daxuyaniyênu xwe yên radikal têgehêneke hunerê û wateya hunerê hûrhûrî dikir. Rexneya hunerê bi peyvîn Duchamp'î derdiket lütkeya bêsinoriyê. Bi çalakiyênu xwe Duchamp'î wateya hunerê derdixist bazara nîqaşan. Vê yekê, qadênu bisînorkirî ji hev dixistin, hewldana Duchamp'î xerakirina sînorênu di navbera jiyanê û hunerê de bû. Bi sloganu "anti-huner"ê Dadaîstan qadeke serbest çêkir. Duchamp weke pêxemberê "anti-huner"ê hate qebûlkirin. Wateya gişfî ya hunerê hate xerakirin. Xerakirin, ji bo fikrênu nuh pêwistiyek bû. Nosyonen modernîzmê diperesin. Peyvîn ku bi feraseta kategorîzekirinê hatibûn bi mehnecikirin yek bi yek dihatin darizandin. Kategorîzekirina berheman û li dij wê derketina Duchamp'î û çalakiyênu Duchamp'î Peter Bürger weha rave dike: "Duchamp'î bi awayekî provokatif bireserên fabrikasyonî imze dikirin û ji pêşange-

gekî hêl li ser zemîna tekstê weha digit: "Tiştê ku me bi rabirdiyê re girêdide dijberî ye." Ruhê Dadaîstan hertim li ber teqînê bû. Duchamp'î qada hunerê weke qada şerrî didît û bi fikrêni heyî re şerr dikir. Duchamp bi tevger û fikrêni xwe bi awayekî radikal li hemberî fikrêni gişfî yên ku kokênu xwe digihandin Ronesansê derdiket. Erda Ronesansê êdi erdekeî metrûke bû ji bo ekolên avangard. Alav, têgeh, qalib û diskurêne demê li hemberî guherînên civaka nuh bêçare bûn. Ewropaya endustriyel bi dengê xwe yê mekanîk ruh û hisênu xwe digihandin Ronesansê têk biribû, xirrecirra mekîneyan roj bi roj ruhê hunera avangard dermale dikir. Ekolên avangard bi lêpirsîneke tund hertiş dida ber pirsan.

hên hunerî re dişandin, ev provokasyon berî hertiştî hebûna feraseteke ku ji cire dibêje huner ferz dike. Îmzekirina bireserên amade hinartineke kategorizekirina berhemê ye.” Li gorî Bürger’î di bingeha çalakiyên Duchamp’î de acizkirina fikrên ku xwe digihandin Ronesansê hebû. Fikirdarêne Ronesansê berhem û pêşnûmakirin karekî pirr bi qîmet didîtin û wan pêvajoya afirîneriyê tiştekî şexsî didît. Li gorî Bürger’î Duchamp’î dixwest ku ew fikrên ku ji navika Ronesansê derketibûn bidarizandina (herçiqasî Duchamp ji peyva darizandinê aciz bûya ji). Bürger, lêpirsîna Duchamp’î weke lêpirsîneke provokatif dinirxîne. Bürger weha vedibêje: “Çalakiya provokatif dikeve şûna berhemê. Di vê rewşê de gelo kategorizekirina berhemê nabe zêdeyi? Provokasyona Duchamp’î huner weke sazîbûneke civakê hedef digirt; berhemâ hunerî çiqasî daxili wê sazîbûnê bibûya, vê êrîşê ew ji dixist hedefa xwe.” Avangardan dixwest ku ew hunerê ji sazîbûna civakê rizgar bikin û hunerê tev li pratikên jiyanê bikin. Li gorî Bürger’î avangard di pratîzekirina fikrên xwe de bi ser neketine û wan huner bi tu awayî tev li jiyanê nekiriye.

Çalakiyên Duchamp’î herçiqasî li ser tunekirina hunerê bin ji tişten ku wî dikir ji hunerê pê ve ne tiştekî din bû. Ronesansê huner derdixist lütkeyê, lütke ji erda jiyanê dûr bû. Bilindkirina hunerê ji bo Duchamp’î fikreke acizker bû. Bi ‘ready-made’-en xwe Duchamp’î dixwest ku hunerê ji lütkeyê daxe ser rûyê erdê û karê hunerî bêsehr bike û ji hunerê re hişekî çêbike. Berhem, karfîbû her alav bûya. Biresereke jirêzê bi şanenava hunermênd vediguherî berhemê. Vê yekê berhem ji kategorizekirinê rizgar dikir, ango huner tune dikir? Jixwe hemû çalakiyên Duchamp’î huner refere digirt. Bi dijberiya hunerê Duchamp’î hunereke nuh ava dikir. Huner ji tuwalê daxist erdekî bêsinor. Duchamp’î weke sêhrbazekî dest bidaya ci ev tiş, ew alav hêmayeke xurt distend û xwe di hundirê pêşangeheke hunerî de didît, lê bi xwe re teşqeleyen mezin derdixistin. Duchamp’î bireser imze dikirin û ew dikirin dînamît û wî ew diavetin hundirê mejiyê galeriyêne antiguherîner. Di her hal û karî de bireser piştî dadigeriya hundirê galeriyê û dihat pêşangehkirin nirxê hunerî distend ku ev yek di navbera fîr û pratikên Duchamp’î de şikestinekê çêdike. Li galeriyeke hunerî cih stendina “Fountain”ê (kanî) ew veguherand berhemeke hunerî. Bürger, “ready-made”-an weke berhemê nabîne weke ‘pêşandanê’ qebûl dike. Di rastiya xwe de dijberiya Duchamp’î dijberiya feraseten statik bû. Huner divê bibûya çalakiyeke jîndar, afirînerî ji çarçoweyen teng divê bihata rizgarkirin. Krîterên hunerê ji muzeyen sar û ji darizinê estetikî divê bihatina rizgarkirin. Nemaze muze rastî rexneyen Duchamp’î hat. Muze, sînorêni di navbera huner û jiyanê de bûn. Li gorî Duchamp’î, a ku berhem derdixist wateya hunerî ne muze bû û ne ji hunermend bû bi tenê temaşevan bû. Duchamp’î di hevpeyyîna ku Pierre Cabanne’î pê re kiribû de li ser muzeyan weha digot: “Hema hema bêje ku ez naçim muzeyan. Ev belki bîst sal e ku ez neçûme “Louvre”ê. Qet bala min nakişîne, ji ber ku iroj roj ev nirxen darazdanê ku bîryara pêşangehkirina hînek berheman dida û ya hînek berheman nade ji rastiya wan bi guman im.” Duchamp’î muze, weke nûnertiyeke feraseten statik didit.

Kirin an ji nekirina hunerê ne yekemîn xema Duchamp’î bû. A girîng berhemeke hunerî divê di mirovî de tevgereke fikrinê çêbike û ew berhem çiqasî kare çalakiya fikrinê provoke bike. Divê huner bi tenê ji bo zewqê neyê kirin yanî di navbera hiş û hunerê de têkiliyeke xurt bê avakirin. Di Duchamp’î de, a girîng ne berhem e, ji berhemê girîngtir hişê ku tê derxistin. Duchamp’î digot: “Bi tenê derdê min fikirîne”, ji ber wê yekê hunera pêjnî biçûk didît û hunera ramanî bilind dikir. Weke Donald


Kuspit dibêje: "Hunermandê Duchamp ï kedkareki/e hişinê ye". Duchamp hunermandekî heyama modern bû, di nezera Duchamp'î de hiş û hişin kirûyeke girîng bû ji bo karê huncrê. Hiş, alava herî serdest bû di fesilandina modernîzmê de, di Duchamp'î de xala sereke û bingeha hunerê bû. Tiştê ku Duchamp'î ji berhemê fahm dikir ev bû; berhemek çiqasî dikarc mirovî ber bi herikîna fikirinê bibe. Li gorî Duchamp'î xema ecibandinê, darizîna estetikî, aliyê hunerê yê ku ji êqil distend basko dikir. Xema estetikê hunermend daxili feraseten giştî dikir. Di Duchamp'î de hunermend bêxem tevdigere û bi hunera ku dike xwe li heviya erêya civakê nahelê. Duchamp pêvajoya afirandinê bi van peyvên radikal vedibêje: "Berhemeke hunerî divê bi tu awayî balkêşîyeke estetikî nehundirîne. Hunermend ji bo çepikên nifşen pêşarojê xwe netengijîne. Ji bo ku bibe kesekî xwedî zewq bila neşixule ji ber ku zewq tim tê guhertin. Ji bo ku xwe baş bike jî divê neşixule bi tenê ji bo xwe hebike bişixule. Èş û bengîniya ku alavê te pêk tîne heya tu bêjî bes baş derbirînê û bi dûre dest nedê. Weke Eliot'î dibêje divê huner bibe "biresereke beranberî" kirûyeke hişinî.

Li gorî Kuspit'î, Duchamp'î pêvajoya afirandina' hunerê pêvajoyeke ji derveyî hişî didît. Duchamp, kiryara estetikê kiryareke civakî didît. Hêza estetikê, armanca afirîneriya hunermênd zeîf dikir û berhema hunerî bi şiroveya xwe civakî dikir. Duchamp bi hêza estetikê ne bawer bû (bi awayekî vekirî ez dixwazim ku vê yeke eşkere bikim; di hilbijartina 'ready-made'ê de bi tu awayî bandora zewqeke estetik tune ye.) ji ber ku xema ecibînê xemeke civakî bû ku ev yek hunermendî ditengijand û afirîneriya hunermênd difetisand. Kuspit'î fikrên Duchamp'î yên di çarçoweya antîestetîzmê de bêmehne didîtin. Kuspit'î berhemeke ji estetikê bêpar weke berhemeke absurd bi nav dikir û 'ready made'ên Duchamp'î ji zewqê dûr û bêmehne didîtin. Kuspit bi nirxandineke ecêb bi ser Duchamp'î de diere. Li gorî Kuspit'î Duchamp bi tenê ji hesûdiya hin wênasazên navdar (Matisse, Picasso) li dijî estetikê derdiket û weha dinirxand: "Duchamp dixwest ku nûjeniya ku wan anîbû li dû xwe bîhişta, lê ji bo vê yekê ew tiştê ku bingeha hunera wan çedikir estetik divê ji holê rakira û bi vî awayî heza ku temasavan distend tune bikira. Belkî jî serkeftina herî mezin a Duchamp'î ev yek bû ku baweriya wî ya estetikê leqiya û hêza estetikê winda kir. Ev serkeftin serkeftina dejenererekirina afirîneriya sedsala bîstemîn e."

Kuspit'î, di hunerê de estetik di asta hebûnê de didît. Hunereke bêestetik wê bê kêt bûya, bê zewq bûya û wê ji hestan dûr bûya. Hişekî ji hestan hatibe dawşandin wê hişekî bê armanc be. Dehka Kuspit'î ev bû ku hunera ku Duchamp'î dikir ji naverokê dûr û ji hêmâyê bêpar bû. Anglo li gorî Kuspit'î di fikrên Duchamp'î de kûrahî tune bû, asteke rojane hebû ku ev yek huner dikir kirûyeke rojane. Di her hal û karî de Duchamp'î zemînceke nuh ava kir ji bo hunerê (herçiqasî dehka Duchamp'î nekirina hunerê be jî). Duchamp bi têgînênuh daqûlî hunerê bû. Weke Duchamp dibêje, "zewq tim tê guhertin" û krîterên hunerê jî tê guhertin. (Di Qirna Navîn de berhem li gorî krîterên dêrê dihat nirxandin. Ji bo hunermênd sereke mijar û yekane mijar "Încîl" bû. Ji bo wê demê ol û pirtûka pîroz çavkaniya afirîneriyê bû, lê pişti Ronesansê ev feraset roj bi roj zeîf bû. Èdî hunermend li ser zemînênuh afirîneriya xwe, hêmâyên xwe dermale dikirin. Modernîzm li ser fikrên Ronesansê ava bûbe jî modernîstan heyama Ronesansê li dû xwe hiş û krîter û fikrên heyamê dan ber pîrsan.) Anglo her heyam bi dînamîkên xwe ferqa xwe datîne ji heyama din, ev yek hêza guherînê ye.

Di sala 1917'an de li New Yorkê pêşangeheke Civata Hunermendê Serbixwe

vebû, Duchamp'î "Pisuar" a ku navê "Fountain" ê (kanî) lê kiribû ji pêşangehê re bi ûmzeya "R. Mutt"î* şand. Ji bo beşdarbûna pêşangehê ew pereyê ku ji aliyê komiteya pêşangehê ve hatîbû qebûlkirin nebû garantiya pêşangehkirina "Fountain" ê (her hunermend bi dana wî pereyî karîbû bi berhema xwe beşdarî pêşangehê bibûya). Ji aliyê komîteyê ve, "Fountain" bi awayekî hişk hate darizandin û di pêşangchê de "Fountain" ê ji xwe re cihek nedît. Darizandina berhemê ji bo Dadayê bû qûckeke pêşandanê. Di kovara Dadaîstan a bi navê "The Blind Man" ê de gotarek hat weşandin. Gotar li ser helwesta komîteya pêşangehê ya li dijî "Pisuar" ê hatîbû nivîsin. Gotareke reaksiyoner bû û mexseda Duchamp'î weha rawe dikir: "Dibe ku ev 'kanî' bi destê R. Mutt'î hatîbe çekirin an jî bi destê yekî din, a girîng ne ev e. VÊ WÎ HIL-BIJART. Alaveke jîyanê ya jirêzê stend û ew bi navekî din û bi dîtineke din, ji nirxên wê yê bi karanînê hate dûrxisiitin û hate pêşkêşirin. Ji bo bireserê ramaneke nuh hate avakirin."




Marcel Duchamp, "Fountain" (Kanî)

Li ser karê Duchamp'î di wêşanên Dadaîstan û Surrealîstan de gellek gotar weşîyan. Di rojevbûna Duchamp'î de bêguman bandora nivîsan hebû. Weke David Hopkins dibêje "kultbûna Duchamp'î çawa çêbû?"

Navdarbûna wî, divê di demeke kin de neyê nirxandin. New York ji bo Duchamp'î ne destpêkeke nuh bû, lê ji bo New Yorkê destpêka tevgereke orijinal bû. Duchamp'î bi ramanên xwe bi çalakiyên xwe atmosfereke bitevger da destpêkirin di civata avant-gardêni li New Yorkê. Projeyên wî di der û dorêñ hunerî de dihatin nîqaşkirin. "Ready-made" ji bo hunera dinyayê têgheneke dijwar bû. Ezbera hunerê hûhûrî kir û berge-heke afîrîneriyê ya bêsinor da destpêkirin. Zemîna hêmâyê ji destê pûtperestan rizgar kir. Wî bi "jehrîbûna terebentînê" bi nav dikir rewşa hunerê ya giştî, Duchamp'î mal-zemeyên klasîk ji wêneyê kişandin, wêne ji ser şowaleyê daxist û bêhna terebentînê bi hêza zimanê ramanê lawaz kir.

* Mutt: Peyveke argo ye, te wateya seg, kûçik, ehmeq.

"Hîn di sala 1913'an de min dixwest ku ez tekerê bisiklêtê monteyî tabûreya med-bexê bikim û temaşeyî zîvirrandina wê bikim. Pişti cend mehan min dîmeneke erzan a zivistanî ya bêrêvarî kirri, du tûşen biçûk yên sor û zer li asoyê xistin, bi dûre min wêne bi navê "Dermanxane" yê bi nav kir. Di 1915'an de li New Yorkê ji nalbûrekî min bêreke berfê kirri, li ser bêrê min nivisi "li hemberî ihtiîmala çengşikestinê". Bi peyva "Ready-Made" ê pêşkêskirin wê gavê hate hişê min."



Marcel Duchamp, Bicycle Wheel (Tekerê Bisiklêtê) 1913

Navê wî belav bû gellek nîqaş li ser hate kirin, hin kesan ew derxist asta mîtbûnê, hin kesan du qurişên xwe tê de nedan. Ji bo hunera sedsala bîstemîn bergeheke serbest ava kir (Hunera têgehî, pop art (hunera populer) li ser ramanê Duchamp'î xwe çêkir.)

Mafê her mirovî heye ku bibe hunermend mafekî binpêkirî bû. Ew maf bi feraseta Duchamp'î ya afirîneriyê hate bidestxistin. Her mirov serbest e ku di pêvajoya afirîneriyê de alav, têgeh û teknikên xwe hilbijêre û ya girîng li ser zemîna ramanê êdî huner dihate kirin. Cih û warê wêneyê û qabiliyetê ji klîşeyên Ronesansê rizgar kir.

Zemîneke ramanî û têgehî û ya herî girîng pêşbîniya wî karêñ pirr bi rîsk pêdakirin. Hemû alavêñ ku hunermend derdixistin qada pîroziyê yek bi yek xist hedefa xwe. Duchamp'î bi tenê forma berhemê xera nekir fîkrîn sedsaleke mezin da hemberî xwe. Hunera Duchamp'î hem tê xwendin, hem difikire, hem dide fîkrandin û tê temaşekirin.

Çavkanî

1-Peter Bürger, Avangard Kuramı, weşanên İletişim'ê.

2-Sanatçı Müzeleri, weşanên İletişim'ê.

3-Donald Kuspit, Sanatın Sonu, weşanên Metîs'ê.

4-David Hopkins, Dada ve Gerçeküstüçülük, weşanên Dost'ê.

5-Enis Batur, Modernizmin Serüveni, weşanên YKY'ê.

Hevdîtineke Kaotîk

Robîn Şerna

dema ku bi finda çavêن te
bê pelandin çavêن min
wê wextê dê şoreş çêbibe
dê çek bixerpilin
dê toxumên cercûran
di şûva cênikan de bêن çandin
bêhna hemû zarokên pinpinîkî
dê di rengê berikan de
govend bigirin di namlûyêن keleşan de
ma kî dizane?
dibe ku bêyî te jî evîn bê jiyyîn
û dil jî serê xwe bixwe belkî
yetam
berdîwar
û
binçengşewitî...


Gîrashk
23

dema ku bi finda çavêن te
bê pelandin çavêن min
bi ekla dengê çavêن te yên şalûlî...
dê ava reş bi çavêن min de were
ez ê qarixî bibim...

.....
ji kalanêن xwe derketin êdî
maçen di jehra silêmanî de destmêj girtine
êdî hezkirin
mîna gurzek rûbarêن dîl
di bendaveke gennî de....
sîngêن hechecîkêن azad maçî dike.

çepera dilî zolik zolikî
pêçeka zayîna sergerdeyê nû
hembêz dike
zolik sor
dergûş kor

û hesûdiya çavêن min
di avjeniya xwînê de li helbesta
ji dengê te hatiye risîn digere



xwisiya heyyé weriyaye li ser rûyî
çavén vé ji rengê rojê
hembêza xwe hîpelîne mist kevok
wisa bi guman dînihêre ji hundir
rûbarek diherike ji dili

di dengé wê de awaza xezalan
di siverêyan de sé zinén bikum û koloz

rahêjim ezmên bi evîni ramûsim
weke xunarekê dibare ser serî min
ew desten xwe li helbestê vegirtî

egidekî reyesmer i çiyavî ye ew
di nav diranan de sîriûda dahatiya me

Diyarı Mem Ronga'yî

Çirûskê Nûjeniyê di Helbesta Bakur de -Mem Ronga- Berken Bereh

"Tirêj" bêguman ne bi tenê bi nasnameya xwe ya ku yekemîn kovareke xwerû bi Kurdî ye tê nasîn; herweha ew di heman demê de bi nivîskarêñ xwe yên xwedî nexş û reng û dengê resen û cuda jî nav daye. Dîsa "Tirêj" bi saya wan nivîskar û helbestvanêñ ku xwestiye ku pireke qehîm di navbera wêjeya klasik û a nûjen de ava bike jî tê nasîn. Mem Ronga yek ji wan nivîskaran e ku wî bi tevayî ev xislet di berhemêñ xwe de bi hosteyî bi cih kirine. Wî, berê rûbare helbesta Kurdî -ku xwérnexwaz û dagirkerêñ vê xakê bendavek li ber ava kiribû- ji nû ve da wan newal û geliyêñ ku bi şehwet li benda wê bûn. Mem Ronga'yî di têkoşîn û hewldana xwe de yek carî bi tenê jî xwe nespart popularîteyê û vegotineke erzan. Weke derwêşekî biefsûn da dû raz û mîrateya bav û kalan.

Mem Ronga di avakîrina helbesta xwe de bi azadî tevgeriya. Bi her helbesteke xwe resenî û xweseriya xwe nîşanî me da. Her bi surprîzekê li deriyê helbesta Kurdî xist. Ziman, dirûv, teşê û vegotin di helbesta Mem Ronga'yî de weke notayêñ stranekê bi harmonî di tekiliyê de ne. Ji ber hindê di dawiya helbestê de peyam weke stîrkekê dicirüse di hiş û giyanê mirovî de. Bextewarî û dilşadî bi hêminî di bedena mirovî de dikeve livbaziyyê.

Mem Ronga peyama xwe ne rasterast lê bi awayekî surprîz radîgihîne xwendevêñ. Dema ku mirov li navê helbestê dînihêre, mirov biguman xwe berra hundirê helbestê dide, lê bi her ristekê, bagera meraq û heyecanê, dil û mejiyê mirovî dîl digire. Lew ew, berevajî nifşa xwe wanekan ji xwe re dike pêlistok û hêlêñ wan ên ku gellek caran ne di bîra me de ne raberî me dike û bi wî awayî êş û birînêñ me yên xedar nîşanî me dide û bihemd berê me dide ponijîneke kûr û dûr.

"Derîname" yek ji van helbestan e. Di helbestê de "derî" bi taybetiyêñ xwe û wateyêñ xwe yên cuda tê vegotin. "Deriyêñ hesinî, deriyêñ kevotî, deriyê koxan, deriyê pey hev bi notirvan, deriyê ku vedibin, bi destê sibehê bi singuyan" û peyama weke çakûcekî ku li serê mirovî bikeve;

"Derî

Derî

Derî

Nabe

Wiha naçe seri"

“Diyarbekir” dîsa yek ji vê cure helbestê ye. Diyarbekir ku kevnar e, mezinahî, aşîmanê xwe yê bi heybet, kevokên perrbizîv ku rojêni ji kulîlkên sîpan, ewrêni agirî û kaniyêni mereto vedixwînin û her dawî ;

Hezar dilê westayî bîna xwe vedidin
Di hînkayiya zebeşkî teyê navdar
Ku niha min divê “ de

Hesret, bêrî û derdê dûriyê bi “Diyarbekir” tîne zimênu dilê xwînêr dilerizînc.

Dîsa “Dicle” û “Hechecik”, “Çewa”, “Gelf”ji van cure helbestan in. Di “Hechecik”ê de bi hatina payîzê re koçkirina hechecikan ber bi cemsera Başûr ve dike mijar û rîwiyyeke xweş û bê xetere jê re dixwaze û xemginiya xwe bi lêv dike ku ewyan û ezmanê wî bê wê kêm û sar e dibêje. Di dawiyê de;

“Lê
Ne ez dikarim bêjîm
Ne jî yekî din
Ev zalim
Wê xaniyê min jî hilneweşînin
Wek bi hezaran yêñ din
Wê gundê me jî neşewitînin”
Yan;
Çiyayêñ kurdistanê hesen
Ji derdê min û te ra
Şut û tazî”
Yan;
“agirê pîroz û jiyanbexş
van zaliman
çî anîn serê te ji
yê me ji”

Gellek zanyar, bêhtirîn jî dîrokzan û dîroknûs û zanyarênu ku li ser civak û têkiliyêñ insanan radiwestin û dixebeitin ji wêjeyê û nemaze ji helbestê sûd werdigirin. Lew, helbestvan di avakirina helbesta xwe de bivê-nevê bi hest û dilînênu xwe re -ku ev jî parçekî vê civakê ne-hin rîtuwelêñ hiş, hîzr û ramana civakê jî tev li helbesta xwe dike. Lew, helbestvan yekî ji wê civakê ye û bi reng, nexş û taybetiyê wê civakê dirûv û teşe girtiye. Ev angaşt di helbestê Mem Ronga'yî de bi goşt û laş dibe. Jixwe ew jî dixwaze ku neynika xwe raberî civakê bike û tişta ku dibîne bi helbestê ragihîne me. “Serpêhatî”yek ji van helbestan e ku hismendî, tevger, livbazî û hêza ku xwe sazkar û avakarê civakeke modern dikir, çiqasî hosteyê vî kariye û dikare heta ci radeyê bibe dermanê pirsgirêkên civakî? Herwîha paradoxal xort û xwendevanênu ku endamênu bûrjûwaziya biçûk e bi aşkere vedibêje.”

“Karker tuneye
Gundî razaye
Şoreş
li héviya me pêşevanan maye”

“Milek ji pola/dilek xurt/bes e/bo vê/dengê tivingan/dermanê xewê.” û dehw û doza

kuştin -ku kesên ji fraksiyonêن cuda- û çalakiyêن bêpergal tê kirin. Baş tê zanîn ku bûrjûwaziya biçük heta radyekê dikare vî barê giran ragire û dawiyê “leq/leq/leq, nebû/lihevnehat/îcar/gel/li pey me/nehat...na lo...hewaye/ev gel ne hêjaye” Ev helbest panaromayeke ji qonaxa salên ‘70 heta ‘80’yi li Bakurê welêt.

Rêya çareserkirina pirsgirêkên civakê û rizgariyê bi helbesta “va destê min” “de weha vedibêje” ne tenê me di vê evînê/he tenê/birayê min hene li çar alî/li çar alî dinê”ango kes û gelên bindest û çîna karker giş hevalbendê hev in û markîsî jî bîr û baweriya wan e ku bi wê dikare pirsgirêk bê çareser kirin. Tu rîyeke din nîn e bo hêvî-yê;”dizanim êdî/hêvî nexweşin e/ger nehatibe strelandin/bi dengê gerran û kerane/û reh bernedabe/di axê de.”gerran û kerane sembolên ramyariya sosyalîzmê ye.

Mem Ronga’yi di helbesta xwe de gellek caran bi felsefeyê re dide û distîne. Herweha bi tehmake helbestî felsefeyê, hizirkirin û ramyariyê li ber dilê me xwes dike û pirsine ku dê deriyê cîhanek din li ber me veke aresteyî me dike.

*“bingehê gerdûne ne-afirandî
Ne hewa û agir, ne ax û ne av
Yek tişt heye bi ser û bê dawî
Di guhûrin û qevdan de bizav.”*

Herweha di helbesta “Jiyan”ê de hebûn, heyîn û wateya mirovbûnê bi hosteyî şîrove dike û xwe digihîne lütkeyên helbesta cîhanî.

Cîhanek

26

*“Ne bi me destpêkir ev stêre
Û ne jî ewê bi me biqede
Straneka bêdawiye jiyan
Tu meqamê wê xweştir bike.”*

Zimanê Mem Ronga’yi, zimanekî resen, zelal, herikbar û ji kaniya civakê derbûyi ye. Ew ziman e ku rasterast di jiyan rojane de tê bikaranîn. Vê tercîhê, helbesta Ronga’yi, berz û bilind kiriye û kirasê jidilbûn û rûspîtiyê lê pêçaye. Bikaranîna qalib û terkîbên wêjeya devkî jî di hûnandin û sazkirina helbestê de bûne stûnên qehîm; herweha vê şewazê deriyê têkiliyeke xurt a bi helbesta me ya klasik re jî amade kiriye.

Mijarêni Mem Ronga’yi; azadî, eşq, hesret, mirin, dûrî û bêrî, sıruşt û ango jiyan û gerdûna me bi xwe ye. Ew nefşbicûk e, berevajî gellek helbestvanan tutıştî li ser me ferz nake û nabêje va rastî ev e. Bi tenê nîşanî me dide, weke dîmenekî filmekî bi lez tê û dibihure. Lî piştî xwendineke bibaldarî mirov tê digihîje ku Ronga neynikeke ku rastî û razên me û civaka me li ser diteyise û dibiriqe. Ji ber vê, divê bi baldarî bê xwendin. Piştî Goran û Osman Sebrî yekem kes e ku li ser xwezayê û qewimînên wê nivîsiye. Ez “Pelê payîzê” li jêr dînîvîsim. Hêvîdar im ku xwendevan vê helbestê bi baldarî bixwîne û li ser bihizire bê ka gelo ev pelê payîzê ye tê vegotin an “însan û emrê” wî ye ku weke pelê payîzê bê dilê xwe diçe?

Ez dixwazim nivîsa xwe bi helbesta “Koşk”ê bi dawî bikim ku bi ya min ev helbest xewn û xeyalîn her Kurdekkî dinimîne. Bi hêviya ev koşk di demeke nedûr de bibe rastiya jiyanâ me.

*KOŞK
me koşkek ava kir
stûn ji tîrêjên şeveqa nemrûd
pace ji dengê hesenê cizîrî*

Mem Ronga bêguman yek ji wan gewretirîn helbestvanê helbesta Kurdî ye, mixabîn ev zatê hêja ji zû ve ye helbestan lê nake, ez weke helbesthezekî Kurd dehw û doza wê pênûsa dilpiyar dikim ku Mem Ronga qeydên vê veke û me ji helbestine weke "Koşk"ê bêpar nehêle.

Pelê Payîzê

*govendek destpêdike li bilindahîyê
xwe li ba dike pelekî ji rengê hemû'zer û soran
li ber bayê sar i payîze
tenê lerz e ew
li vê berêvara dereng
li jêr dinêre
li axê
li jor
li asîmanê ji ewrênen rengerisas tikandî dinêre
ne dest ji darê dibe
ne dikare li hember gazîya axê xwe ragire
werr
dudil dimîne demekê
paşê
xwe ber dide
bi giranî datê xwarê
li jor dinêre careka din
li asîmanê bilind
li pelên mayî
bî keser radimûse axê
û
pişta xwe dide bayê hênik
hiltîne serê xwe
diçe.
di dil de xembarîya refen çivîkên koçer"*
-Mem Ronga-

Mem Ronga kî ye?

Mem Ronga bi navê xwe yê din Mehmet Tanrikulu yek ji helbestkarênen nifşa "Tîrêj"ê ye. Ew di sala 1952'yan de li Farqînê hatiye dinyê. Wî Enstîtuya Perwerdehiyê Beşa Zimanê Tirkî li Amedê kuta kir. Weke mameste li Nisêbin, Mazidax û Spartayê kar kir. Ji bili helbestê edîtoriya "Tîrêj"ê jî kir. Piştî Derba 12'ê Îlonê ji ber kar û xebata xwe ya wêjeyî û siyasi, di sala 1986'an de mecbûr ma ku derkeve derveyî welêt û çû Almanyayê. Niha jî li wir karê mamos-tetiyê dike.

Berhemên wi;

Destê min li destê te digere (Helbest, Weşanêñ Mezopotamyayê, Swêd, 1995.)
Ferhenga Kurdî-Tirkî (Swêd, 1999.)

Jêderk:


- 1-Arjen Arî-Bakurê Helbestê
- 2-Kovara "Tîrêj"ê, hejmarl-2
- 3-Malpera "Niviskar"ê

Bi Keça Mîr Celadet'î Sînemxan'ê Re Li Ser Bavê Wê Heppevînek

Heppevîn: Kovara "Çirûsk"ê

-Dotmîra delal, di "Ronahî"yê de, li ser wêneyan diyalogeke we bi bavê we re heye. Wêneyên "Hawar"ê û "Kurdmanc"bûna wan û wêneyên "Ronahî"yê û biyanîbûna wan, ev bîranîn tê bîra we?

-Mixabin ez wê demê gellekî biçük bûm û niha nayê bîra min.



Sînemxan Celadet Bedirxan

-Dotmîra delal Sînemxan, tê gotin ku romana Memed Uzun'î ya bi navê "Bîra Qederê" ya bavê we Mîr Celadet Alî Bedir-Xan'î ye û Memed Uzun'î ew diziye û li ser navê xwe weşandiye, gelo ev tişt rast in an na?

-Ez dixwazim ku ev propagandaya kirêt a li ser Mehmet Uzun'î êdi ji holê rabe. Ev çend sal in çûye ser dilovaniya Xwedê û pênûsa wî di edebiyata Kurdî de gellekî giranbuha ye. Di şûna vê propagandaya kirêt de ez dixwazim ku em propagandayêن erêni bikin, ji ber ku ew hêjâyî Nobela cîhanî bû.

-Xâima delal, Celadet hem bavê we û hem jî bavê modernîzma(nûjeniya) Kurdî ye, ji ber vê yekê, ji ber ku ew kesayeteke girîng e em dixwazin nas bikin ku

ew "kes"ekî çawa bû? Celadet yekî çawa bû? Çawa dixebeitî, çawa diaxivî, çawa difikirî? Ji kerema xwe re hûn dikarin hinekî ji me re qala wî bikin.

-Ez naxwazim ku zêde behsa bavê xwe bikim, lê kesayeta wî di diroka gelê Kurd de diyar e. Mirovcekê gellekî dilgerm û nefşbiçûk bû, berî hertiştî armanceke xwe hebû û jiyana xwe jî bi awaycke sistematik li ser wê armancê damezirandibû. Gellekî baş diaxivî û bi awayekî netewe-yî û Kurdistanî hizir dikir.

-Têkiliya Mîr Celadet'î bi nivîskarên weke Cegerxwîn, Qedrî Can, Osman Sebrî û herwekidin re çawa bû? Têkiliya nivîskarên wê demê çawa bû, li ser çi bû? Carinan di navbera wan de nexweşî derdiketin an na? Wan çi ji hevdu re digot, wan çawa hevdu destek dikir û herwekidin...

-Têkiliyeke wan a gellekî germ û xûrt hebû û xema wan a herî mezin dûrbûna ji welêt bû. Karê wan li ser hişyarkirina gelê Kurd û bilindkirina asta rewşenbiriya Kurdî bû. Encama kar û têkiliya wan ji berhemên wan ên giranbuha diyar e.

-Prensesa delal, di mirina bavê we Celadetê hêja de hin tarîti hene. Rast e, ew di bîra nav erdê xwe de werbû lê ne di encama qezayekê de tê werbû, ji teref istîxbarata wê demê ya Sûriyê ve di bîrê de hat werkîrin. Ji ber ku wê demê dewleta Sûriyê ji Fransayê serxwebûna xwe bi dest xistibû û welatparêzekî weke bavê we ji bo "yekîtî"ya Sûriyê xetereyeke mezin bû û Fransayeke ku Sûrî bisekinanda jî êdî tune bû; herweha apê we Kamiran jî li derive di aleyhê Sûriyê de ji bo mafêñ Kurdistan dixebeitî. Dêya we Rewşen Xanim di pirtûka xwe de weha dibêje, "Berî mirina xwe bi çend rojan, weke haya wî ji mirina wî hebe Celadet'î ez tesellî dikirim ku pişî ku ew bimire divê ez dîsa jî xurt û li ser xwe bim, weke ku

wî ez hazırî mirina xwe dikirim."

Gava ku ev element giş dikevin ser hev mirov dibêje ku Celadet di bîrê de wernebûye, hinekan ew tê werkiriye. Jixwe mirina têwerbûna "bîr"an bi serê xwe di nav çanda Kurdan de hêmaya mirineke bişaibe ye; gava ku mirov nexwaze ku li ser mirinekê dûdi-rej bisekine, dibêje "di bîrê de werbû û mir", gelo fikra we çi ye di vê mijarê de?

-Ji bo ku mirov gotineke bi vî rengî bike pêwîst e ku mirov lêkolîneke berfirîreh li ser bûyerê bike.

-Dotmîra delal, iroj em gellek Kurd, nivîskar an jî ne nivîskar, Celadet'î ji xwe re weke "bav"ekî dihesibînin, weke qîza wî ev tişt we hinekî dihesidîne yan na? Ji ber ku di navbera zaro-kan de carinan hesûdiya dê an jî bavê çêdibe? Hestêne we çi ne gelo?

-Ez nadexisim û ez gellekî serfiraz im ku ez keça bavê xwe Celadet Bedirxan'î û dayika xwe Rewşen Bedirxan'ê me.

-Dotmîra delal, li ser pirtûkên Mîr Celadet'î, bi şertê ku baş û hêja derkevin hûn qayîl û razî ne ku her sazî an jî weşanxane li wan xwedî derkeve û wan biweşîne.

-Ev tiştekî baş e, lê heta ku ez sax bim ez dixwazim ku ew raya min jî wergirin û bizanin bê ka gelo ez di vî derbarî de çawa hizir dikim, gelo ez razî me an na...

-Hûn ji Celadet'î re keçeke çawa bûn an jî Celadet ji we re bavekî çawa bû? Ez ne şaş bin hê gava ku hûn biçûk in hûn bavê xwe winda dîkin. Têkiliya we û bavê we têkiliyeke çawa bû?

-Bavekî gellekî dilovan bû, mixabin dema ku me winda kir, ez hê biçûk bûm û min nekarî ez ji ezmûna jiyana wî ya giranbiha û ji zanyariyêñ wî sûdeke zêdetir wergirim.

Cirûsk
30



-Li ser siyasetê em pirsekê bikin. Celadet çawa nêzîkî siyasetê dibû? Di 1948'an de gava ku li Rojhilatê, Qazî Mihemed û hevalên xwe "Komara Kurd a Mehabadê" ava kir bertek û reaksiyona Celadet'î li hemberî vê bûyerê çi bû?

-Pişti têkçûna serhildanên Şêx Seîd û Xoybûnê ew bi xem û kesera wê şikestê êdî bala xwe zêdetir da karê rewşenbîri. Pişti wan têkçûnan gihişt wê baweriyê ku rizgar-kirina welêt ne bi tenê bi çekê pêk dihat û pêdivî bi pênuşê jî hebû. Ji bo vê yekê jî ji bo hişyarkirina gelê Kurd xebitî.

-Dotmîra hêja, Mîr Celadet Alî Bedir-Xan'î ji kîjan hunermendî, nivîskarî, filozofî, filmî, bajarî û xwarinê hez dikir?

-Hez ji hunermend Meryemxan'ê û Hesen Cizrawî dikir. Hez ji nivîskarên Fransî jî dikir û gellek berhemên Fransî jî wergerandiye Kurdî (di "Hawar"ê de) Bajarê ku herî zêde jê hez dikir "Cizîra Botan" bû.

-Prensesa delal, li ser navê kovara "Çirûsk"ê em pirr spasî we dikim û em dibêjim ku em ê mîrat û keda Celadet'î tucarî li erdê nehêlin.

-Ez jî gellekî spasî we û hemû xebatkarên kovarê dikim. Gellekî spas ji bo we ku hûn xwedî li vê mîrata Celadet Bedirxan' i derdikevin.



Mîr Celadet Alî Bedir-Xan

Xerîbek li Gundê Me

Yunus Eroğlu

Miriyekî xerîb hat gundê me. Ji mêj ve ye min dîtibû ku derasayıbûnên xewnan ên dema ku mirov hişyar dibû mirov metel dihiştin, li welatên miriyan çawa dirûvên asayı ne. Lê, sosreta werê... ev cara yekemîn e ku ez dibînim. Di serê wî yê kupiyayî de, tu rû û serçav nebû. Kesî ew nas nedikir. Vî telisê pehn, pelçiqli, pelixî û şinûmorbûyi weke tevekên miriyêni vî gundi, bi rîyeke dûvedirêj xwe gihandiye vir. Naxwe ew jî ji vir e. Lê, çawa kes wî nas nake? Ev heftsed sal in ku hema bibêje hemû kesen ku ci yên ji berberiyê, ci yên bi bêbextî û xwînîtiyê, ci yên bi dehw û dozên ol û êl û azbetiyê, ci yên bi nexweşiyêni sivik û giran, ci yên pişti temenekî dirêj û paqij bi ecela xwe, ci yên ji sedemên ku hîn jî em pê nizanin mirine, bi awayekî hevdu dinasin. Lê yekî bê çav, dev û rû; û bersiv nedida tu pirsekê, bêlome be, xwene digihê reha kîjanî ji me?

Cîrûsk
32

Bê gili û galegal, xwe da kêleka gomeyê li biraniya gundi. Şûn û şopên sor û şîn li ser laşê wî weke birînên teze dixuyin. Çend miriyêni zarok li dora wî dîbin vizik û bi xeberok û tiştanokên ji dema xwe lotikan didin.

“EZ mezin bibûma, min hiç xwe tazî nedikir,” dibêje Hemo, bi wî bejn û temenê xwe yê kinik. Di nav dêlangeya hevalên xwe re, ku weke siyekê bi dora miriyî ve dadileqin, fitikekê diavêje hewayê. Rûyê gişan weke kilsê ye.

Tapikê heftsalî, ku nîvişteke kesk bi ser çengê wî ve ye, xwe di ber wan re hil dike, “Belkî min zarokatiya wî dîtibe,” dibêje, “heke min zanibûya ev îsal çend sal in ez mirime.”

Rahiştilikên wî, di nav ên xwe re derbas kir, weke ku bi darikan bilize. Li cihê ku jê werê şûna çavan bû nihêri.

“Asika Koçer hebû li qeraxa golê. Em diçûn hewşa wê xoxan. Gihayek ji Guhera Bilişê tanî, navê wî nizanim,” dibêje Risto. “Wexta ku wan ew di serê mirovî de dida porrê mirovî ne işê gurr dibû. Belkî hîn jî hebe. Mirovî di serê wî bidaya...” Kefa destê xwe dibe serê wî yê bê pirç û weke bi êgir bûbe vedikişine. Zarokên din deng nakin. Wan ne Asika Koçer dîtiye, ne dizanin Guhera Bilişê li ku derê ye.

Di nav van zarokên ku gellekên wan bi sal û dewran dûrî hev, weke xal, ap û nifşen pirr berî hev an di pey hev de, kêm hebênu ku nifşen heman demê, tayêne hev hene. Seid û Simo ne tê de. Du hevalên hev ên zarokatiyê. Di heman rojê de ji dêya xwe bûne, wan di heman rojê de ji dînyayê bar kiriye. Yek jê ji sorikan çû, ê din di çêm de fetisi. Carinan wexta ku çerr û sixêfine xerîb ji zarokên pêşiyêni xwe dibihiżin, mit û mat dîbin. Du zarokên hê nû fêrî lîstik û qerqeşûnên zarokên nifşen bavik û kalikên xwe dîbin. Kêlikên gorêni wan ên weke stûyêni xwar xwe spartibû hev, li biniya nigê gora bavê min bûn.

Ew jî bi heyecanêke fürekî tev li hilboqî û qerebalixiya zarokan a li dora wî miriyê

ecêba giran dabin, ku weke gurmola mêsên li dora berateyekî, diçû heyâ di cem holika serê tarê re derdiket.

Miriyên herî kevn ên gundê me, ji bîst bavikê Salarê Meyro'yî, ku hîn sax e û li gundiye bigire heyâ deh bavik û deh dayikênu ku neviyên hinan ji wan niha ji gundiye bar kiriye û hinan ji wan ez nas nakim, li bin vê holikê rûdinin misêwa. Di binê vê holika ku hermeleke nizam ji kengî de bi rewtekî wê yê terklêketî ve hilawistî de Xalê Rizgo dimîne ecêbmayî ku çawa kes vî miriyê nû yê zirrêcêb nas nake.

“Heger ne pêxemberek be, çawa kesekî viyê hanê tune gidî?” dibêje û milên xwe di ser serê xwe re dibe, ji cihê paldayî. Weke mirovên wê demê kirasekî spî lê ye.

Ji bo ku zarok bela xwe tê nedin, Memkoyê Bedrî, ku bi yanzdeh salan ji bavê xwe mezintir e, ji aliyekî de meqesê li porrê bavê xwe yê li ser kevirekî rûnişti û berbankek li dora serî pêçayî ye dixe û ji aliyê din deng li zarokan dike ku ji wî rebenî bihewin.

“Erê dinyayê,” got yekî. “Belkî hayê feqîro jê tune be ku miriyê jî.”

“Hez dikî em bangî apê Mellê bikin bila bê di guhê wî de bixwîne, belkî rêya dengî lê vebe,” dibêjim, lê pê re pê re li bêfahmiya gotina xwe vardiqilim. Axir kes pûte bi min nade.

“Destê xwe nedinê,” dibêje Fêris, berî ku li Rîşê Kuna were kuştin dêya min ew li bal Tehtikê Pisikê, bilûr di devan de, dîtibû. “Belkî li xeribiyê çêbûbe. Yan na, heke li gundiye bibûna helbet wê yekî ji me ew nas kiribûya.”

“Axir wî jî axa xwe dîtiye...”

Pêsiyekî me, yek ji bîst bavikan, bi cilûbergên xeftanî, cardin dest pê dike behsa wan demêne weke miriyekî tenê, sobe, li vê derê li benda hinan maye, dike. “Wexta ku min ev gund ava kir, min digot tenetiyeke weke wêya hanê tune. Ez û pîrika we Etfo tenê, pêşî li şikefteke li Palê, bi dûre di xanîkekî ku me bi hişkeberê li wê pişte lê kir de, bi salan man. Çaxa kurikê me yê pêşî çêbû jî, hîn kes nehatibû vir. Ji dengê wehşan û teyran, êvarî agirê tifika me timî vêxistî bû û em li ber serê zarok dibehdilin. Naloherê, tirsa rawiran li ku, tirsa me tenê mala bavê Etfoyê bû. Em ditîrsîyan ku şopa me bigerînin û bi ser me de bigirin... Heya şevekê mala Ramtiz’î, koçmal, bi diyarê gundiye ketin. Di guhera Ramtiz’î re, ku dawiyê navê wê werê ma, tevî barê du fil û du deveyan hatin. Heke ew rojeke din jî bi derengî daxilî gundiye bibûna, belkî me lê xista em ji wir biçûna êdî.” Bi hoqhoqa kenekî riha şûjik şûjikî ya Kalê Ramtiz’î diritrite. “Lê heke min zanibûya ez ê li vê dinyayê jî tenê bimînim, min qet li a din Dêriş ava nedikir. Heya ku miriyê ewil, keça Ramtiz’î ya ku bi dayê diket hat, min guman dikir ku wê kesî rêya vî gundiye bêşûn û şop dernexistibe û miriyên me tev winda bûbin. Min xweziya xwe pê anî ku ez jî li axa ku lê ji dayik bûbûm vegeriyama.” Berî herkesî miribû û berî hatina miriyekî, li gorî wî, biqasî temenekî dem ajotibû. Tu nabêjî wî jî nizanibûye ku bi avabûna gundekî giyanê mirovî jî tev li axa wê dibe.

“De axir tu kur û qîzên xwe li ber çongên xwe dibînî, bapîr,” dibêje yek ji neviyên wî, ku jê pîrtir dixuyê, û civatê işaret dike bi destan.

Tim û dayîm wext bi van nîqaş û gustûgoyen ku pêlên dem û dewranan li hev dizîvirrînin derbas dibe li vir. Kuşî û kujerên hev dûr û dirêj gîrr û cirrên xwe yên berê diaxivin; ên ku tiştin di dilê xwe de veşartibin, ci rast ci derew, gişan dibêjin, eşkere dîkin û taliya talî hemû nîqaşen zaro û neviyan têñ bi meseleya Bapîr û Kalê Ramtiz’î dighê. “Berî ku ez bi Kura Zava bikevim û di guherkê re dakevim, çavê min bi wê newala gundiye bikeve, min di dilê xwe de got pişt wî giyarî cehnem be jî ez ê koça xwe li wir deynim,” dibêje Kalê Ramtiz. Ez li koça ku di tariya şevê de bi ser jin û mîr û pitikê tenê û bêkes de dertê difikirim. Dibînim ku çawa her gav nîqaş û qayışkêşana zaro û

neviyan di bin perdeya sar û tarî a zemanekî dûr de ditepise.

Li vê dera ku ne roj heye nê şev, galegal û pirsên ku doxika çerxa demê ne her û her dewam û dubare dibin. Lewra tutişt naqewime li vir. Bê xew û razan em dipên û di vê navê re xelekên jiyana hezar salî ya gundê me digihînin hev. Pirr dijwar e ku yek ji yekî du-sê nifş beriya xwe jiyana dema wî fahm bike. Herweha fahmkirina wan a hin tiştên ku di dema wan de nîn bû lê di ya vêga de hene gellekî sext e. Axır nifşen di navberê de bikêr tê û em dikarin hevdu serwext bikin. Nexusim miriyên ku koçî deverên din kirine û li wir mezin bûne, ew qala hin kesên ku bi binyad ji gundê me ne lê li wir çêbûne û nema bi zimanê me dizanin dikan. Ew jî, dema ku dimirin diçin wan cihêن dûr.

Bes, herku diçe miriyên ji gundê me kêm dibin. Xwene li wir hew weke berê mirin çêdibe an kesên ku li gundi çêdibin namînin? Evê ku nû hatiye jî xeber nade ku mirov jê bipirse.

Herî dawî dema ku ez mirim û ji wir hatim vî aliyî heftê mal hebûn di gundi de. Lê niha, li vir: biqasî ku di derekê de hilneyên pirr in.

Ewê ku simbêlekî tenik li ser lêvê, serê xwe xûl kiriye ber guhê bapîrê min tiştekî jê re dibêje. Heçko bi dizîka. Lê, ma çiyî bi dizî maye? Gava ku xeber dide, şewqeya wî ya bi ser porrê wî yê spî de hinekî dişiqite, eniya wî ya fireh di qermîçekan de dimîne. Herroj tê li binê wî dîwarî tiştekî ji Bapîrî re dibêje û diçe. Min li dînyayê berê ew nedîtibû. Pîrika min li ber deriyê şikeftê, li benda bavê min dimîne dewla avê ji çehlê bikişîne. Dolaba sac di nav destan de, kelebek hirî di bin çengan de ye. Dîmenêke wê ya pirr xurt heye ya dema dînyayê, zindîtiyê, hişê min li nav hev dixe, ji kelecana wê gavê çavê min xumamî dibe, tiştekî ji hev dernaxim. Bendekeya çilo li ser kerê me yê şîn, ew jî li pey, ji hemiya me, ji alî bênderan dihat. Ji nişkan ve berfê dabûyê, pişta wê hinekî xûz bûbû, şareke sor li dora çarika serê wê bû. Heya gihabû gundi ez çêbûbûm. Min ev jî hevalê xwe Qasim'î re got, bawer nekir. Gote tu dîn i. Te xewn dîtiye. Ma mirov hê çênebûbe, çawa dibîne. A wa Qasim li wir e. Tevî tivinga xwe û rextêxwe yêngî çaropeo li ber rezê Mamedê Reşo'yi nahtorvaniyê dike. Min jî ji dêya xwe û bavê xwe re negot. Negot ku min pîrika xwe dîtiye. Û heqet jî, pîrika min tam bi awayê ku min ew berî ku werim dînyayê dît bû. Niha piçekî jiqamdeketî li ber deriyê şikefta bal sergoyê gundi rawestiyaye. Li benda bavê min e. Bavê min wê avê bibe hewşê, nizanim ji bo çi, belkî yek çenabe. Belkî yek namire, naşon. Lê xuya ye, li benda bavê min e. Lê ew dolaba xwe ya ristinê datîne û diçe bal bavê min. Bavê min avê ji çehlê dikişîne, xwêdan bi ser reha stûyê wî dikeve. Bi tiliya xwe bapîrê min ê bi wî zilamê biyanî re diaxive işaret dike û ji bavê min re dibêje: "Min tim digot, ew mîrik çiqasî mezin dibû dişibîya bavê xwe. Xezûrê min jî eyn weha bû. Hem exlaqê wî, hem dirûvê wî." Bi rastî jî, pirr zehmet e ku mirov kariibe bapîrê min û bavê wî ji hev derxe. Ci bigire di heman temenî de mirine û bi şel û timtêla xwe ji bav û lawekî bêhtir dişibin cêwiyan.

Bavê min dewla avê diavêje erdê û tif dike. "Dîsa ew," dibêje û berê xwe diguhere. Tu nabêje ewê biyanî xezûrê bavê min e, ango kalikê min e. Herroj ji gundê piş giyêr tê ji Bapîrî re dibêje, "Qewlê me ne weha bû," û diçe. Bapîr xwe ji ber dîwarê herema me nade alî. Pişta xwe dide kevirên dîwêr ên weke keziyên zer ên keçekê hûnandî û gihayekî di devê xwe de dicû.

Hîrehîrek bi çend zilamên ku ji nav erdê kevirxaran têne dikeve: "Me got qey wê vê carê ne weha be," dibêje yek ji wan, lê hê gotina ku ne xuya ye ji devê kîjanî ji wan derketiye temam nabe, çavê wan bi miriyê biniya holikê dikeve û sewt ji wan dibire.

"Ka miriyekî vê dawiyê tune ji me re bêje ku ev ci teba ye?" dibêje yê ku mehdê wî ji gişan xweştir. Merivekî me ye. Wê keçika ku herî dawî wê ji dînyayê koçî vir kir, ji alî dibistanê bi bazdan tê. Ew dibistan berê jî hebû, lê tişte ku vê keçika ku ji nexweşî-

yeke sêngê miriye dibêje niha yekîneyeke leşkerên dewletê tê de bi cih bûye. Ma birra wa pismamê min Ûsiv: li wê qereqolê bi lêdanê hatiye qopkirin, loma hîn jî dikule û diricife.

“Min viya hanê nedîtiye,” dibêje keçik. Pirr kes ji gundî rabûn. Belkî ew jî ji wan be.”

Dîtina nedît, xwe li ber Bîra Sor dibînim. Hewarê, li wir, li ber devê çehlê ye. Ji cihê ku xwe berdabû û xeniqandibû, li ava çehlê dinere. Terhikeke genimî di nav destê wê de ye, hêdîka diheje. Kêzikeke heccê li ser devê bîrê xwe dilivîne. Şêxo, weke her car, li nav erdê nokan bi pîreka xwe re şerr dike. Felek, li ser caniya xwe ya sor, li ser rêka Bilişê, ji bo rasta Dêra Romanî ku wê lê were kuştin, dibeziñe.

“Lê,” dibêje Remezanê xwedîyê xana ku zemanekî li gundî hebû, çaxa ez xwe li ber xerzika biniya xanê dibînim. “Miriyên vê dawiyê pirrên wan ji tiştên nû dimirin. Me ev tişt nizanibûn.”

Dîtina nedît, ji hêla Palê reşê pîrejinekê dixuye. Ji mêj ve bû ji wê rîyê miriyek daxili navâ gundî nebûbû. Herçiyê ku dimir û ji dînyayê koç dikir, ji rîya nav rezan dihat û lewma navê wê rîyê maye Riya Koçê. Tam ez jî dikim lê bixim herim nav zarokên ku li piş malan bi kevirxaran dilizin, ku tevên wan, gellekî beriya min, rojekê di hejokekê de di şikeftekê de fetisîne û hatine vir, dilê min dişihite û ez bi alî wî reşê bi alî gundî de dibeziñe têm. Ez di ber kidasa mala metika min re diçim, pisîka min xwe ji ser piyê hewşê çeng dike ser kidasê. Li serê qorziyê pêrgî wê pîrejinê têm. Hufekufek pê dikeve, bi hilmegulmeke nexweş xwe bi ser min de ditewîne. Serê min maçı dike: “Mala min şewitî,” dibêje, tîna hilma wê bi qemçika min dikeve. “Wê belalûka stûyê te hîn jê neçûye. Egîdê min.” Tê bîra min. Dêya min e. Ji bo belalûka min, çiqasî ez gerandibûm, lê ci tişa ku bikêr dihat li min nehatibû û belalûka min ji min neçûbû. Vêga ez jî lê vardiqilim. Hîn jî heye. Weke libek nok mezin bûye. Belalûka min. Ü dêya min. Çiqasî pîr bûye. Çavên wê hûrik bûne, hew manê di wan kortikan re herin xwarê û winda bibin. “Egîdê min, ez qurbana te,” dibêje û min di hembêza xwe de diguvêse. Dibêjim kûr û digirîm. Pala xwe dide dîwîr û pişta wê ya xûz hêdî hêdî bi dîwarê xaniyê mala metika min ve dixiriye, tê xwarê. Li ber dîwîr ketî, rûniştî, serê min mist dide û nîvî bi kenî nîvî kelogirî, di guhê min de dike pistepist: “Ka ye Seyîd, birayê te, kurê min, ne ew jî hat vir. Berî min hat, ma te ew nedît, he berxê min? Go yadê va ez diherim, tu jî werî ha, he?” Ji nişkê ve sînga wê hiltê û kûrekûreke hişk pê digire. Îskeîska wê tevî kuxik û hêşiran tehdeyeke mezin li gewdeya wê ya zeif dike. Radihêje destê min û radibe. Bi gavên lezaleza min li pey xwe dikişîne, wexta ku em di ber tendûra mala me re diçin, keserekê vedide, “Erê lawo,” dibêje. “Niha hevîrê Xezê tirş bûye.” Metika min Xezê hîn nehatiye. Ew hîn li gundî ye qey, yadê? Ew ê jî nemire qey?

Berê xwe dide bi hêla hêwirzeya zarokên li dora gomeyê li binaniya holikê de û ji nişkan ve destê min berdide, hildikume pêş. Xwe digihîne wan, weke kêrendiyekê wan tiş dike û diavêje ser wî eyarê sor ê mirovan. Wî laşê gennî û hincirandî. Wî şiklê bêteşe. “Lawo!” diqîrre, bi qîrra wê re bavikên ku li bin holikê rûniştî ji cihêن xwe çeng dibin. “Erê lawo!” dibêje, xwe bi ser de diquncifîne, serê wî bi rûyê xwe ve dixerpişîne. Zarok xwe didin alî. Bi çavên belîsk lê dinihêrin. Hizhizî û tewtewe, bi wî laşî ve, ku birayê min bû, kîp dibe. Birayê min Seyîd. Bavê min ew nedît û mir. Li ser rîya Stewrê mir bavê min. Dêya min her şev ji me re digot. Seyîd fahm nedikir. “Rêya Stewrê diçe ku?” digot, biçûk bû porrê wî xelek xelek. Niha porr pê ve nemaye. Seyîd, Seyîdê birayê Egîd’î, kurê Asoya jinebî, bavê wî li rîya Stewrê hate kuştin. Kalikê min ji bo vê timî dihat li biniya newalê, li ber dîwarê hûnandî ê herêma me bi Bapîrî re xeber dida, digot “Qewlê me ne weha bû.” Gund bi çeweçewekê bi ser hev de diçe û tê. Bavê

min bi helkhelk di deriyê hewşê re dertê. Porrê wî yê şayik bi eniya wî ve zeliqiye. Weke zavayekî ye bavê min. Simbêlê wî jî tune. Pîrika min ji devê şikeftê, kelefek ta li dora milê wê gerandî, "Cahilo meçe," dibêje, "lê to ew bi bazdan diçe. Axx ax, ji kerbê we. Reha we gişan yek e. Tu yê jî bibî weke bavê xwe û bapîrê xwe." Kevir û ber ji ber piyên wî yêna xwas dipekin, xwîn ji ber pêciya serî ya piyê wî tê. Bi nav remilka gundi ve dikeve. Tê, dikeve nav hêwirzeyê. Radiweste. Gav. Radiweste. Gav. "Min got neçe, çû," dibêje Pîre. "Yan na..."

Bi destê wî digirim, li min vardiqile. Pozê wî, pozê Seyîd'î. Û belkî ê min jî. Pozê me gişan weke hev e. Berê wî zoq li min, çavên wî weke ku têbi hev ve bizeliqin. Da ku çêtir bibînin. Da ku min bibînin û bi çavekî mezin û bel min bibihîze ku bibêjimê, "Yabo, va dêya min. Wiyê hanê jî Seyîd e. Seyîd, piştî ku te da ser riya Stewrê bi rojekê çêbû. Seyîd tu nedîtiyî, yabo. Niha jî nabîne. Seyîd birê min e Yabo, kurê te ye. Lê pozê wî... Pozê wî tune. Wan pozê wî jê kirine. Wan guhêne wî jê kirine."

Dêya min dawa xwe dide hev, dikeve milê Seyîd'î, laşê tijî deq û qursikên sor. Ji dêya min dirêjtir e. Serê wî li ba dibe, dikeve ser çengê dêya min û bi lingê kulek dimeşê di nav xelkê re. Siyeke tarî di ser rûyê dêya min re diçe. Weke ewrekî. Newêre, belkî şerm dike, serê xwe ji ber xwe dernaxe. Nema dike îskeîsk. Ez û bavê min, em jî bi hev re didin pey wan heya malê.

"Piştî ku hinekî guvurî, firroke bû, me got em ê ji gundi rabin," dibêje yadê. Li ber tifika hundir. Sar û sermayek çêdibe. Weke çaxa ku ez di zikê wê de, hîn çênebûbûm, Pîrika min ji êzingan dihat.


"Şerr derket, qereqol hat, rez şewitî, pisika Egîd'î di çehlê de werbû, me got em nema dikarin li gundi bimînin..." Lê ez, piştî ku pisika min a gewrik mir, bi tayê ketim. Em bi rê neketin. Sê mehan di nav cihan de bûm weke qurmik, mam lepek. Çavên min zer bûbûn xwene, dinya zer bûbû, qet û maxêñ banê xêñ bi ser min de dihatin û weke qayışê vedizeliyan. Dûr diketin, çavên min tijî ronahî dibû, û şalika li dîwêr bi ser min de nixûn dibû, tariyeke fetisok ez dipêçam. Û ez mirim, rexwe?

"We çawa debar kir li wî bajarî, hûn neçûna, ma kesî negot?" dibêje bavê min, diranê wî spî weke libêñ birincê. Li hemberî jina xwe ya pîr weke zarokekî naşî ye. Terrîsek li pêciya xwe girêdaye. Xwîn lê hişk bûye.

"Ma me yê çawa li gundi debar bikira? Piştî ewqasî... Hertiş diqede," dibêje dêya min bi axîn. "Hertiş diqede, Mistefa, derdê bav û birayan, derdê qessasên te... lê ev derd qet neqediya." Kutekuta sînga wê tê me gişan. Ji min werê tê ku Seyîd jî xwe li ser vî dengî dileqîne, hewl dide ku serê xwe ber bi cihê dengî ve bigihîne. Dêya min destê xwe datîne ser serê wî. Şûna lêvan. Kefa destê xwe li çermê rût û pûç digerîne.

"Tiştêñ ku wan anî serê wî," dibêje hêdîka, bi dengekî kûr. "Wan ji min re nedigot. Dawiyê di televîzyonê de derket. Bi şev min şamborek li ser sêlê dipahtin. Min termê wî di televîzyonê de dît. Wan ew xistibû çi halî. Ev ne mirin bû, ne weke mirina rîya Stewrê bû, Mistefa. Wan miriyek kuştibû." Lîvîn wê diricisin. "Jana mirinê da dilê min. Jixwe ez a çûnê bûm. Lê ew... wî sêwîka. Di gula emrê xwe de. Hîn nû me yek jê re xwestibû..." Dengê tirrqtirrakekî ji nav tifika ku di dîwêr de tê.

Serê xwe di paceyê re derdixim. Dibêjim qey ez ê bifetisim. Bêhna min diçike. Guhêne min giran dibin. Mozqirtkek di nav serê min de digere. Dike vinevin. Siyareya paceyê li dora xwe dizîvirre. Dikim nakim, nasekinê. Dest û piyên min ber bi çerxa wê dikeve. Reşê pîra min bi diyarê bênderan ve dikeve. Pîra min tê. Berf tê.



Hêvî

Paul Eluard

Wergera ji Fransî: Remezan Olçen

Şev tu caran ne ripîreş e,
min bi xwe cerribandiye!
Guh bidê, hiş! Guhdar be
dawiya êş û kulan
pencereyeke vekirî heye,
pencereyeke ronî!
Xeyalek, mirazek hertim heye,
bicihanîna xwestekan,
têrkirina birçîbûnê,
dilên germ û comerd,
destêni bi laveyan dirêjkirî,
û çavêni nezerbicoş dibiriqin hene
jiyanek heye jiyanek
ji bo parvekirinê!

Bîr Çiroka Metoyê Dîn- Bawer Ronahî

"birayén min wisa xweşik mirin,
wisan tâhmstran mirin
hûn bibinin
hûn dê ji kêtan bimirin"

R.J.

1

Însanan gotiye; dinya bi dor e ne bi zor e. Gellek caran xeberên wisa ecêb tên guhê min. Min got guh? Nizanim, min guhek heye an na? Ez bêjim haya min jê çêdibû wê duristir be bawer im. Belê, mirovên badilhewa bi sal û demsalan her ew gotinên pûç û vala dubare kirin li ser jiyan û mirinê. Lê hûn ji min bipirsin, ez ê bi hezaran serpê-hatî û bi milyonan çirokan ji we re bêjim ku di ber ên min de hezar hezar sal e hê jî mirov li ser jiyan û mirinê tutıştî nizanin. ‘Esas ne hewce ye ku bizanin jî lê mereqa beşeri mîna bîreke bêbinî ye dostino; mîrxasek kevirekî biavêje tê de heftê hezar babaegid nikarin wî kevirî derxin. Wey gidî beniademên belengaz! Hûn nizanin qeder, roj bi roj tevna xwe li ser dartevna vê dinyaya fanî çawa vedihûne... Na, hûn ê tucarî jî nezanin ezbenî!

2

Ez ê, jî kûrahiyên bîra xwe çirokekê bikşinim ji we re. Heke we bi guhê guh guh-darî kir hûn ê baş tê bigihîjin ka ez li ser fanîbûn û badilhewayiya însaniyetê cîma wisa ketime nav galegalan... Çiroka min jî ne wisa kevnare û dûrmenzîl e. Tam du hezar çar hezar û sê sed û heştê roj berî niha. Lê divê ez çend kat û lehzeyên beriya çirokê jî biavêjim nav dîwanê ku civata min û we xweşir bigere. Biborin, salnameya min û însanên li ser wextenehatiyen dûdirêj hesaban dikin, li hev nagire helbet. Divê ez bi zimanê we, bi zimanê sal û salnameyên we bêjim: duwanzdeh sal. Belê ez xulam, duwanzdeh sal berî niha, Cenabê Heq ferma xwe şand û destpêka vê çirokê bi hunerbaziyeke bêhempa li min da kirin. Gava ku ez vê hostetiya îlahî fêm dikim roj bi roj hemd û senaya min, pesn û methê min bo Rebbê Alemê zêdetir dibe. We huw'e 'ala kullî şey'in qedîr!

Ez bêsebriya we dinasim camêr û canikên rojlixwebihurîner! Helbet, ez baş dizanîm ku vê bêsebriya beşeri çi derd û elem jî peyda kirine û bûye qedereke reş di mohra nivîsa deftera wan a qedim de. Axir, bila çiroka min li mîrg û zozanên çirokên din neçêre. Ez ê yekser biavêjim tewlê ku bila hiş û mejiyê we ji xwe re hûnandina vê çiroka ku hostetiya Xwedê T'êala nişê me hemûyan dide, bike guhar, têxe guhê xwe.

Ma ne sereke armanca çîrokvegotinê şîretkirina îlahî ye? Werin, ji xwe re şîreta heq ji vê çîrokê bigirin.

3

Xortek hebû. Na, biborin! Divê ez weha dest pê bikim: Hebû, tune bû! Belê, zimanê we çîroka xwe weha dide destpêkirin.

Hebû tune bû. Xortek hebû, bîst û yet salî. Di bihara xwe ya geş û rewnaq de, bê kes û kus li gundekî dûrî çavan dijiya. Xortekî wisa dilpak, bê xeta û guneh li tu derê dinyayê peyda nedibû. Jê re digotin, "Metoyê Dîn". Bi rastî jî dîn bû an nebû ez nizanim ezbenî. Çîroka dînbûna wî ez bi safî zelal nizanim a rastî. Qewlê min û wî hinekî dereng li hev hat. Axirkelam, Metoyê Dîn, di gundî de wisa bi keyf û şahî, wisa bi henek û tirane jiyanek dibir serî, tu yê bêjî qey ji bo bextewariyê dînbûn neçarî ye. Gotina we mirovan e ev jî: Kêf kêfa dîn û bêaqilan e. Bi tevî serpêhatiyên bêbext û teşqeleyên dinyaya zilmkar, kêf kêfa Metoyê me jî bû. Di xirbeyê serê berê mezin ê gundî de, bi tena serê xwe heyateke munzewî û derwêşane kiribû para xwe û dîlxwesiya hemû şeniyêndi gundî jî li ser nanê xwe yê tisî, weke nîvişka zozanên têrşîr, belav dikir. Xwedê ji we jî ji wî jî razî be, Ehmedê Mistê hebû li gundî. Tucarî neçar û birçî nedîhiştî dînê me yê xwînşêrin.

Cîrokê
39

Meto nedîşibiya dînên ji vir de wê de. Şêwaz û tevgerên maqûl ji xwe re -nizam ji ku-peyda kiribûn, bi zimanekî qayîlker ji mirovan hertim av dixwest. Av, ma ne parsa herî bêxîr e?! Lê Meto'yî av hema wisa nedixwest. Mesela, du roj pişfi ku bûka Miheme Eliyê Nalbend, Fatima Hecî Îsiv hate gundî, Meto çû ber deriyê wê û pê re civatek weha ecêb gerand:

Xêr e Metîno, tu birçî yî ma?
Na, birçîti dijminê îmanê ye Fatimcan. Ez hatime avê.
Tu têhn bûyî ma?
Na, têhnî jî dijminê îmanê ye bûkê. Tu jî ehlê îmanê yî, divê tu bizanî.
Meto, ka bêje tu yê çi ji avê bikî, soz ez ê bidim te.
Jî bo destmêjê dixwazim malava. Ma ez ê çi ji avê bikim!

Civatîn Meto'yî yên li şîpanderên malên gundî, tucarî neqedîyan. Lê herkesî jî xweş dizanî ku parsekê avê, parsa xwe ne ji bo destmêjê diemiland. Diçû, poşeta tijî av virît diavêt bîra li pişt deviyêni ziyaretê. Kesî nedizanî Meto'yî ewqas poşetên reş ji kû tîne û çîma ava xwe vala nake lê bi poşetê ve diavêje bîrê.

Sal û demsalên parsekê me weha bi civat û mihebbetên bêserûbin diçûn û felekê jî jê re tevna xwe bi tayêni reş vedihûnand êdî. Meto'yî, rojê pênc caran, weke nimêjeke yek reka'et 'eda bike, berê xwe dida mizgefta xwe. Mizgefta wî ew bîra avê bû ku bi poşetên Meto'yî yên reş hema bêje nîvenîv tijî bûbû.

4

Rojekê ji wan rojêni şilopilo bû. Baranê tavî li ser tavyî direşand û xwe li kevir û berên gundî ve dizeliqand. Meto'yî ne guh dida berfê ne jî baranê. Bi pêlavêni xwe yên şekalkî, li ber baranê serbilind lê lavekar diçû ber deriyêni mirovan. Saeta we benîade-

man pênc û nîvê êvara sêsemê bû û heyva pêşin a çiriyê xwe ber bi çiriya paşin ve dikişkişand. Meto'yî bi teqûreqa xwe ya kubarî deriyê mala Ehmedê Mistê da ber kulman. Camêr, bi xweşbîniyeke îmankamil bişirî ji Meto'yî re. Bêyî ku tiştekî bêje berê xwe da hundir û gavek paşê di destî de satila avê, vegeviya. Satila xwe bi ser respoşeta wî de vala kir. Kêfxweşî û spasiya parsekê me jî destpêka civatkeriya wî jî weke herdem bû:

Xwedê bereketa xwe bêxitê ez xulam.
Tu yê disa biçî nimêjê?
Erê. Ez ê destmêja xwe bigirim û berê xwe bidim mizgefta xwe.
Ma ne baran tê?

Xalê Ehmed, tu bi îmana xwe, ma ez yê wê me ku ji rehmeta Xwedê bitirsim û xwe biavêjim mala xwe tirraliyê bikim?

Ê va ye tu şilopilo bûyî Meto. Heta baran disekine nimêj neke ma nabe?

Ehlê îmanê divê herdem li ser nimêjê be. Bi destûra te ezenbenî, ez ê biçim, bila nimêja min qeza nebe.

Kuro banê mala te dilop dike Meto?

Dilop û şirrik bi ser min te bê jî ez nimêja xwe qeza nakim xalo! Tu qet xeman nexwe bo min.

Gava ku Meto'yî bi beza xwe ji ber dêrî xwe avêt nav wê barana payîzî, Ehmedê Mistê'yî kenê xwe bi tevî şâşwaziyekê di pey wî de berda:

Ya staaar! Ev kur wê di bihuştê de ji me re cih û quncekê nehêle ha!

5

Gava Meto'yî bi tehs berê xwe da "mizgefta xwe", min jî êdî ji bo ku fermaña Xwedê Te'ålâyê Mezin -Celle Celalihû- bînim cih berê xwe dabû gundî. Gava ku ez weha bêjîm bila rêuwiye filan neyê bîra we ha! Ez ne rêuwing im. Hebûna min ji xwe hertim li ser rê û rêçikan, cûn û hatinê ye. Geh li wê derê dinyayê geh li wî gundê xewle, axirkelam ez weke bayê bezê dinyayê di bin xwe de dikim mehfür.

Ji bo karê xwe ez tu qasid û navbeynkaran nakim belaya serê xwe û tukesî. Haşaaa, ew ji min zêde ye jixwe. Hosteyê Mezin, tevnkarê hemû pergalên biçûk û mezîn, bi hibra qelema xwe ya îlahî ew qeder û qeza ji mirovan re, ji qewlê elestê ve nivisiye jixwe. Ez bi xwe qasidê Wî me û wê rojê jî gava ku Meto gav bi gav ber bi mizgefta xwe ve diçû, bi lez, du qasidên din ên ku Rebb-il 'Alemîn parçeyek ji qedera wan jî li ser wê bîrê bi bennikê jiyana Meto'yî ve girêdabû, hazır û nazir peyda bûn. Saet ji şeşan çarîk kêm, roja sêsemê.

Metoyê parsekê avê gava ku bihemdê dilî xwe nêzîkî bîrê kir, du celebmirovêñ bi cilên reş jê ve xuya bûn. Wî mêvan hebûn ji mizgefta xwe re. Safikê ehlê îmanê Meto,

“çima” û “xêr e”yên pîrsiyariya mîvaniyê neanî bîra xwe. Hema li ser girekî biçûk, di nav daran re, di destî de poşeta reş a tijî ava pîrskirî, bêyi veciniqîn, bêyi şâşwazî, bi awirêñ vikîvala û bendewar li wan temaşê kir. Tam sih û du saniye. Ne zilaman li wî dînihêrî nc jî wan baran ji şîlahiyê dihesiband. Depikêñ dirêj ên li ser devê mîzgefta Meto’yî bi lezûbez rakirin û li ber çavê wî, -ne poşeteke reş- zilamekî navsere mîna çewalekî tijî, bi dûre jî xanimek hinékî din ji zilamî ciwantir mîna balgehekî sivik, bi alîkariya hev ji parxaça erebeya xwe ya spî derxist û wan avêt nav mîzgeftê! Û min ji çar aliyan, çavdêriya qedera Meto û wan herdu zilaman dikir. Dawiya saniyeya sih û duyemîn ez li ser devê bîra, li pişt wan herdu zilaman bûm.

Bi dûre bi dengê teqîna çardexwîrekê Meto hilbeyî û qîrrîna xwe ji serê wî girê biçûk di giuhê wan herdu zilamîn cilreş de berda. Du saniye, tam du saniye bîhûrî paşê zilamê bejndirêj destê xwc, ji ser bîra rakir û ber bi Meto’yî ve dirêj kir. Qontraqûna biçûk a çardexwira wî ji min ve mîna zîvî bîriqandî xuya bû. Biqasî yekemîn dilopa ku kete ser berika çardexwira wî, dudulî û nexwestinî di hiş û dilê wî zilamî de peyda nebû. Ez dizanim, ji ber ku gava bi tiliya xwe ya şehdê tetik kêşa, ez li ber wî sckinîbûm.

Çavêñ ku naxwaze bibîne tucarî ji hebûna raz û efsûnêñ heyata bêdawî qayîl û bi bawer nabe helbet. Lê min di hemû dilopêñ xwîna Meto’yî de jî imaneke bêdudilî û safî zelal bi hemû sorbûna xwe ya bêhempa, dît. Ji ber ku ez li ser berika çardexwirê heta li ber eniya Meto’yî jî çûm. Berik ez bûm. Wê lehza ku mirinê xwe li Meto’yî pêça, ez, “berikê ecelê” ji zû ve li qurmê darekê ketibûm û tê de asê mabûm.

7

Zilamîn cilreş termê Meto’yî rakir û bi hemû bêhurmetî û nepakiya dilen xwe wan ew avêt bîrê. Nîmêja Meto’yî qeza bû lê poşeta ava destmêja wî bi wî re heta binê bîrê jî çû. Ji xwe gava ku min ruhê wî parsekê dilpak û hilmiştî ji pozê wî, bi nermiya pembûyê safî nûr kişand, Meto’yî bi hêza xwe ya dawî tiliyêñ xwe bi poşeta xwe ve şidan-din. Ne ku zilaman termê wî li erdê nekişkişand... Lê disa jî ava destmêja xwe bermeda xortê salih’emel ê ku di bîst û yet saliya xwe de bihuşta Xwedê Te’ala bi ava pîrskirî qezenc kir.

Ruhê wî gava ku bi min re bilindî ezmanan dibû, Meto’yî bi çavêñ ji ber lerza sîkrata kurtedem tijî hêstir bûbûn, pîrsî:

Ya melekê Rebb-il ‘Alemîn! Xwezî te bihişta nîmêja min qeza nebûya.

Min pîrsa wî xortê bihuşti, bi nermahiya ruhê wî bersivand:

Heke nîmêja te qeza nebe, ew herdu qessasên ruhkevir wê çawa biçin cehnemê Metînê delal?..

Li Malê...

Marîn Rehman

dîsa weke her car ajaweyên jiberkirî
mixabina sal û temênenê valaçûyî
reqreqa reqsa diya min a li ser sicadê
giriyê xwişka min a ji bo serlehengê sereke yê rêzefilm
û serxweşîya min a hercarî
bi vê pênuşê
pengizîna hêviyên demênu ku
divê bihatana jiyîn
pitikên ku divê bi zanebûnî
li ser destan bihatana lorandin

Lorînkê; tu jî ji xwe re li qada xwedê
bi seyra me xwe mijûl bike
heta roniyek nêkeve vê civatê.
qene tu neyê haaa!

Şeva ku ji Her Şevan Reştir

Çîdem Baran

“Ma qey tú yê li serê me bibî rahîbe? Binihêr! Heya sibê bifikire, baş bifikire weke min got; heyâ sibê wexta te heye. Îdî rêçekê ji xwe re hilbijêre. Bi vê rewşê tu ne bi kêrî dêrê, ne jî mizgeftê tê!!..”

Ji gotinê bavê xwe hêrs bû, heyâ Xwedê hêz dabûyê deriyê ji derive bi şida vekir. Got; gurmm li du xwe girt û derket. Çakêtê ku di destê xwe de li ber devê deriyê hewşê li xwe kir. Bestika wî bilind kir, fulara xwe baş li stûyê xwe û li derdora guhên xwe pêça.

Heya ku jê dihat di nava du bihost berf de gavên xwe bi lez diavêtin. Bi wê lezê qederê sed metrî dûr ketibû an neketibû dêya wê ya dilzîz bi tena kiras û bi terlikê di nîvê kolanê de rawestiya. Bi dengelkî kelegirî heyâ hêza wê hebû gazî wê kir: “Zelix! Zelixâ weke dêya xwe bêsiûd! Keçê vê şeva ku ji serma stêrk diricisin tu yê bi ku ve bîheribi?! Ji bo xatirê dêya xwe ka vegere! Min di mitalan de nehêle! Were bi ya bavê xwe bike! Hema bibêje; de qey qedera min weha ye, ma wê ci ji te kêm bibe?! Qet ji tune de bi derewan bêje temam...!!!

Zelixeyê mîna ku guhên xwe şimma kiribin tew deng nebir xwe. Bi xişpexipa berfa di bin lingên wê de kolana ku dêya wê berra dû dabû li pey xwe hiştibû. Pişti demekê, dûdirêj li kevîka kolanê rawestiya. Ji bêrika çakêtê xwe pakêta xwe ya cixareyê derxist. Pakêta ku hebek cixare tê de mabû kir nava lêvên xwe yên ku ji hêrsan û hinekî ji ji serma dilerizîn. Vêxist û pakêta vala bi hêrs virvirrand nava tenkeya çopê ya li hemberî xwe. Bi avêtina pakêtê re pisikên eware yên ku di nava tenkeya çopê de veciniqîn, her yek bi derekê ve beziyan.

Hem hilmên dûdirêj li cixareyê dida hem jî dimeşıya. Bayê tuj ê ku bê rawestan diboriya li cixareya wê dixist bi arî vedixwar. Heya ku gihîst qûnikê neavêt. Îcar destê ku pirr cemidibû jî rada bêrika çakêtê xwe. Ji seqemê laşê wê mîna eyarê deveyê bi hev ve dijidiya. Diranên wê li gorî bayê ku diboriya dirikrikîn. Dengê rikrika diranên wê ew ji nava xwe bi xwe axaftinê dernedixist. Ji hêrsan, ser dilê wê, weke aşekî li ber çemekî gur lê dida. Ji firniken xwe dihilmijî. Dikir nedikir peyvên bavê wê ji bîra wê nedîçûn. Ci bi ber biketa pehîna xwe lê dida, hêrsa wê danedinişili. Di serê wê de mîna replikên şanogerekê herdem vedigeriya serî. Herku replikekê dora xwe dikir, biqasî ku dengê wê bê wê, di ber xwe de digot; “Tu dîn î. Ma qey dîn bi heft seriyan

in? Ci dînênu ku li dînyayê hebin giş xwe tazî bikin jixwe wê herkes zanibin ku ew dîn in. Tu dîneke bêar ï. Tu din ï bi wî Xwedayê tenê tu din ï. Hem jî dîneke beradarayî yî. Ma qey em xerabiya te dixwazin? Em dixwazin ku te bi pismamê te re bizewcînin ew tenê dikare te zîn û berzîn bike. Tu dibêjî, na min qos û qosbend bikin. Tu dîncke bêaqil ï. Heger tu dev ji hawekên xwe bernedî teqez ez ê te biavêjim tîmar-xaneyê. Tu yê di wir de bibî seroka wan. Dînê! Dînê! Dînê çolan!!”

• Herku ew peçyv dihatin bîra wê, xwêdanê, xwe berra ser azayê laşê wê dida. Hêrstir dibû. Hema wê gavê dixwest ku dev li canê xwe bike. Carinan jî dixwest ku bi dengê herî bilind biqîrre û bibêjî: “Ev jiyana min e û bi xweşiya min diçe. Ez dixwazim ku bi vê rewşa ku li gorî we dînîtiya herî mezin e bijîm. Ma hûn daqoqên serê min in?” Mîna ku heft hebên weke qantiran xurt dest xistibin qirrika wê nikarîbû têr biqîrriya û dilê xwe rehet bikira. Dixwest ku bigirî, bêhna xwe fireh bike, nikarîbû. Tu yê bêjî qey stêrkên ku di kanîka çavên wê de li ber tava germa gelawêjê zuha bûbûn. Çavên wê mîna du libênu hinarênu vîzvîzîkê sor bûbûn. Tu yê bêjî qey agir ji çavên wê dibariyan û bi tenê dilê wê dişewitand.

Piştî ku wê neh, deh kolanênu dirêj bihurandin, di nîvê kolanekê de rawestiya. Bi nêrînîne baldar li hawirdorê xwe nihêrî. Weke dewara ku li ber dorê ku gêrê dike li derdora xwe zîvirrî. Destê xwe avêt bêrika çakêtê xwe. Ji bîr kiribû ku pakéta vala virrvirrandiye. Bi fêrbûna binhişî li bêrikên xwe gişan geriya. Ne pakêt ne jî têra pakête tekê pere pê re hebûn. Di nava wan mitalan de tizbiya xwe di destê xwe de mîna berdûsên Amedê hejand. Gorristana taxê ya pirr mezin ku di zarokatiya wê de gellek şevan malovaniya wê kiribû hat bîra wê. Ew şevêni ji ber sedemên weke xortan heyâ derengê şevê li kuçeyan dilist û şevder dima hat bîra wê. Tev weke filmekî li ber çavên wê de bihurîn. Tizbiya xwe leztir hejand. Tu yê bêjî qey bi xwe re ketibû pêşbaziye.

Rewşa zarokatiya xwe û ya a niha da ber hev. Bişirîneke muzirr xwe avêt ser rûyê wê. Hêdîka bi aliyê gorristanê ve meşîya. Rewşa gorristanê ya ku li ser berfê çend dewsênu lingan hebû hinekî ew tirsand. Herçiqaşî bi navê “Kek Ehmed”î dihat nasîn jî tîrsiya. Wê jî nîzanîbû ji ci, çîma ditirse. Pirr zor be jî qebûl kir ku ditirse. Di dilê xwe de got; “belkî jî herkes ji gorristanê ditirse.” Bi piştre hinekî rawestiya. Tam dikira vegere, ci fikirî ne ez ne jî bawer im wê zanîbû venegeriya. Ber bi nava gorristana ku kîlênu miriyan hema dihatin xuyanî ve meşîya. Meşa wê di dewsâ hin lingan de berdewam dikir, li ber kîla gorrekê çav li komek xortikên ku çend heb ji taxa wan bû ket. Di destê her xortikî de poşetekê ku nava wê tijî balî, kesê nîzanibûya wê bigota qey binevşen quntara Araratê bêhn dikin bi kîf bêhn dikirin û wan dikişand nava xwe. Wê kîliyê ne kîfa Zelixê, ne jî tu tiştekî wê yê din amade bû ku here bal wan. Hîn tibabekî dûrî wan bû, bi çavlêketina wan re berê xwe da şivîleke din. Dewsênu lingan nebûn û bi zehmetî gavê xwe diavêtin. Hîn wê di şivîlê de li ber qevzên xwe dida, xortikekî hejar ê di nava fiqspîbûna berfê de çavên wî yên reş ên gîrs ku pirr xweşik bûn ji nava wê koma xortikan rabû bi lez ber bi wê ve hat. Ji hejarbûnê an ji ber kişandina baliyê bû nîzanim dişewişî vî alî, wî alî. Bi zehmetî xwe gîhand nêzî wê û bi dengê xwe yê ku hîn bêhna zarokatiyê jê neçûbû got; “Kek Ehmed bi xêra bavê xwe ka cixa-reyekê bide me lo! De heydê lo, bila xêra te be. Tu pê xizan nabî. Dê lo, ez bi qurba-na gunnê te bim, hew yekê lo...”

Wê gavê pirr dixwest ku cixareya wê hebûya, ne yek hema pakêta xwe giş bidayê. Mixabin tune bû. Zelîxê bi dilekî tasewas lê nihêri. Bi kotevê pê da fêmkirin ku cixare pê re tune ye. Dawiya dawîn xwe ji nava destên wî xelas kir. Wî xortikî çiqasî jê bawer kir an nekir nizanim wê jî rêya xwe berdewam kir. Herku bi deverên xalî ve diçû hebûna berfê rêvêcûna wê zortir dikir. Lê wê dîsa jî rêya xwe didomand. Li cihekî kûr û ewle digeriya, li ber kûrahiya kêlekî rastî zilamekî simbêlsor î serkeçel î ku têrra zikê wî jî wî mezintir bû hat. Di destên wî de şûşeyek bîra bê rawestan vedix-war. Gava ku çav li wê ket rawestiya, bi nêrînîne nexel lê nihêri. Ji nêrînê wî yên mîna gurêñ birçî bizdiya. Zayenda wê a ku bi bîra herkesî nedihat hat bîra wê. Bi çend gavan bi paşve çû. Heya karibû bi lez ji wir bi dûr ket. Tu yê bêjî qey sîxûrêñ har li pey wê bûn.

Piştî kêliyekê gava ku bi ser hişê xwe ve hat dît ku gihiştiye "Mizgefta Mewlana" yî. Qasekî li Mizgeftê nihêri. Bi derengiya şevê re herder diket nava bêden-giyeke kûr û tarî. Ji ber derengiya şev û seqemê kêm kesen ku li dora Mizgeftê bala sîxûrêñ li wir peywirdar dikişand. Sîxûrêñ ku di nava kepira li hemberî Mizgeftê bala xwe dida tevgera wê. Nêrînêñ herdu sîxûran li ser rewşa wê a ku li gorî bavê wê û hin kesen din mîna ya berdûşan bû digeriyan. Mîna ji nêrînêñ wan ên bi tetêl û bi wate bireve revîrev ji wir reviya. Nizanibû bê lingêñ wê wê bi ku ve dibe bi tenê direviya. Wê jî nizanibû ji wan sîxurran, ji bavê xwe an jî ji xwe direve, lê direviya. Heya bêhn lê çikiya rawestiya hêdî hêdî meşîya. Mîna kalêñ ku xurrifî bin bêyî ku zanibe diçê ku diçû, bi tenê diçû. Diçû lê ew ê heyâ ku biçûya?

Girask
45

Herku şev dizîzikî seqemê berfa li erdê dikir mîna tehtan. Hew karibû di wê rewşê de bêhtir bimeşe. Di nîvê kolaneke ku tucarî ew nedîtibû de rawestiya. Kûr û dûr li xwe, li dê û bavê xwe, li hevalêñ xwe fikirî. Ji nişkan ve hevala wê Leyla a kargehê ket bîra wê. Édî ji kirasê kalêñ ku hişen xwe winda kirine derket, kêfxweşiyekê bi dizî li ser rûyê wê yê mîna gulan da der, rast berê xwe da taxa Harmancikê.

Şev dizîzikî û ew jî li dora mala Leyla'ê dizîzikî. Bi çavêñ Zelîxê şeveke ji her şevan reştir û dirêjtir bû. Wê çavêñ xwe li der û dorê gerandin. Tewiya, zixurekî biçûk dît û avêt paceya wê. Yekî din, yekî din jî, heyâ ku Leyla'yê paceya xwe vekir. Gava ku çav li Zelîxê ket pirtûka ku di destê xwe de danî ser qeryoleyê, çakêtekî sivik avêt ser milêñ xwe, xwe bi ser hev de evciqand û ber bi deriyê hewşê ve beziya.

Mîna ku biçin diziyê bi dizî derbasî odeya Leyla'yê bûn. Piştî ku mesele bi Leyla'yê da fêmkirin pirtûka ku li ser qeryoleyê ya Bîlge Sûmer'ê bala wê kişand, rahiştê, berê bi vî alî wî alî ve zîvirrand. Li stûrbûna wê nihêri. Di ser ewqas westandin û bêkêfiyê de rûpelên wê li hev qûlipandin. Édî ne di şeveke tarî de, ne di taxeke nezanî de di nava helbesten wê de xwe winda kiribû. Leyla mîna ku li hemberî nedeynkirina wê ya ji dêvla civatê xwendin hilbijartibû bertekê bide bi hêrs rabû. Çakête li ser milêñ xwe ji ser milêñ xwe danî. Kincen xwe ji xwe kir. Şevkiraskê xwe yê pembe ku bi temamî an sê bihost hebûn an tune bûn li xwe kir, becemayekî yek rengî hilbijart, dirêjî Zelîxê kir. Heya wê gavê haya Zelîxê jê tune bû. Bi dengê wê re serê xwe ji nava nepeniya helbestan rakir. Sertapê li wê nihêri. Av bi devê wê ket. Li

ser hev xweziya xwe daqurtand. Çavêن wê qederê nîv bihostî ji hev vebûbûn. Tu caran, di xewnêن şevan de jî evqasî nêzî qîzikekê nebûbû. Pirtûk di destê wê de dilerizî. Leyla mîna ku hîn jî jê hêrsbûyî be xwe avêt ser qeryoleyê. Xwe gêr kir, got; “şev baş” û betanî avêt ser serê xwe.

Zelîxeya ku li ser kevîka qeryoleyê rûniştî xwe hinekî bi ser hev ve da. Di dilê xwe de tiştin derbas kirin û cardin xwe berra nava rêzikên pirtûkê da. Di nava wan rêzikên helbestan de çend rêzikan pirr bala wê kişand. Di xwendina duyemîn de mîna ku dengê wê bê wê di ber xwe de xwend:

...
*Şa bûm
bi wê jina xweşik re
bi cihêن wê yên namehrem
yê ku hîn tukesî nedîtiye.
Hemû xêzêن laşê wê
di destê min de dieciqî
bêhna serê memikên wê
tevî hilma eşqê dibû,
ji lêvên wê
ew hilma ku min dikişand nava xwe
û em tevî harmoniya sevê dibûn
ew jin bû,
ez jin bûm.*

Leyla'yê serê xwe ji bin betaniyê derxist li nava çavên wê mêze kir. Bi dengekî narîn got; “ji kerema xwe re di dilê xwe de bixwîne. Ez ê sibe biçim karî.”

Di hilmekê de xwendina pirtûkê qedand. Heya niha ne tu pirtûkên weha ditibû ne jî xwendibû. Hêdîka rabû bi baldarî pirtûk danî ser maseyê. Du, sê caran di odehyê de çû, hat. Ev rêzikên hanê di serê wê de alîqî bûn, mîna pilâqa xerabe digot; “ew jin bû ez jin bûm, ew jin bû... Li çîpêن Leyla'yê yên ku ji binê betaniyê derketibûn nihêrî. Di navbera bedewiya wê û helbestên Sûmer'ê de dicû, dihat. Li bin guhê hevdu ketibû. Bi daqûrtandina ava devê xwe re nedigîhîst. Mîna pisîkên sibatê dixwest ku bike nûrenûr. Hedanî pê nediket. Çû li ser kevîka qeryoleyê li nêzî paqêن Leyla'yê rûnişt. Destên xwe yên ku dilerizîn hêdîka ber bi paqa wê ve dibir. Bêhna tenê wê kişand nava kezeba xwe. Wê bêhnê bi tumerî ew hejand bi dengekî lerzokî bangî Leyla'yê kir.

Leyla'yê betanî ji ser xwe da alî, bi çavên xezalî yên ku mêtî jê difûriya ew ber bi xwe ve kişand. Zelîxê şevkiraskê wê jê şeqitand, memikên wê yên ku serî hildabûn ji nava memkiraskî derxistin û devê xwe avêt wan. Destên herduyan li ser her derê hevdu digeriyan. Lîvên wan li ser laşen hev di cihêن xalî de dicêriyan. Xwêdanê xwe berra ser sîng û berê wan dabû. Germahiyekê bi herduyan girtibû. Laşen wan mîna ku ar pêketibe sincirî bû, lê hîn jî diricifin. Ji bêhişî porrê hevdu gjomijo û hevdu gez dikirin. Xwe bi xwe heyâ ku wan xwe ji keçkanî de xist ranewestiyân.

Ji nişkan ve Leyla'yê xwe lebitand, betaniya heyî jî ji ser çû. Zelîxê bi lez destê

xwe yê ku nêzî paqa wê kiribû ber bi xwe ve kişand, a wê kêliyê, rastiyê, sêwirêne wê giş hilweşandin. Sêwirêne ku tucarî evqasî xweşiya wê neçûbûn.

Bi tevgera Leyla'yê re li rastiya xwe vege riya. Rastî jî vege riya, vege riya wê ras- tiya tund û ji hertiştî nexweşti. Ji ser qeryoleyê rabû lêva xwe ya jor kir nava diranê xwe, têr tijî mêt. Xwêdana li ser aniya xwe a fireh paqîj kir. Bêdeng rahişt çakêtê xwe yê ku bi pişa dêrî ve daliqandîbû li xwe kir û derket ji derive.

Dîsa li kuçeyan bû, dîsa tenê û bêçare bû. Ji xwe reviyabû, nebûbû, ji dê û bavê xwe reviyabû, nebûbû. Edî ji hevala xwe ya ku herî pirr jê hez dikir jî reviyabû û dîsa nebûbû. Ew dîsa tenê li kuçeyan bû. "Kuçekê" bû, erê di zarokatiya xwe de hîngî li kuçe û kolanan digeriya navê wê bûbû "Kuçekê"...

Dîsa di vê şeva ku ji her şevan reştir de di kuçeyen tijî berf de bûbû mîna kalên xur- rî. Li pey lingên xwe diçû. Di nîvê kolanekê de leqayî serxweşekî ku li wê holê mîz dikir hat. Serê xwe tewand di nava wê berfê de bi hêviya ku daşirekê bibîne meşiya. Piştî lêgerîneke dirêj dît. Çû li hemberî daşirê rawestiya. Di nîvê du deriyan de geh li wî derî û geh li deriyê din dînihêrî. Xwedê kesî bêbiryar nehêle, lê ew bêbiryar mabû. Nizanibû ku bikeve kîjanê, bikeve deriyê ya ku sembola jin li ser, an ya ku mîr li ser. Çend kîliyan di nava hest û rabirduya xwe de çû û hat. Ber bi deriyekî ve diçû, a wê gavê zilamekî serxweş gazî wê kir; "Hişt Xorto! Ma qey tu serxweş i?!" Ew ne ya mîran e..." Bi peyvîn wî re berê xwe da ser rî, meşiya. Qet li dû xwe jî nenihêrî, bê rawestan rîya xwe domand.

Tavê amadehiya derketinê dikir. Rengê derderô hinohino vedibû. Sofiyêne rehdîrê ji bo nimêja sibehê bikin diherikîn mizgeftan. Li nêzî mizgeftike mezîn di rîyeke çar- yan de rawestiya. Bi fîrbûna salan destê xwe avêt bêrika xwe, dîsa bi şünde kişand. Tunebûna cixareyê hiş di serî de nedîhişt, ew hêrstir dikir. Bi hêrs di cihê xwe de qele- mîska rûnişt, qûnikeke cixareyê ya ku hîn venemirîbû li ber çavên wê ket. Rahîstê, zû bi zû kir nava lêvîn xwe yêna qalind, du qurtik be jî kişand kezeba xwe. Û di ber xwe de, xwe bi xwe got; "va bû sibe û min hîn jî rîyeke ji xwe re hilnêbijartiye. An dêr an mizgeft. Herdu bi hev re çenabin. Ji xwe bavê min min dûrî herdulan jî dibîne. Îcar divê ez biryarekê bidim. Biryar ax biryar!..."

Karwanêن Stêrkan

Jan Ziryan

diçirûsin ji şewqa axê
di newqa xewnên derrabekirî de
dibirûsin bi debarake dardekirî
dikurrisin mirûzê ruhstînî

li morîkên windayî
digerin gêrikên gernas
bi tena serê xwe, bi niqrîskên zuha
bi rûyên birû, bi tehdeyên durû
wêneyên xêzkirî dibînin
di albuma moristanan de
bi çavêن kilkîrî
bi destêن nexşkirî
bi dilêن deqkirî
dikolin erdê pilopilo

karwanêن stêrkan
ji mêj ve dibêjin
em ji diloyî re dengbêj in
her mirinek li moristanan
dibe stêrk li ezmanê gorristanan

Kuştina Cerdonekî

Şengul Ogur

Rojek ji rojan dema ku ez çübûm malê, hîn ez rûneniştibûm her sê hevalên min ên malê, bi peroşî û şanaziyeke mezin got ku wan îroj cerdonekî nehîteyî di malê de kuştiye. Dema ku wan behsa kuştina cerdonê malê dikir, di çavêwan de çirûskên dema ku mirov ji karekî bi serkeftî derdikeve diyar dibin, diçûn. Te digot qey wan ne behsa kuştina cerdonekî reben lê behsa rizgarkirina welatê xwe yê ji destê dagirkaran dikir; ji karê xwe yê kirin ewqasî razî bûn!

Cîrask
49

Hevalên min ên ku bi gotinan êdî nekarîbûn kêfxweşîya xwe diyar bikin, li hêviya min bûn ku ez jî xwe li ber çemê wan ê serkeftinê berdim û ez jî kêfxweşîya wan a ji vê kuştinê bi parve bikim, wan pîroz bikim ji bo ku wan karekî weha pêk anije.

Lê piştî demekê, dema ku hevalên min ên ku xwe di axaftin, kêfxweşî, peroş û şanaziya vê bûyerê de winda kiribû, dema ku tişa ku hêvî ji min dihate kirin wan nedîbû û berovajî ya ku wan ji min hêvî dikir; dema ku wan di rûyê min ên ku li hemberî wê bûyera ku behsa wê dihate kirin cemidî bû û di çavê min de awirên xemginiyê, ya ji vê bûyera ku behsa wê dihate kirin peyda bûbû dîtin, şaş bûn û bi awayekî ku gazinan ji min bikin, wan ji min pirsi bê ka gelo ji bo ci ez ji vê kuştina cardonê malê ne kêfxwesî im. Ü ji bo ci kêfxwesî û şanaziya wan bi parve nakim?

Piştî bêdengiyekê kurt, min li nav çavê hevalên xwe yên malê ku her sê jî xwendevanê zanîngehê bûn nihêrî û bi hestyarî û bêhtengî ji wan pirsi: “Ji we heye ku we karekî zehf baş kiriye?” Dema ku hevalên min ên malê ev pirsa min bihîstibû wan tu wate nedabûye pirsa min a ku min ji wan kirî. Loma ew li bendê bûn ku ez ji wan re bibêjim; “helal be ji we re! We tiştekî zehf baş kiriye!”

Dema ku wan pirsa min bihîstibû ji wan heye ku ez henekan bi wan dikim. Ji bo vê jî, ji ber ku hîn bi rastiya pirsa min negîhiştibûn, li ser çav û lêvên wan hîn şopên kêfxweşî û şadiya ji kuştina cerdonê malê mabû, hebû. Lê bi berdewamiya axaftina min re rewşa hevalên min guherî û rengê kêfxweşiyê yên li ser rû û çavêwan veguherî rengê poşmaniyê û xemginiyê. Ber bi dawiya axaftina min re, êdî av bi çavê hevalên min ketibû û dikir ku bigirîn.

Li hemberî vê bûyerê min jî xwe winda kiribû û ji hevalên xwe yên malê re weha digot: “Ma gelo malbateke we tenê heye? Ma malbateke cerdonî jî nîn e? Ma zarokên

cerdonî, dê û bavê cerdonî, xweh û birayê cerdonî lê napisin? Nabêjin ka gelo çi pê hat? Heke^gku cerdon mê be û çêlikên wê hebin, ma çêlikên wê, wê li benda dêya xwe nemînin? Ma bavê wan çêlikan wê li hevala xwe nepirse? Ma mafê we hebû ku hûn mafê jiyanê jê bistînin? Qey hûn mafê jiyanê bi tenê ji bo xwe dibînin?" Axaftina min bi vî rengî berdewam kir, heta ku li menzela ku em lê û li tevahiya malê bêdengiye-kê serdestiya xwe danî.

Piştî axaftina min, yek gotin ji hevalên min çênebû. Hemûyan pişta xwe dabû dîwâren odeya ku em lê rûdiniştin. Axaftina min bandoreke mezin li wan kiribû. Ew tê gihiştibûn ku wan tiştekî pîr neçê kiriye. Wijdanê wan êdî li pêşberî wan rawestiya-bû û ew didarizandin.

Ez jî li rewşa malbata cerdonê ku hatibû kuştin difikirîm. Gelo ew niha di çi rewşê de bûn? Gelo ku ew mî be, çêlikên wê hebûn? Hevalê wê li wê difikirî? Ü pirsên bi vî rengî min ji xwe dikirin.

Ode ji bêdengiyê kerr bûbû. Derengiya şevê jî bêdengî kerrtir û tirtir kiribû. Lê em hemû bi lêxistina deriyê malê re ji vê bêdengiyê hilçenîn û bi ser xwe ve hatin.

Bi bihîstina dengê dêrî re, me hemûyan bi tirs li hev nihêrî. Di vê derengiya şevê de yê ku li deriyê me bixe, bivê nevê polês in. Ji wan pê ve tukes di vê saetê de, bi vî awayê ku weke derî bisikîne li deriyê me naxe. Mehd li me zer bû. Me ne dizanî ka em çi bikin. Serê 15-20 saniyê deng ji dêrî dihat.

Belê, ji polêsan pê ve wê ne tukes be. Ma ji wan pê ve kî wê were, di vê derengiya şevê de bi vî awayî li deriyê me bixe.

Bi tırsa ku êdî wê şevê em ê bêne girtin û êşkencê, sixêf û heqeratan bixwin min derî vekir. Ci bibînim Xweda! Cerdonek... Belê, cerdonek rabûye ser piyên xwe û dîq dîq li nav çavê min dinihêre, li bîbikên çaven min dinihêre weke pirsên: "Ka xanima min! We ci pê kir zalimino!?" ji min bike li min dinihêrî.

Cerdonê ku li ber dêrî li ser du piyên xwe rawestiyabû, ne weke cerdonan lê weke însanan dinihêrî. Çavên wî weke yên însanan bûn. Ne tenê çavên wî, herweha awirêner cerdonî jî wilo bûn. Hestêni mirovan çawa di çavên wan de diyar bibin, hestêni vî cerdonê ku li ber dêrî jî di çavên wî de diyar dibûn. Di çavên cerdonî de, ew tırsa ku êdî wê hew hevala xwe bibîne, îhtimala ku ew hatiye kuştin û êşa ku bi vê îhtimalê re peyda dibe hebû.

Çavên cerdonî tijî bûbûn. Dilopeke hêşirê di keviya çavê cerdonî de hêdî hêdî, giran giran dilerizî.

Dema ku min derî vekiribû û çavê min li cerdonî ketibû nizam çi bi min hatibû. Ez di cihê xwe de cemidî bûm. Tu liv û tevger ji min çênebûbû. Weke ku xwîna min bice-mide li min hatibû. Lerzekê xwe li hemû cesta min pêçabû. Mûyên laşê min hemû cit bûbûn.

Erê min dizanî ku ew jî hest dikan, li hev dipirsin û diêşin lê min qet nedizanî ku êşa wan jî û pirskirina wan jî weke ya mirovan e.

Dema ku min cerdon li ber dêrî dîtibû, weke ku li pêşberî min zilamek hebû û bibê-je; “ka jina min kanî? We çi pê kir?”

Ji bo vê jî, her çendî ku min hewl dida ku ez êşa ajalan fêhm bikim jî, bi dîtina vê dîmenê re ez tê gihîştîm ku min hîn dînyaya ajalan baş nas nekiriye.

Ya herî balkêş jî ew bû ku wî cerdonî çawa ew deng ji dêrî derdixistibû. Ji bo ku cerdonî karibûya bi vî awayî deng ji dêrî derxista, tekane rê hebû, ew jî ew bû ku cerdon bi himmet xwe li dêrî bixe. Naxwe wekîdin ne pêkan bû ku cerdon karibe wî dengê bişid ji dêrî derîne.

Piştî sê-çar çirkan min û cerdonî li hev nihêrîbû, ji ber ku min hew karibû vê dîmenê ragirim û min bi tirs derî li cerdonî girtibû û çûbûm odeyê, bal hevalên xwe. Hevalên min ji pirsî bê ka gelo yê ku li dêrî dixist kî bû.

Bandora bûyerê hîn li ser min serdest bû. Dema ku wan pirsî bê ka gelo ew kî bû li dêrî dixist, min nizanibû ez ê çawa ji wan re bibêjim ku yê ku li dêrî dixist cerdon-nek bû û likûbûna cerdonê hatî kuştin ji min pirs dikir. Heke min wilo bigota hevalên min wê bi çavênu ku ez dînek bim li min nihêrîbûna.

Min bersiv neda hevalên xwe. Jîxwe hîn ez li cihê xwe rûneniştibûm dîsa deng ji dêrî hatibûu. Berî ku hevalên min biçin li dêrî binihêrin, bi bayê bezekê, ez çûm min derî vekir. Dîsa heman cerdon li ser du piyêñ xwe rawestiyaye û bi çavênu pirsyar li çavênu min dinihêre. Vê carê, min hew xwe girt û da ku ez hişê xwe li hemberî vê bûyera sosret winda nekim, min rahişt pêlavêkê û di cerdonî werkir da ku ji wir bireve û cardin neyê li dêrî nexe.

Dema ku min pêlav avêtibûyê, min derî jî li cerdonî girt. Êdî min nedixwest ku cardin deng ji dêrî were û dîsa rastî cerdonî bêm. Loma ku cardin li dêrî bixista û min ew bidîta, ez ditirsiyam ku hişê xwe winda bikim.

Dema ku derbasî odeyê bûbûm, hevalan dîsa ji min pirsî bê ka gelo kê li dêrî dixist. Min ji we re rewş vegot...

Wê şevê heta berê sibehî xew nekete çavê yekî ji me. Di nav bêdengiyeke kûr de em difikirîn. Lê guhêñ me hemûyan bi tirs li dêrî bû. Me digot belkî dîsa cerdon were û li dêrî bixe.

Wê şevê me baş fêhm kir ku malbateke cerdonan jî heye û ew jî li hev dipirsin, ew jî his dikan, diêşin, digirîn...

Modernîzm 2

Sidîq Gorîcan

me roj kir şev
şev kir roj
xew kir çinîçinî
xewn kir tepîskok
xwe kir nejixwe...


balgih jî bêzar ket bi dûre
berbangê berê xwe da gazînê
hawar kir bi girîn û nalînê

ku roj vegera şevê
şev vegera rojê
şixul tev bû kul
heyat bi birîn zêwirî
muwazena ontolojîk berevajî zîvirrî

ji erdzemîna xwe
hatin dûrkirin bax û bostan
hatin qirrkirin baxçeyên bêhndar
hatin fetisandin di navbeyna
apartmanên laşgir û bê ruh de
kulilkên canecan û bi xwe
ji warêن xwe hatin qefilandin
ketin qutiyêن plastîk
cihêن xwe girtin di bakoneyêن teng de
bakoneyêن teng bûn listikgeha aqilêن otîstîk
daristan man bê nefes
kambaxiyê li avahiyan silav kir
zozanê teyr û civîkan bû qefes

ku roj bûn şev
şev bûn roj
ku baxçeyêن rengdêr hiljorê bakoneyan bûn
şairan ji xwe re sekîne nedîtin
şar ji çavêن xwe bûn
dil di kozika xwe de ma mişemir
aramî li ber mirinê ve fetilî
fetilî bi meşekê xirrpilak
fetilî bi hêrsekê bi mirremirr

18 Îlon 2010, Wan
s.gorican@hotmail.com



Ravek Bahoz Baran

Peyvek, dema ku ji aliyê hinek peyvên din ve tê ravekirin, ravek derdikeve holê. Peyvên ku ravekirinê çê dikin êdî dibin qalib û nayêن parçekirin. Di ravekê de du hêman hene, yek raveber e(rave dibe), yek jî raveker e(rave dike). Raveker ji aliyê wesf, rewş û mêjerê ve raveberê temam dike. Raveber bêtir li pêş e, raveker li dawi-ye ye.

Mînak:

Gîravak
54

Raveber	Raveker
Deriyê	malê
Pirtûka	dibistanê
Keçika	mezin
Gula	sor

Weke ku ji mînakan jî diyar e, raveker raveberê ji hinek aliyan ve temam dike. Ku di ravekan de wesfîn rengdêran hebin ew ravek ravekên rengdêran in; ku peyv ji hinek aliyan ve bê temamkirin û diyarkirin, ravekên navdêran derdikevin holê.

Divê em diyar bikin ku di hinek ravekên rengdêran ên mêjerî, nişanî û yên diyar-kirî de cihê raveber û ravekerê diguhere, hêmanên rengdêrin têن pêşî.

Mînak:

Çar zarok Ji sedî şêst kar
Vî lawikî nan xwar. Vê pirtûkê bistînin.

1. Ravekê Navdêran

Navdêrek dema ku ji aliyê navdêreke din ve bê diyarkirin, raveka navdêran çê dibe. Di raveka navdêran de du hêman hene: raveber, raveker.

Raveber: Hêmana ku ji aliyê ravekerê ve tê diyarkirin raveber e. Raveber ji bo ku bi ravekerê ve bê girêdan pêvekên hevbendiyê “-ê,-a -êñ”ê distîne. Ev pêvek zayend û mêjera raveberê diyar dikin.

-ê → nêr -a → mê -êñ → pirjimar

Mînak:

<u>Raveber</u>	<u>Raveker</u>
Bêhna <u>_</u>	nanî
Serê <u>_</u>	keçikê
Darê <u>_</u>	çiyayan

Nîşe: Dema ku du dengdêr bêñ bal hev tîpa alîkar ‘y’ tê bikaranîn.

Piştî Pêvekên Nediyariyê Pêvekên Hevbendiyê

Pêvekên hevbendiyê, dema ku piştî pêvekên nediyariyê têñ, diguherin.
Pêvekên nediyariyê ev in: -ek(Nediyar-Yekjimar→Ji peyva ‘yek’ê tê.)
-in(Nediyar-Pirjimar→Ji peyva ‘hin’ê tê.)

Mînak:

Hevalek hat.
Hevalin_ hatin.

Piştî Pêvekên Nediyariyê Rewşa Pêvekên Hevbendiyê

e (Mê)	-î (Nêr)	-e (Pirjimar)
Dareke <u>_me</u>	Ciyayekî bilind	Darin <u>g</u> me
Hevaleke <u>_baş</u>	Hevalekî baş	Hevalin <u>g</u> baş
Rojek <u>_xweş</u>	Deriyekî vekirî	Zarokin <u>g</u> nerhet

Raveker: Hêmana ku raveberê diyar dike raveker e. Dema ku vî karî dike ew jî pêvekên diyariyê “-î, -ê, -an”ê digire. Ev pêvek zayend û mêtjera ravekerê diyar dikin.
-î → nêr -ê → mê -an → pirjimar

Mînak:

<u>Raveber</u>	<u>Raveker</u>
Destê	yekî
Sêva	jinikê
Ezmûnên	dibistanan

Li Gorî Teşeyî Ravekên Navdêran

A) Ravekên Resen: Ji du hêmanan pêk têñ, yek ji wan raveber û yek jî raveker e.
Raveber pêvekên hevbendiyê digire; raveker jî pêvekên diyariyê digire.

Pêvekên Raveberê

-a
-ê
-ên

Pêvekên Ravekerê

-ê
-î
-an

Mînak:

Dara_ tuyê
Serê_ yekî
Darê_ gûzan

Eger raveker ji peyveke nêr pêk hatibe û tê de tîpêñ ‘a, e’yê hebin, ew tîp dikarin bitewin û bibin ‘ê’.

Mînak:

Kevirê dîwêr
Deriyê xênî

B) Ravekêñ Hevalbend: Di van ravekan de raveber an jî raveker ji du hêmanan pêk têñ. Di ravekêñ bi vî hawî de hewce nake ku pêvek du caran bêñ bikaranîn, peyva dawiyê bê diyarkirin bes e.

Mînak:

Derî û kevirê xênî
Dest û piyê me
Kevirê dîwar û çiyayî
Gula kulîlk û darê

Hişyarî: Dema ku tîpa dawî ya peyvîn nêr bi ‘î’yê bi dawî bibe, hewce nake ku careke din ew peyv pêveka diyariyê bigire.

Mînak:

Milê derî
Bingeha xanî

Hişyarî: Carinan peyvîn nêr û mî bi hev re din nava ravekekê de cih digirin, di vê rewşê de peyva dawî tenê tê diyarkirin.

Mînak:

Çîmento û kevirê dîwarî
Destê Hesen û Zeynebê

C) Ravekêñ Girêdayî: Du an pirtir ravekêñ navdêran dikevin nava hev û bi hev ve têñ girêdan. Divê di çekirina ravekêñ girêdayî de du ravek hebin.

Mînak:

Pelêñ darê+ Dara Gûzê= Pelêñ dara gûzê
Hêviyêñ jiyanê+Jiyana wî= Hêviyêñ jiyanâ wî
Enstituya Kurdî+ Enstituya Amedê= Enstituya Kurdî ya Amedê

Nîşe: Ku peyvîn rengdêri bikevin nava ravelkê û peywendiyê bi wesfekî din re çê bikin, ew cure ravek nabin yên girêdayî. Ji ber ku li holê tenê ravekek heye, peyva rengdêri tenê pêwendiyê çê dike. Di van ravekan de pêveka hevbendiyê ya duyemîn dikeve rola pêwendiyê û cuda tê nivîsîn.

Mînak:

Şaredariya Amedê ya mezin.
Kurê Leylayê yê biçûk.
Pirtûka wî ya li dibistanê

2. Ravekêñ Rengdêran

Navek dema ku ji aliyê rengderekê ve bê diyarkirin, raveka rengdêran çê dibe. Di raveka rengdêran de jî du hêman hene: raveber, raveker.

Raveber: Hêmana ku ji aliyê ravekerê ve tê diyarkirin raveber e. Raveber ji bo ku

bi ravekerê ve bê girêdan pêvekên hevbendiyê “-ê,-a -êñ”ê distîne. Ev pêvek zayend û mêtgera raveberê diyar dîkin. Berevajiyê ravekên navdêran, ravekerêngdêran pêvekên diyariyê ‘-î, -ê, an’ê nagirin.

Mînak:

<u>Raveber</u>	<u>Raveker</u>
----------------	----------------

Dilê	jar
Sêva	sor
Guliyêñ	zirav
Ava	sipîsar

Raveker: Hêmana ku raveberê ji aliyê wesf û mêtgerê ve diyar dike raveker e. Rengdêr dema ku hêmanekê diyar dîkin pêvekên diyariyê ‘-î, -ê, an’ê nagirin. Tenê di awayê nîşanî de wan pêvekan digirin.

<u>Raveber</u>	<u>Raveker</u>
----------------	----------------

Mala	xwes
Gundê	vala
Keçika	rind

Nîşe: Dema ku rengdêrên hejmarîn û nîşanî derdikevin holê raveber û raveker cih diguherin.

Mînak:

<u>Raveker</u>	<u>Raveber</u>
----------------	----------------

Çar	zarok
Ji sedî çar	erd
Ev	kurik
Ew	keçik

Di ravekên rengdêrên nîşanî de ku diyarkirin hebe raveber û raveker bi hev re pêvekên diyariyê digirin.

Mînak:

<u>Raveber</u>	<u>Raveker</u>
----------------	----------------

Vî	lawikî
Wê	keçikê
Wan	hevalan

Ji Aliyê Teşeyî ve Ravekên Rengdêran

A) Ravekên Resen: Ji raveber û ravekerekê pêk tê. Raveker ji aliyê wesf û mêtgerê ve raveberê diyar dike.

Mînak:

<u>Raveber</u>	<u>Raveker</u>
----------------	----------------

Dara	mezin
Gula	zer
Deriyê	şîn

<u>Raveker</u>

Ev
Çar
Pênc
pirtûk

<u>Raveber</u>

lawik
nan
pirtûk

B) Ravekê Hevalbend: Li holê raveberek û çend raveker hene. Ew raveker, bi ravebereke ve girêdayî ne. Di van ravekan de ji bo girêdanê pêvekêne pêwendiyê, daçek û gihanek pir tên bikaranîn.

Mînak:

<u>Raveber</u>	<u>Raveker</u>	<u>Raveker</u>	<u>Raveber</u>
Sêva	bi bêhn û xweş	Ji sedî pênc	erd
Deriyê	hesin ê mezin	Hebik û nîv	nan
Hevalê	qenc ê dirêj	Du mîtro û nîv	qablo

Nîşe: Rengdêr weke ku me li jor jî destnîşan kiribû carinan di nava ravekêne navdêrin de jî cih digirin.

Mînak:

Şaredariya Amedê ya mezin
Keçika Leylayê ya biçûk

*Girastk
58*

C) Ravekê Lékernavî: Li holê raveber û ravekera ku ji gellek hêmanên pêk hatiye heye. Di ravekerê de lêkerek di peywira rengdêre de tê bikaranîn û dibe lêkernava rengdêrin. Gihanek û daçek jî di van ravekan de pir tên bikaranîn. Ev qalib nayêن parçekirin, weke hêmanekê ne.

Mînak:

Pirtûka ku te ji min stendibû li ku ye?
Mala ku li ber çavên me sewitibû hat çekirin.
Nanê ku ji destê lêwik kete erdê êdî nayê xwarin.
Xaniyê çekirî, nabin ji me re.

ÇEWTIYÊN KU TÊN KIRIN

Dema ku em bala xwe didin nivîsên heyî em dibînin ku di vê mijarê de gellek çewtî tên kirin. Carinan pêvek kêm tên nivîsin, carinan şaş tên nivîsin. Gellek caran di awayê rastnivîse de pirsgirêk derdikevin holê.

1. Pêvekên diyariyê yên ravekerê kêm bin tevlihevî derdikeve holê, gellek caran ev çewtî tê kirin, carinan jî ravekêne rengdêrin û yên navdêrin tên tevlihevkirin:

Mînak:

Azadiya mîr	Azadiya jin	Hunermendê berxwedan
Jiyana şêr	Bandora muzîk	Pirsgirêka Kurd
Odeya meqam	Têkoşîna jin	Nexweşîya çav

Dema ku em pêvekan li van ravekeran zêde nekin, tevlihevî çê dibe. Di herdu mînakên ewil de ‘azadî’ dibe jin an jî dibe mîr û raveka navdêran weke raveka rengdêran xuya dike. Di rewşen wisa de em bêtir pêveka pirjimariyê ‘an’ê bi kar tînin. Ku kesek bê qestkirin em dikariyê pêvekên ‘î’ û ‘ê’yê lê zêde bikin. Lê ev awa di Kurmaciyê de hindik tê bikaranîn.

Awayê rast divê weha bin:

Azadiya mîran/î	Azadiya jinan/ê	Hunermendê berxwedan/ê
Jiyana şêran/î	Bandora muzîk/ê	Pirsgirêka Kurdan/î
Odeya meqamî	Têkoşîna jinan/ê	Nexweşiya çavan/î

2. Divê pêveka mî ya ravekerê bê bikaranîn, gellek caran em dibînin ku ev pêvek nayê bikaranîn. Bêtir di helbest û stranan de ev çewtî pir tê kirin.

Mînak:

Azadiya Kurdistan
Kesên li Swêd
Festîvala Zîlan
Rûpela cîhan

Pêveka mî ya diyariyê divê di ravekan de bê bikaranîn. Guhdarekî/e Kurd pir bi rehetî dê fêm bike ku ev hevok ne li gorî bilêvkirina Kurdi ne. Divê ew hevok weha bin:

Mînak:

Azadiya Kurdistanê
Kesên li Swêdê
Festîvala Zîlanê
Rûpela cîhanê

3. Pêveka ravekerê ya nîr gellek caran nayê bikaranîn. Lî divê ji bo zimanekî bipergal û xurt divê êdî em wê jî bi kar bînin.

Mînak:

Hevalê Hesenî
Qalikê nanî
Goştê gayî
Devê gurî

4. Pêveka diyariyê ya pirjimar ‘an’ jî gellek caran kêm tê nivîsin.

Mînak:

Min pirsa dewara kir.
Wan hevala got.
Dengê zaroka xweş tê.
Divê em di nivîsê de wê biparêzin û binivîsin:
Min pirsa dewaranê kir.
Wan hevalan got.
Dengê zarokan xweş tê.

Bûka Qelen Qelew

Bîrbir Birûsk Aryan

Heger tu çavêن evîna min ên reş û belek bi şûnde vegeรînî û berra nav kefa destê min bidî... bi soz û peyman! (ez ê peymanan yek bi yek bidim her êgir) ez ê dirokeke çavres û belek belek kî bikim qelenê evînê û bi stûyê te ve dakim.

dawet geriyabû;
xemgînî ji dilan peya bûbû,
li şûnê şanazî siwar bûbû...

wan meya zelal dadiqurtand,
govend digerad,
û bi ser de jî dilîland...

mêvan li hawirdora bûkê vehewiyabûn;
her yek ji wan, ji aliyekî ve xwe dirêjî wê dikir.
xelatên xwe pê ve dikirin, wan jiyanake bextewar û bedew jê rc dixwest û diçûn...
(hin ji wan zêrr, hin ji wan pere, hin ji wan hêvî û hin ji wan jî xatir pê ve dikir.)

Belê, rêz a zavayî bû
zavayê me bi ciwanmêrî ji cihê xwe liviya
bi çavêن êwrî û sekneke çiyayî
li hemberî j(i)(i)na xwe sekinî.

ewil,
wî lêvên xwe yên mişt ramûsan kirin berdêliya eniya wê...
û bi piştre,
dilê xwe qurifand.. qiirrrcçççç....
qurdeleyeke şînboz tê re derbas kir
û bi çengelokekê
bi ser dilê gewra xwe de bada...
pê nedebirî,
dewsa dilî,
bi kûlîlkên zîvî nixumand... (kulîlk ji kîfan firriyan!)
...û rûnişt...
cep!, cep!, cep!, cep!
cepikên xurt ji zavayê dilgorî te!...

Di Helbestê de Çirûskîzm

Janez Sar

"Çirûskîzm; krizek e; krizeke çarmixî ye.
Ji tesîra narkotik a peyvan diafîre."
Rênas Jiyan

Pêla Çirûskîzmê, ji binê erda dilê Rênas Jiyan'î derketiye; di çarmixa serdestan de krizeke hebûnê li dilê R. Jiyan'î xistiye û têgchên ku li giyanêñ xwe digerin, ji tesîra xwîna narkotik a R. Jiyan'î derketine ser rûyê erdê. R. Jiyan, bingeha hebûn û tunebûnê li ser van têgehan ava kiriye. Ev têgchên hundirîn, cara ewil bi vêketina çirûskan re li ser rûyê erdê hatine xuyakirin.

Şenberiya ronahiyê gava ku li çavêñ me xist û gava ku dengê çirûsandinê li ber guhêñ me ket, me ji kûrahiya hundirê xwe bawer kir êdî.

R. Jiyan'î, bi Çirûskîzmê re hundirê me derxist ser rûyê bedena me. Me êdî giraniya hundir û derveya xwe, ji nav hev derxist. Êdî em dizanin ku şev, hundirê rojê ye.

Hiş û binhişıya R. Jiyan'î ya filozofi, ji sinca dilê wî derketiye; ew ji dilî ye, dilekî biêş, bi kul û evîndar..

R. Jiyan ji ber têgeha bêwelatiyê diêşe, ji ber têgeha serbestiyê bi kul û ji ber têgeha Kurdevariyyê jî evîndar e.

R. Jiyan'î, di erdhêjeke sosyolojîk, psîkolojîk û felsefîk de nirxên ku di binê qedere de mane û di tariyeke kaotîk de hatine veşartin, bi ronahiya çirûskan re ew dîtine û derxiştine ser rûyê jiyanê.

Çirûskîzm, ji daketina hundiran natirse û Çirûskîzmê xwe li bêbiniya tarî qelibandiye. Ji ber ku ew kesayeteke xwedî hêz û xurt e.

Em dikarin bi bennikên wê yên rewneq dakevin jêra tariya jiyanê. Êdî em dikarin hemû tirsên xwe tune bikin, an jî em dikarin bi hemû tirsên xwe jî bijîn; me ev bawerî ji pêla Çirûskîzmê stendiye.

Di helbestê de seretayên Çirûskîzmê:

- 1) Ev pêl, di sala 2003'yan de ji hêla Rênas Jiyan'î ve li hemberî xwezaya serdes-tyê derketiye. Pêleke ramanî û hunerî ye.
- 2) Jiyana rastîn bi têgehan hatiye qalkirin. Helbestvên, di qalkirinê de raman, hest û şiroveyên xwe jî vegotine.
- 3) Bingeha Çirûskîzmê herçiqasî “aqil” be jî, di helbestê de raman û hest biqasî hev girîng in.
- 4) Mijarêñ weke “jan, evîn, welat, serbestî, lehengî, hêvî, bêrîkirin û hezkirin”ê hatine hilbijartın di helbesta çirûskîst de.
- 5) Reşbîniyekê derûnî diyar e; lê ev reşbînî vêxistina çirûskan gûrtir dike.
- 6) Di navbera sûje û objeyê de têkiliyeke xurt heye; ev têkili bi hêza peyvan çêbû-ye. Gava ku peyv diqedê sûje objeyê, obje jî sûjeyê dikuje.

Heger çirûskêñ peyvê vemirin, dilê organîzma sûje û objeyan disekine û jiyan bêwate dibe. Peyv tune be, jiyan jî tune ye.

- 7) Di helbestê de form li cihekî pirr girîng e. Rêzkirin û lihevhatina bêjeyan, rîtm û melodîya dengan berî hertiştî têñ.
- 8) Bêjeyêñ herikbar û zelal bi folklorîzma zimêñ re hatine hûnandin.
- 9) Hêmayêñ ku ji çarmîxê filitîne û bê cih û bê welat mane têne xuyakirin.
- 10) Cureyêñ helbestê serbest in, form û stîlêñ nuh hatine cerribandin.
- 11) Çirûskîzmê, agirê xwe vêxistiye û agirê wê hîn berdewam e.

Xew(n)a Li Berojka

Înan Eroğlu

Min xewnek divê
bi ser vî dilê êgirpêçayî
şev û şevezekê jan dibiriqe ji keziyan
qîrrîna zarokekî volkanîk diteqe bi guhê min de
ronahiyek dibare ji piştä min
dengen lerizî têñ şûştin
şîpela heyvê me
teqûteqa teqandina fişekên hewayî me
hêvî dinêlin
lêborîna rojê me
lêborîna rojê me ji pêrâr de
toz û tular im
gul, baxçe, keskesor, baran
mirina tavê me
jiyan hat ser hişî
hêvî dinêlin

Min xewnek heye
ji çîrokêñ hezar û şevezekê
rojek im nîvbîrîndarî
çavêñ te dibin robar
kûr dibin çavêñ te
dikulim li îstgeha ruhê te
darêñ gûzan diçinim bi ser şopêñ dojehê de
dibim gulle di sînga dayikekê de
giyanekî molotovîk dikirrim
çirûsk vedide
dilê min li hev dikeve

Min xewnek kirri

Ji gerokekî, li bin siya çiyayê gundê me. Dîjle min diguvaşt, bi dilê Ferêt bû. Bi gorra şêx û ûcaxan bikim ez ê işev zebeşan bişkînim li dijî Ferêt. Haho!... Bila dêya min bibîne bê ci penêrê helandî dikim bi qurbana wê di keştiya bajarê nûava de. Li siya xwe digerim di destêr ewrêr dilbijok de... başûr, bakur, rojhilat, rojava.

Keftûlefta bi moristanan re ye, di bin me de gencîre û li ser min ax. Û axx, tilikên min diterikin bi şîrê dêya min. Yadê, ma tu nizanî ci gurmegurma birûskan e di nava min de? Ala bêreng dikim bazin ji bo zavayê me. Zavayê me, dikuxim bi ser siya xwe de. Kaniya kuliyyên şîn li ba dikeve di ser koka zimên de. Çav-şîn, kuli-şîn ax-şîn û nizanim ci û ci-şîn. Yadê, ezmên jî rengê xwe guhert. Zebeşan dixwim li dijî Ferêt. Û ji Dîjleyê dengê bavê min bilind dibe weke ferman darekî; “Û keça min a bextreş jî reviya!..”

Min xewnek çêkir

Li ser sergoyê pişt mala me. Tiqetiqa nikilê min e. Li kurmikan digerrim, av derdikeve. Porrkurra qîza min difirre li ber sêlekên qeşmer. Porrkurrê, keziyên te dibe bafirrok li quntarê vê cihanê; awirê te rawestgeh. Li vî welatî zîz dibin dibin stran, çiya kelecanî. Deşt diqemirrin di sînorêن çavêr te de. Refen çûkan dîbarin dilê min, zîz. Rengekî keşf kir ji hemû rengan spehitir e. Porrkurra qîza min li dû qeşmeran, dilê... Rondikên spî dikim bi qurbana darêr hejîran... Ewran dikim gog, baranê berbanek.

Lê qeşmera qîza min li dû qeşmeran.

Min xewnek dît

şeveke gewr
stêrk dibûn starî di kilaman de
kul dibû kul
ûrrîna kûçîka dihat ji nava min
mişkin hogirê wî
helbestekê dibêjim
ew nifirran dike
cîhanêke nû ava dikin
ez dibêjim, hey dinyayê!!
bav û porrkurra keça xwe dikenin
û li quntarê dilê lihevketî
hêvî dinêlin

Xalê Zilfo

Wehab Mistefazade

Xalê Zilfo, bi eslê xwe Rihayî bû. Zaroktiya wî li gundekî kèleka Ferêt derbas bûbû. Li gorî vegotina wî, derûdorê ji wan re digot; “ehlê Ferêt”. Wî di heqê nasnameya xwe de, bi tenê ev zanîbû. Ne zanîbû ji kîjan eşîrê bû û ne jî ji kîjan malbatê; bi tenê zanîbû ku navê bavê wî Sileman bû û navê dêya wî jî Hewê. Ji ber ku di biçûkaniya xwe de hem bavê xwe winda kiribû, hem jî dêya xwe, loma li ber destê amojina xwe mezin bûbû, bi zextan, bi lêxistinê û bi heqaretê... Pişî demeke kurt, ji ber nedebariya li hemberî zext û lêxistinê ji destê amojinê mal terk kiribû.

Girastk
65

Yek ji hezaran diyarkerên sedemên qederê, ew ji Rihayê zorgehî rûniştina Berriya Qoserê kiribû. Her ku aciz dibû, an jî her ku xemgîn dibû, keserhilanîna wî ya “axxx dayikê!”, ligel temenê wî yêbihurî (şest sal), weke nişana lêgerîna şefqeta dayikê xuya dibû. Jiyaneke bi tena serê xwe, bi şivantî û bi kurtêlên xelkê derbasbûyî...

Xalê Zilfo, belê Xalê Zilfo. Ew xalê herkesî bû, biçûk mezin, yê herkesî... Herkesî bi vî awayî navê wî hildida. Lewra herkesî qedr û qîmeta wî dizanîbû. Xalê Zilfoyî di xortaniya xwe de li cem kîjan malbatê şivantî kiribûya, diçû li bal wan bi mehan dima, bi vî awayî, dawiya temenê xwe dibihurand.

Zemanekî, di zemanê koçeriyê de, şivantî xebateke herî di rewacê de bûye. Werzişkarên iroj çawa bin, şivan jî tiştekî wisa bûne. Li derdorê kîjan şivanê ku herî baş pez çêrandine, wan bi pereyên herî bilind şixul dîtine. Xalê Zilfo jî yek ji wan şivanê bi navûdeng bûye. Di demabihurî de, ji ber ku li bal malbata me jî xebitîbû, dihat mala me û bi mehan li bal me dima.

XXX

Xalê Zilfo xwedîyê hin taybetiyêen balkêş bû. Beriya hertiştî mirovekî zêde zêde paqij bû. Divê ev tiştekî awarte be, gava yekî ku şivantî kiribe; ango di nava ax, toz, xwêdan û bêhna pezî de mezin bûbe û tevî wê jî ewqasî qîmet bide paqijiyê. Neynikeke wî hebû, li paş neynikê jî sûretê Mistefa Kemalî. Lewra ew di eynî wextê de heyranê Mistefa Kemalî bû. Digot ku ne ji wî bûya, em dê niha di bin esareta “gawir”an de bijiyana. Radîhişt neynikê, destmala xwe ji bêrika xwe derdixist, bi destekî bi neynikê li xwe mêze dikir û bi destê din jî destmal - demeke dirêj - bi dora devê xwe dixist. Ev tevger jê re bûbû mîna tîkekê. Bi deqîqeyan dora devê xwe paqij dikir. Carinan ên dora wî ji vê tevgerê aciz dibûn û dibû niçeniça wan; lê ji ber ku guhêñ wî pirr kêm dibihîst, dengê kesên derdora wî nedîçûyê, loma wî paqijiya dora devê xwe her didomand.

Xwedê dizane, biqas ku Xalê Zilfoyî ji-pez û kûcikan hez dikir, ancax ewqasî ji însanan hez dikir. Ez bawer nakim ku heywanhezên iroj biqasî wî ji heywanan hez dîkin. Mirov dikare bibêje ku heywan dîn û îmana wî bûn. Hingê neh-deh mîhîn hebûn ku me

ew ji bo qatix xwedî dikirin. Gava ku Xalê Zilfo dihat mala me û bi mehan dima, tevî ku tukesi jê re nedigot jî ew ji ber xwe ve diçû ber wan.

Di bêrika wî de, hertim ji bo kûçikan nan peyda dibû. Şikl û şemalê wî ji kûçikan re bûbû nan. Gava ku kûçikan ew bidîta, ji ber ku wan zanîbû nan pê re hebû, direviyan pêşiyê û wan xwe diavêt hembêza wî. Bi gotineke din, ew bûbû “Zengilê Pawlow”î. Gava ku kûçik çav li reşen wî diketin, gîrrez bi devê wan diket! Wî jî xwe ji wan nediparast.

Mala me Şafî bû -ku li gorî mezhebê Şafîyan kûçik heram e- divê devê wî negihîşta kincan û gava ku bigîhişa jî pêwist bû ku ew kinc bi axa sor heft caran li avê bike-tina, da ku helal bûbûna. Ji ber vê hestiyariyê, wexta ku kûçikan ew didît û dev û zimanê xwe bi kincen wî dixistin, dêya min û pîrekên gündî lê hêrs dibûn û bi ser wî de diqîrriyan. Ji bo tiştekî din jî lê hêrs dibûn, ew jî dîsa ji bo kûçikan bû. Herçiqasî ji bo kûçikan xusûsî nan dihat pijandin jî Xalê Zilfo diçû nanê ku me dê bixwara ji telîsî didizî û dibir dida kûçikan. Ev jî dibû sebeba hêrsa dêya min.

Misilmantiya Xalê Zilfoyi jî ne mîna ya xelkê bû. Ne zanîbû eşheda xwe bianiya, ne jî zanîbû fatîhê bixwenda. Nimêja wî jî ne li gorî tu mezheban bû. Gava ku rûdinişt, da ku ji rukû'ê derbasî sicûdê bibûya, lingên wî yên bawîbûyî diçîşyan, ji ber vê êşê jî li ser nimêjê “ay ay”a wî diçû heta deriveyî xaniyî!

x x x

Xusûsiyetekê wî ya din, xwirebûna wî bû. Ligel ku di wê demê de, ew şivanê herî bi navûdeng bû û pezê ku wî biçîranda bi her awayî ji yên din cuda bû jî gellek malan ji ber ku ew yekî xwire bû, ew bi şivantî nedigirt. Rojê tenûrek nan sirf ji bo wî dihat pijandin. Wî digot, “li hêlekê pez diçêriya û li hêlekê jî min nan diavêt devê xwe, ji êvarî heta sibehê”. Li mala me mesefek hebû, hê ji zemanê koçeriyê yadîgar mabû, me ji wê mesefê re digot; “mesefa Xalê Zilfoyi” Bi hêsanî têra çar-pênc kesan xwarin diçûyê. Di zemanê şivantiyê de, ew mesef ji wî bi tenê re tiji xwarin dibû. Dîsa wî digot: “Rojekê ez li Diyarbekirê çûm aşxaneyê. Ez rûniştım, min got ji min re tirşikê bînin. Wan anî, di sêniyekê de. Min bi du-sê parîyan ew xelas kir. Dawiyê min yeka din xwest, ew jî hat, min ew jî tavilê qedand. Min bala xwe dayê ku bi wan sênişkên aşxaneyê yên biçük ez têr naxwim. Min bangî xwedîyê aşxaneyê kir û min got ku wê tepsiya tirşikê gişî ji min re bîne. Wî berê got ku nabe, gava ku min li sedema wê pirsi, hingê got ku ew bawer nake ku ez dikarim vê tirşikê gişî bixwim. Wekîdin jî ew heta êvarî, ji bo mişteriyên din jî bû. Dawiyê min ew razî kir, wî tepsiya tirşikê giş anî li ber min danî û min giş xwar!”

x x x

Ji taybetmendiyê Xalê Zilfoyi yên herî balkêş, yek jê jî baweriya wî ya li ser teknolojiya televîzyonê bû. Li gorî baweriya wî -ku ev baweriyeke gellekî xurt bû û ev bawerî bi xwe re bire heta gorrê- em çawa kesen di televîzyonê de dibînin, ew kesen di televîzyonê de jî bi vî awayî me dibînin! Tevî ku Pîra Hedoyê di vê xalê de, ne gellek zelal bû û ji bo van şikên xwe zelal bike ji kesen derdora xwe dipirsî, bê ew kesen ku di televîzyonê de derdi Kevin jî me dibînin an na; Xalê Zilfo di vê mijarê de piir zelal û ji xwe gellekî bawer bû!

Di wê wextê de, du televîzyonê Iraqê hebûn. Yekê ji wan ji Bexdayê weşana xwe dikir, ya din jî ji Kerkûkê. Ji van kanalan yekê, pişti esirî li ser tiştên xeratiyê bernameyek diweşand. Bi rastî, wensa wî li ser televîzyonê tune bû, lê wê rojê wê bernameyek bala wî dikişand. Di bernameyê de, kesekî bi birrekê dar jê dikirin. Di heman wextê de, Xalê Zilfoyi destê xwe dida ber çavên xwe û nêzî televîzyonê dibû. Wê demê, ji bo çavên mirovan, cameke mîna mîqayê li ser ekrana televîzyonê reş û spî dihat danîn.

Ji ber ku haya wî ji derizandina kêleka cama mîqa ya televîzyonê tune bû, li gorî baweriya wî, ew kesê xwediyyê birrekê, -ji qewla wî "wî bêbavê Ereb"- cama televîzyonê şikandibû. Loma di ber xwe de hey diminminand û digot; "heyla bêbavî, birrek spart camê û heta ku cam şikenand kir xirrtexir!"

Di wê demê de, darbeya 12'ê Îlonê çêbibû. Kenan Evren bajar bi bajar digeriya û mitîng çêdikirin. Agahiyên di heqê van miîngan de, nûçeyen televîzyona "TRT"ê yên destpêkê bûn. Paşayê cûntayê di wan mitîngan de, bêtir li ser mijarê dîni dipeyivî. Çunkî wî amadekirina xurtkirina senteza Tirk û İslâmê dikir. Carekê di mitîngekê de got, "em hemû lawêن Xwedê ne!" Gundiyên me pê dikenian, wan digot, "Kenan Paşa hîn nizane bê em lawê Xwedê ne; yan jî evdê wî ne!" Rojekê dîsa nûçeyek ji van nûçeyan bû. Gava ku Kenan Evren derket ser dikê, destê xwe ji beşdarêñ mitîngê re hejand, Xalê Zilfoyi jî li ber televîzyonê bi eynî awayî silav da Kenan Paşayı!

x x x

Mîna cinnê ku ji hesinî bitirse ji eskeran ditirsiya. Rojekê esker hatin gundê me, zilam ji gundi reviyabûn, ew bi tenê li gundi mabû. Esker pê re xeyidîn, jê re peyvên xerab kirin. Piştî bi rojekê ji gundi çû û ew roj û ev roj e ku me Xalê Zilfo hew dît.

Hin însan hene ku şert û mercen jiyanê herdem tiştên xweş derdixin pêş wan. Û hin jî hene ku mirov dibêje qey jiyan dijminê wan e, jiyan hertim kul û derdê wan pirr dike. Xalê Zilfo jî yek ji wan kesan bû ku jiyanê tiştekî xweş dernexistibû pêş wî. Di bihara temenê xwe de, li bal malbatekê şivantiyê dike ku çarsed-bêncsed mîhêñ wan hebûne. Ew jî mîna her xorkejî ji bo pêşeroja xwe tiştên xweş difikire. Xeyalêñ zewaca bi keçikekê re dike ku jê hez bike, zarokên wan çêbibin, bibin xwedîpere, xwedîxanî. Weke her însanî, ew jî dixwaze ku gava ne li malê be, yek li pê wî, li wî bifikire, ji bo wî endîşeyê bike, li hêviya wî be. Ev xeyalêñ han li hemberî dijwariyê şivantiyê, xwarina kurtelên xelkê û tenetiya jiyanê, jê re dibûn hêz. Bi hêviya ku ev dijwari dê rojekê biqedin, bi şev û roj di nava erdê beyar, çiya û newal, teht û zinaran de, bi hevalbendiya kûçik û kerê xwe, di berf û baranan de, bi tevahiya serweta xwe kulavê li pişta xwe, pez diçerîne. Teht jê re dibin doşek, kevir jê re dibin balif.

Şeveke biberf û baran e ku mirovan tilî di çavêñ hev re rakirina kesî kes nedidît. Di wê pûkê de, grûbek peya têne hinda wî. Ev, eşqiyayê (mehkûm) herêmê yê navdar Cemîlê Sor û hevalêñ xwe ne. Cemîlê Sor, piştî ku xwe bi naskirin dide, mîhekê jê dixwaze. Xalê Zilfoyi dibêje, "xwediyyê van mîhan baweriya xwe bi min aniye û ew emanetî min kirine. Ez xayintiyê bi emanetê nakim, ez bi destê xwe mîhê nagirim û nadim te. Ancax tu bi destê xwe ji xwe re digire, bigire bibe" Li Cemîlê Sor dibe rik, rikê xurtiyê û dibêje, "tu yê bi destê xwe mîhekê bigire û bide min" Li hemberî teva israr û gefen mehkûmê navdar; Xalê Zilfo yê ku bi saxlemî û duristiya xwe dihat nasîn, di navbera aqil û "wijdan"ê xwe de, "wijdan"ê xwe tercîh dike û xwesteka wî bi cih nayne. Li ser van minaqeşeyan peyayekî Cemîlê Sor, radihêje kevirekî, ji paşiyê de li pişta Xalê Zilfoyi dixe û wî bêhiş dixe. Dawiyê mehkûm radihêjin mîhekê û ji wir bi dûr dikevin.

Piştî vê bûyerê bi demekê, Xalê Zilfo dizewice, lê zewaca wî bê serketin diqedede. Lewra kevirê ku li pişta wî ketibû, li damara pişta wî rast hatibû û ew ji mîranî de xistibû. Jina wî piştî diyarbûna vê quşûre, wî terk dike û diçe!

A bi vî awayî, Xalê Zilfoye ku sêwî mezin bûbû -hêviya wî ya ku jiyanâ xwe bi jinekê re bikira yek û ji tenetiya heyatê xelas bibûya - li hemberî tenetiya jiyanê dîsa têk çûbû!

Xanax

Janbijan Ar

Lê belê
gurzek acizî
di nava laşê min ï nîvmirî de
tim
cîrît
diavêje
dikerrixim
bêhna mirinê tê ji min
dîmeneke dîn im
di navbera sed delodînên rewâl de bîst li min ket
xwe bi ci bişom?
di jiyana min a melankolîk de sê segbavêñ tim çil û sê çar salî
geh ew min (ve)dixwin
û geh jî ez
berî wan bixwim dibelqitîm
ci bikim
girêkên ji gerîdeyan digindirin
bê sedem xwe li hawîrdorê şaneyêñ min direşînin
dilop dilop dadiwerivim
(Di kerrika guhê min ê kongitî de
resîtala çingîniyeke bêakort
qîrreqîrra aciziyêñ min bi tenorî dibile
mixabîn
dengê (aramiya) dilê min ketiye
û kerr e
di kerrika guhê min de)
Sedem...
Sedem ne tukes e
Ji nexweşîna cisnê bavê min ï xeddar e
aqilê min diqerriime di bin vî serbarî de
fîkrêñ min ên bi fikar jî li hemana ne
di demeke pirr nêz de
dêêê teqezez xwekuştinekê pêk bîne

Lê belê ji panzdeh saliya min ve ye
mejiyê min du qet
siya min sê qet tê şopandin
ez mîratekî ji-bavê-xwe-mayî
di heman demê de qeda qederê
û toqa lehnetê me di stûyê xwe de

Girrê Xwedê Bajar Mîrzeman

Xweda, di sibehcke ku ne Wî afirandibû de têk çû...

Û Wî ahd kir...

Ew sibeha ku ji pirtûkên pîroz hate xerritandin di genê mirovahiyê de ricifî û xwe berra şikefta mejîyê cenînan da. Ji wê rojê de bû ku ji xezebeke ezmanî dihate tirsandan û hevz mabû di paxila Wî de. Heta ku ew roj hat û Wî girrê xwe yê ku bi salan tûjbûyî di çavê mirovahiyê de paqij kir ji paxila Wî bi bergerên hevz-xwezan tiji bû. Lê nebû...

Di dîrokê de êvarek qemer bû. Bayê ku ji hawirdor bi tengala çivîkan diket û rûyê bilindahiyan dialast hênkayiyeke bertavî dimalt di pêsiya xwe de. Dar û gihayên serbilind kurm û kêzik dihejandin di hêlekanên hembêzên xwe de. Çemekî ku ji çûneke surgûnî re pêl dikeland di herikîneke xwezayî de ji ser hişê xwe çûbû. Berê surgûniyên belengaz jixweber li berê dizîvirrî. Ew berêya ku berî xwîn birije çavan. Ew berêya ku kesekî qasid nedîşand ji kesekî re. Lê dem ji çûnekê re li zengilî dixist û dereng-mayîn ji xerabiyen re nefsek bû.

“Bimeşin!” gotibû ser-surgûnî di êvarek neşûştî de.

“Bimeşin! seriyên ku bizîvirrin ew ê bicemidin.”

Lingên gellek bedenên westiyayî li gavan leqîyabûn û çemê ku wan li kêleka xwe kiribû sînor xera kiribûn û meşiyabûn. Meşiyabûn lê yek ji wan mabû di binê konî de. Ji êvar de mîvanek vewwendibû û deng ji wî derneketibû. Çawa ku meraqa nehatina wî gavêwan paşpaşkî nikilandibû, tîrsa vegevê ji werê çûna wan qurrîncok kiribû û şopandina rê bi ser xistibû. Meşiyabûn bêyî ku li xwe bizîvirrin lê di bêhnvedana ewil de mabûn sekinî. Kon hîn li dar bû.

Di binê konî de ji germahiya bedenên sincirî ax birijîbû. Dilopên xwêdanê yênu ku ji eniyan diniqutîn bi gîhîstina erdê re dibûn peçilk û dipeqîyan. Dest li navan hatibûn

jidandin û hêz giş ji xistinekê re dihate serrifandin. Lê nedibû. Çi zexeliyên ku di navê de hatibûn afirandin ji êvar de hatibûn cerribandin, dîsa ji nedibû. Pişt ji erdê re cit dima. Hêza ku hêdî hêdî ji masûlkeyan dikişiya di mejiyên fennok de finasên veşartî bi ser piyan dixistin û hêteke sor bi derbeke mîrkutî re ji cih derdiket. (Wê kêlikê qewmekî dest bi kulandinê dikir.) Lê careke din nebûbû. Pêlewanê derbxwarî bi kulekiyeke qelew li ser lingan bû. Zelaliya destê sibehê bi giraniyeke mêsînî eceleya mîvanî diquraft. Bi ser de ji tirsa hilatina rojê li zimanê Wî xistibû û “Bes!” gotibû.

“Bes! Va ye roj hiltê berde ez herim.”

Berdan, windakirin bû. Zanibû yê ku ji hêta xwe bi êş. “Na” gotibû bi giranbûna ku ji kulê hedimîbû ser zimanê wî.

“Min bipîrozîne. Yan na ez te bernadim.”

Di tateloka roniyeke nenas de çavên mîvanî biriqîbûn û dinya li ber çavên wî winda bûbû. Ji tîrojên rojê tûjtir peyva “Min tu pîrozandî!” kişiyabû ji kalanê mîvanî û çûbû. Bi çûna Wî re ji rojek cara ewil bû ku bêxwedî hildihat.

Mîvanî wê kêlikê ahd kiribû...

Gîrashk
70

Piştî wê rojê û bi gellek rojan, di dîrokê de şeveke bibirrek bû. Gunehên ku li ser zimanen xirrek bûbûn di nav xelekên spiyahiya porrê pîrekî de li hev digerîyan. Li hawirdor tenahiya tirsek pelçiqî û veşartoka nêrinên xeniqî çîrrifit diavêt. Bayekî ku ji germahiya havînî kedîkirî di serê wê payîza hetikî de bêfedî digindirî. Bajarek di xew de bû, bêyî ku palikên çavên wî bi hevdu şâ bibûna. Di bêdengiya demeke qur-fok de giraniyeke ezmanî esirandibû sînga bajarî. Çivîkên lûsiyayî ji hêlinên xwe ter-riqîbûn. Qumbilên ku xwe ji biharê re dermale dikirin bi cizbê ketibûn û çinareke ku bi serfirazî digot ez li vir im bi bivirekî zengarî ji kokê de hatibû serjêkirin. Bi ketina çinarê re birîneke reş vebûbû di dîrokê de. Lê dilekî ku ji sedsalan û bi vir de bi agirê heyfî dişewitî, bi bilindbûna Xwe ya ezmanan ve ditefiya.

Û heyf hatibû hilanîn...

Ji wê rojê û bi vir de ji kolanên wî bajarê ku Xwedê heyfa xwe lê hilanî, û bi ser welitekî winda de, dengekî qedîm olan dide û dibêje...


“Ooooooy Xwedê êdî bes e looooo!...”

Li Ser Wêjeyê bi Nivîskar Ferhad Pîrbal'î re Hevpeyvînek

Hevpeyvîn: Kejo Bajâr

Kejo Bajâr: Ezbenî weke ku tu jî baş pê dizanî her nivîskarek destpêkeke wî heye. Ser meselê Kavabata Yasunari'yê Japonî detspêka nivîsîna xwe weha bi lêv dike. Ji ber ku çavêن bapîrê min nedidîtin min ew derdixist gerrê û min çi bidîta jê re digot. Min ji bela çavêن bapîrê xwe yê kor dest bi nivîskariyê kiriye. Gelo çîroka destpêka nivîsîna Ferhad Pîrbal'î çawa ye?

Ferhad Pîrbal: Min çîma dest pê kir? Min wexta ku dest bi nivîskariyê kir, wexta min têkilî bi nivîskariyê re danî ez ciwan bûm. Ez dora 13-14 salî wan bûm. Pewêndiya nivîsê bi zarokatiya min re heye. Ez tenê bûm, ez dûrperst bûm, ez ji xelkê dûr bûm, kêfa min ji tenêtiyê re dihat, min nekaribû ku ez biçûma nav xelkê, nav zarokan, rola vê yekê di destpêkê de hebû. Min xwest ku ez tiştekî bikim da ku ez nêzîkî xwe bibim, karibim xwe mijûl bikim û min dixwest ku tiştekî bikim ku alternatifek be ji bo jiyanê. Min nikaribû di nava hevalên xwe de normal bim. Nivîsin ji bo min rîgeheke rizgar-bûnê bû.



-Tesîrên politîk tê de hebûn?

-Na, di detspêkê de tesîra politikayê di nivîsîna min de tune bû. Lê ez wisa difi-kirim ku pêwendîya nivîsinê bi zarokati-ya min ve heye. Ü paşê min weke quma-rê, weke vexwarina araqê, ez tûj bûm, niha jî ez nikarim dev jê berdim. Nivîsin jî bo min tiryak e.

-Ezbenî pergala te ya nivîsinê çawa ye? Periyodîk e yan na?

-Na, nivîsîna min bi rîya metodolojiyê nameşe. Ez di nivîsinê de akademîk naxebitim, jixwe ez li Hewlerê weke akademîsyenekî dixebeitim, nivîsinên min ên akademîk jî pirr in, ew tiştek e. Lê nivîsi-na çîrokên min, helbestên min, romanên min lenakawdit, li pir dê, yanî ne metodolojîk e. Fikrek, îmajek, rûdawek, wêne-yek, tiştek tê xeyala min, ez zû qeyd dikim, lê piştî hefteyeke din dest bi nivî-sîna wê dikim.

-Ezbenî tu li derive mayî?

-Erê ji mecbûrî li derive mame. Şerr bû, ceng bû, şerrî Iraq û Iranê bû. Ez ji Iraqê derbasî Iranê bûm, paşê ez gihiştîm Almanyayê. Du salan ez li Danmarkayê mam, piştî Danmarkayê ez çûm Fransayê, ez heşt salan li wir mam, min master û doktoraya xwe li Fransayê kir, di sala 1995'an de Saddam hilweişa, Kurdistan azad bûbû, ez vegeriyam Hewlêre û min li unîwesîteya Hewlerê dest bi karî kir.


-Heke ku ez xwe têxim şûna “Kurdo”yê ku di çîroka “Perawezêن Ewropayê” de û ez bipirsim gelo derfet û dezawantajên müşextî an penaberiyê ci ne?

-Hemû tişt ji bo nivîskêr ji bo huner-mênd dibe derfet. Dewlemendî, feqîrî, xoşewîstî, mehrûmbûna ji xoşewîstiyê, hemû tişt divê di mejiyê hunermendî de bibe derfetek ji bo duristkirina berhem-eke bedew, bibe hunereke ciwan (bedew).

Guneh, cerîme (qetl), kuştin, herb, divê hunermend van hemû tiştan karibe bike derfet, divê hunermend heya qetl û gunehan jî karibe bike huner, bike edeb, bike film, bike tablo, bike roman. Penaberiya min a 8 salan jî min re bûye hunerek, min ew kir hunerek. Min ji penaberiyê istifa-de wergirt lê tiştekî din jî heye; penaberî ne tiştekî nuh e, ji ber ku insanên Kurd li Tirkîyê weke penaberan dijîn, insanên Kurd li Iranê, li Iraqê, li Sûriyê bi xwe penaber in. Yanî jiyana penabêriya Ewropayê ne tiştekî nuh e. Jixwe Kurd li welatê xwe bi xwe penaber dijî bavo! Ne mektebeke wan heye, ne navendeke wan heye, ne unîwersîte... hetta li Sûriyê cin-seyata (nasname-nav) wan jî tune ye. Kurd li welatê xwe jî penaber in, li Ewropayê jî penaber in. Lê ji hunermen-dî re tişte girîng ew e ku karibe hertişte xwe bike buhayeke (qîmeteke) hunerî. Wacibê hunermendî ev e ku çawa karibe her newaya jiyanê têxe nava hunerê. Tu li ku bî ne girîng e. Kurd li Başqaleyê jî bedbext e, insanê Kurd li Afrînê jî maz-lûm e, li Mehabadê jî insanekî guneh e, bindest e, heqê wî hatiye xwarin, li Awûsturyayê jî weha ye. Lê ferqek heye, li Kopengahê insanekî Kurd dikare bike hawar û bibêje; “bijî welat û hew”

-Rola Mela Mehmûdê Bazidî di çîroknivîsiya Kurdi de ci ye?

-Nirxê wî ev e. Mela Mehmûdê Bazidî yekem çîroknivîsê Kurd e. Çil çîrok. Yek na, dudu na, sî na, wî bi Kurmancî tam cil çîrok nivîsine. Her cil çîrok di heman salê de nivîsîne û ligel Aleksandr Jaba'yî ew wergerandine Fransî. Kurdologê ku bi eslê xwe Polonî li Erzuromê konsulê Rûsyayê bû. Mela Mehmûd, di 1856'an de yekem pexşannivîsê Kurd e. Di warê çîroknivîsiya min de tu tesîr li min neki-riye. Lê ji bo tarîxa Kurdan ew ji milletê min re girîng e. Min bi xwe destnivîsên wî li Parîsê peyda kirin. Min kitêbek li ser wî nivîsiye. Ez du salan li ser Mela



Cirtek
73

www.cirtek.com.tr

Mehmûdê Bazidî xebitîme. Ev porrê min ji ber wî spî bûye. Lê tu tesîreke wî li çiroknûsiya min çênebûye. Ez du salan li ser xebitîm ku Kurd zanibin tarîxeke wan heye, tarîxeke wêjeya wan heye, ji bo ku ez ji milletan re bibêjim ku edebiyateke me heye. Ji bo ku ez ji dînyayê re bibêjim ku Kurd ne milletekî gavan e. Ë me ji tarîxeke me hebûye, wêjeyeke me hebûye, Melleyên me hebûne ku însanên mezin bûne û bi Kurdi nivîsandine. Heke ji sala 1923'yan û bi vir de li Kurdistana Tirkîyê 100 çîrok çap bûbûn, wî cil çîrok di salekê de bi Kurmancî nivîsandine.

-Di navbêra Mela Mehmûdê Bazidî û Fuat Temo'yî de 60 sal derbas dibe. Gelo ji hêla wextê ve di Soranî de ji şikestineke weha heye?

-Di Soranî de çîrok di sala 1920'an de dest pê dike. Lê ez naxwazim ku bersivê bidim pirsên bi vî rengî. Soranî, Kurmancî na. Çi Soran, çi Kurmanc giş yek in.

-Ew du salên ku tu li ser Mela Mehmûdê Bazidî xebitî te çi tiştên seyr tê de dîtin?

-Pirraniya çîrokên Mela Mehmûdê Bazidî folklorik in. Lê îhtimal e ku hinek ji wan folklorik nebin. Folklorik çi ye? Çîrokên ku bapîr bi wan dizanin folkrok in. Beşek ji wan cil çîrokan ne wisa ne. Ew fiktif in. Wî bi xwe ew çêkirine. Ji wan çîrokan 10-12 heb bi xeyalsaziya wî hatine nivîsin. Yek ji wan çîrokan behsa hêşirekî Fransewî dike. Hêşirekî Fransewî li cem mîrekî Kurdan girtî ye.

-Gelo haya Mela'yî ji wêjeya dinya-yê ya wê çaxê hebûye?

-Mela Mehmûdê Bazidî bi Erebî, Farisî, Kurdî û Tirkî zanîbûye. Melle bûye. Wexta ku melle bûye ev tê vê mehneyê ku xwedî kultureke klasîk bûye. Lê ligel ew bi xwe melle bûye jî, ew destnîvîsên wî, dînî nebûne. Ew destnîvîsên wî,

xwedî girîngiyeke etnografîk û sosyolojîk in. Mesele dibêje ku di nava Ekradan (Kurdan) de Tirkînivîsin nayê qebûlkirin. Pirraniya Ekradan bi Farisî dinivîsin. Yanî wê çaxê di 1856'an de zimanê fermî yê Osmaniyan Farisî bûye. Şerefjanê Bedlîsî jî 300 sal berê jî "Şerefname" ya xwe bi Farisî nivîsiye. Yanî Mela Mehmûdî li xwe dananiye ku bi Tirkî binivîne.

-Têkiliya "Çolistan" û ironiyê çi ye?

-Wexta ku min "Çolistan" dinivîsî min hay ji ironiya wê tune bû. Lê paşê ez jê haydar bûm ku çîrokên min ironîk in.

-Ferhad Pîrbal ji kîjan xwarinê, ji kîjan muzîkê, ji kîjan filmî û ji kîjan filozofî hez dike?

-EZ ji pirtûkekê hez dikim ku fîkrê min biguherîne. Ji çiroknîsân "Mûrakamî Yabaniyan", ji filman "Fellînî", wexta ku jîneke çak di ber min re derbas bibe ez newêrim lê temaşe bikim ji ber ku ez ji jîna xwe ditirsim. Lê di qestan pirtûkan de ev rast e. Ji filozofan "Zîzek", ji muzîkjenan "Jacques Brel", wexta ku ez li "Jacques Brel"î guhdarî bikim ez dikarim leşkerekî biku-jim. Ji xwarinan jî ez ji "kortik" an (dolme) hez dikim.

FERHAD PÎRBAL: Di sala 1961'ê de li Hewlêrê hatîye dînyayê. Di 1983'an de li "Zanineha Selahaddin" ê beşa "Ziman û Wêjeya Kurdi" temam kir. Di 1986'an de derket derveyî welêt. Li Parisê, li "Universiteya Sorbonne" ê "Wêjeya Kurdi" (îrannasî) xwend. Pişî salên '90'î vegeriya Kurdistanê. Li Hewlêrê dezgeha çandî, "Mala Şerefjanê Bedlîsî" ava kir û rêveberiya wê didomîne.

Cend kitêbên wî:

- Mal Ava Ey Welatê Min (şano, 1984)
- Sibeha Te Bi Xêr Ey Xerîbi (şano, 1988)
- Exil (helbest, 1994)
- Serçavekanî Kurdistan (lêkolîn, 1998)
- Wêneyê Kurd ji Arşîva Kurdnasên Ewropî (lêkolîn, 1999)
- Manifestoya Duwem i Wêran Spiyên Nav Reş - Reşen Nav Spi (helbest, 1999)
- Zêrê Nav Zibil (wergera nivîsên rojhîlatnasان li ser kurdan, ji fransî werger, 1999)
- Incil di Diroka Edebiyata Kurdî de (lêkolîn, 1999)
- Cudahî (Tevî neh Şairê Hewlerî, 1999)
- Petatxurekan (çîrok, 2000)

Medos û Maçên Mítolojîk

Cîhan Roj

Dîroka me ya ku nehatiye nivisîn îroj ji gellek hêlan ve dest û ling li me girêdane; serdestêne got, hûn tune ne, me got em hene. Wan got, hûn hene lê tu tişta aydî we nîn e, me got, em neviyêن Hûrî û Medan in.

Her wext me hewl da ku em bersivê bidin pirsên wan, lê me bes pirs ji xwe nekir. Baş e ku roja îroj em pirsan hem ji xwe dikin, hem ji wan û hem jî ji hertiştî. Bi tevî gavêن biçûk mixabin warê dîrokê hê jî di çarçoveya dirûşme û bilêvkirina çend ras-tiyêن dîrokî de maye.

Cîhan Roj

75

Ev bi tenê ne di warê dîrokê de, di warê edebiyatê de jî rastiya gerînekekê ye xwe li me dide der; ji sedeman yek jê jî ew e ku rehêن kûr ên edebiyat, bawerî, efsane û nexşen dîrokî yên edebiyata me ya devkî nehat şirovekirin.

Ji bo ku ji edebiyatekê re bibe moral qey "Boraboz" bi tena serê xwe ne bes e? Ji moralê madetir bingeh e jî; helbet bi helbesta Boraboz'î re gerek e ku em karibin wê dewr û dewranê tê bigihîjin.

Gelo lêkolînerek bi dû bikeve û hewl bide bê ka ci bandora baweriya Zerdeşî li edebiyata Kurd heye, wê karibe ci bi dest bixe? Ji alî têkiliyê edebî ve ci têkîlî bi "Mishefa Res" re hene; hatiye şirovekirin an jî di têma û hêmayan de têkiliyek xwe dide der? Hê Gellek rastî hene ku bila bimînin li dera han.

Efsane û bawerî, an şiroveyêن xurt in an xeyalêن xurt û rengîn in an jî bi awayekî desîse ne ji bo têkiliyê çandî. Di pirtûka Orhan Hançerlioglu'yî ya bi navê "Ferhenga baweriyêن Dinyayê" de kana bi sernavê Medos'î weha hatiye lêkirin:

"Medos. (Yewnan) Lawê Medeia'ya ku Medeia dapîra Medan tê hesibandin... Medos lawê Medeia'yê ye ku ji Qralê Atînayê Aîgesus'î çêbûye.

Li gorî vegotinekê piştî ku İason Medeia'yê berdide Medeia bi Aîgeus'î re zewi-ciye. Di vegotineke din de jî tê derkirin ku têkiliyeke cinsî di navbera Alphesîboâ û şêrekê de qewimiye, lawek çêbûye û navê lawikî "Medos" e. Ev herdu şexsiyetên mítolojîk cûda ne. Lê tê gotin ku herdu şexsiyet jî bapîrên Medan in."

Ev agahî, weke xwendevan be jî, bes e da ku em karibin gellek pirs û şiroveyan bikin. Yek, Medos weke lawê Alphesiboâ û şêrê tê derkirin. Ya din jî Medos weke lawê Medeia û Qralê Atînayê tê derkirin. Di baweriyek din de jî Medeia weke sêrbazekê tê binavkirin. Weke keça Aîtetes hatiye nasandin. Dil daye İasonê Argonautî.

Ev agahiyên mîtî dîbin sedem ku em pirsa xwe wisa der bikin; gelo ji bo çi di nav baweriyen Yewnanî de baweriyen wisa hene? Heger ev bawerî di nav çanda Kurd de hebûna însan karibû şirove bikira ku ji ber rewşa Grekiyan a wan deman ku geş bû Kurdan jî bi rîya efsane û baweriyen xwestiye ku têkiliyekê derbibin lê ew bawerî û efsane di wextê di nav çanda Yewnanî de pêk hatibin wê çaxê em ê karibin bêjin ku ji ber rewşa Medan a wan deman ku geş bûye Yewnaniyan xwestiye ku bi wî awayî têkiliyekê der bibin. Ji derî van, pirsa sêyem ev e, gelo çi têkiliyên Grekî û Medan hebûne? Heger bersiva van pirsan neyê dayîn jî însan bi dilrehetî dikare bêje ku pireke çandî hebûye. Belê rastî ev e ku bandora Hûrî û Medan li ser Grekiyan hebûye. Kerem bikin referanseke din: Di "National Geographic" a Tirkî di hejmara Rêbendana du hezar û şesan de ev agahî heye:

"Efsaneyî Kumarbî ku ji edebiyata Hüriyan hatiye girtin di hin çavkaniyan de bandor li nivîskarên Yewnanî kiriye."

Beyî lêkolînên kûr, li ber destî gellek çavkanî hene ku bi awayekî dikarin şibakeyê li me vekin, rî bidin şiroveyan. Li vir mebest ne ew e ku em bi tenê edebiyata xwe di nav çarçoveya efsane, rabirdû û çanda devkî de bifikirin an jî bi nav bikin; bereva jî vê, bi şiroveya wan berheman re wê edebiyata me di zûtîrin demê de di qada modernîzmê de bibe xwedî nasname. Di serî de ji alî ziman û awayên derbirînê de wê xwe-serî xwe bidin der.

Ka em ji efsane û baweriyen dîsa li roja xwe ya niha vegezin. Ji bo vê hejmara kovarê du helbestên min hene.

HIS E RENGÊ JIYANÊ

Te di neynikêñ şîn de dibînim
Şevêñ çiksayıñ yêñ cilê zivistanê
Şînê ezmêñ neynika min e

Di peyvan de te dibînim
Peyvîñ ji bo herkesî kartî
Li ser zimanê te terr

Axx, dibêje dilê min, di kêliyên têkçûyînan de
Axx xwezî min ewqasî nenasîya
min reng ewqasî his nekiribûya
ji peyvan neynik çênekiribûya

baş e ku kêliyên têkçûyînen min parce ji ewrêñ havînê ne
dişibin axîneke temenkurt

baş e, dibêje dilê min
neynika min şînahiya ezmên e
pevv zimanê neynika min in
dizanim iñsan zor te tê digihîje
iñsan çiqasî te dixwîne tu zimanekî diyar dikî

his
tu bi vê dizanî
wexta ku tu kenênen temenkurt diyarî berf û baranê dikî¹
ewr reng diguherin

his bi hezkirina te re qedîfeyî ye
heger bihata zanîn....
Dizanim
Xwezî min nizanibûya
Dizanim
Heger bihata zanîn...

NEWAYA KELEKVANEKÊ

Ez nizanim, nizanim ji bo kenê te helbestê lê bikim
Ji bo çavêne te an ji bo gerdana te
Çend kerî helbest divê ji bo sohbeta te
Kîjan pevv sivik dimînin
Kîjan pevv dikevin halê silavêne te

Min ne hêşirêne te yên zarokane ji bîr kirin
Ne jî tîna nihêrinêne te
Rengek heye di vê helbestê de
Dengek heye di vê helbestê de
Ez dizanim ku hew ez dikarim bibînim
Hew ez dikarim bibihîzim
Va ye tu di vê helbestê de diaxivî
Dimeşî
Bûyî helbesteke ji-dilê-xwe
Maçen mîtolojîk bi bîra min tînî

Ez ketime halê bêdengiya masîvanekî
Bi tevî keleka xwe tu mayî li ser dilê min
Ne ji te tê ku tu xwe li pêlan bigirî
Ne jî ji min tê ku ez dengekî bi xwe bixim
Ev e, ev helbest pêl e ji bo keleka te
Bila dengê dilê min her bimîne ji bo kilamekê
Newaya kelekvanekê bûye navê vê helbestê

Anatomiya Aciziyekê

Rojîn Xewn

"Ev dinya dikare hertişten me ji me bistîne. Dikare hertişti li me qedexe bike, lê ew ê hêza tukesî negihije xwetunekirina me."

E. M. Cioran

Ev bûye du roj e ku ez ji malê xeyidî me. Min û bavê xwe pevçinibû. Wî herdu destên xwe xistibûn beskurka min, sê pişkokê gumlekê min qetandibûn, bi hêrs wî herdu destên xwe li qirrika min jidandibûn û bêhn li min çikandibû. Min bi herdu zen-dêñ wî digirt û ji bo ku xwe ji nav lepêñ wî xelas bikim û ez biteriqim ku tekiliya ku di navbera me ya ku li ser sextekariyê hatibû avakirin biqete. Herku min xwe bi vir de û bi wê de dibir, hêrsa wî ya li hemberî min gurrir dibû. Sixêfêñ ku ji min re didan rehmetiya dêya min jî ji wan sixêfan para xwe distend, rebenê ji ber bavê min xér ji emrê xwe nedîtibû, xér ji min jî nedît, bi kul û xeman heyâ serê xwe danibû ser gorra rehmetê. Hîn jî ji ber gotinêñ bavê min, bi rehetî di gorra xwe de jî nastre. Piştî çar zik zarok ez jê welidibûm. Di zayîna welidandina min de, di gundî de du malbatan mîr ji hev kuştibûn, min bi xwînê çavêñ xwe vekiribûn û ez çêbibûm xwîn rijiabû, ên ku ji hev kuştibûn ji xwîna dêya min bûn, ji xwîna min jî bûn. Ji ber sancûyêñ zayî-nê navkutk dida dêya min ku niqrisk ji qîrrînê wê dipekiyan. Hechecîkêñ ku hêlinâ xwe ya di ber beştan de çêkiribûn hêkêñ wan ji ber wan qîrrînan derizibûn. Ji pênc hêkan, çêlikek jê di nava qalikê xwe de fetisî bû. Dengêñ teqînê ketibû guhêñ dêya min, ji ber dengêñ wê teqînê velîstibû, ji êş û kerban porrê xwe kişandibû û herdu ali-yêñ rûyêñ xwe bi neynûkêñ xwe yên ku ax di ber wan de pê qelaştibû. Di welidandina min de, dêya min şîn danî bû ku ew malzaroka ez jê şemîtibûm min nexweşî tê de çandibû. Min û çêlikêñ hechecîkan çavêñ xwe bi hev re vekiribûn. Ez jî bibûm ji qew-mîn hechecîkan, qetla min heram bûbû. Xwezî çarenûsa min, weke çêlikek hechecîkê ya ku di qalikê xwe de fetisî bûya. Çûyîn weke tayêñ perrikan di mûyêñ canê min de şîn bibûn. Ez bibûm ji qewmîn hechecîkan doşeka min a zaroktiyê ji pûşê qermê bû. Ew pîrika hanê, min û dêya min ji hev xelas kiribû, bi neynûka xwe bêhemdî qirrika min çelitandibû. Qirrika min birîn bûbû, di qirrika min de herdu destên bavê min, bîra-nînêñ min di nav destên wî de birîn dibûn.

Yaboo! Bila tu ji nav yaboyan rabe ku ariya te jî li ser rûyê axê nemîne! Ez sêwiye demê bûm ku ez bi bêrikirina kula dêya xwe mezîn bibûm. Ci tiştêñ ku wê dêya min di bîra min de bînin, te di hundirê dilê min de hedimandibûn. Tu bavekî bêrehm bûyi, biqasî misqalê zerre te ji hezkirinê û dilpakiyê tişt nestendibû. Te rojekê destên xwe di serê min de neda û di nexweşiyêñ min de tu li ber serê min rûneniştî. Qermîçekêñ di eniya te de gava ku dihatin ser hevdu, te li tutîşti guhdarî nedikir. Ci bihata ber devê te, ji bo min te texsîr nedikir. Tu bavê min bûyi, tu bav bûyi ji ber kompleksa te ya bavtiyê ruhê min ji te diçû. Ji bilî kîrê xwe, tu tiştékî ku ji bo ku tu xwe pê bipesinînî

tune bû. Ji ber ku ez jî ji wî kîrî bûm ku ruhê min ji min jî diçû. Ku ew avika te ya ku te berra hundirê malzaroka dêya min dabû ji bo ku ez çêbibim xwezî bixenziriya û ez çênebûma, tu berpirsiyarê nexweşî û êşen min ên jiyanê bûyî; hertiş, herder, her alav ku tiştên û kesên bêhna kirdeyan, birêseran jê bê mez êsandime. Ez êşıya me ku ez ê êşen xwe gişî di çavêne de derxim.

Ez niha tikitenê me ku ez nizanim ku ez ê berê xwe bi ku ve bikim. Kesên ku min li pey xwe hiştine ji bilî xwişka xwe li ber tukesî nakevim. Ez û birayên xwe yê mezin weke dik û mirîşkan wer li benda hevdu bûn ku min û bavê xwe bi peyvan rahişa hevdu wan jî hevaltiya bavê min dikir. Ji ber ku ew ji pişta bavê xwe bûn ku wan bi derewan ji wî re xweş dikir. Tariya ku xwe berra erdê daye hundirê min jî bi xwe re reş kiriye, ez dibêjim qey tu avahiyê hundirê min nemanc ku bi ser hevdu de xera nebûne, hundirê min bûye weke odayeke vikîvala. Sewta xwişka min ku ji bo ez nerim li pey min qîrriyabû, dengê wê qîrrinê weke zingîniyekê ji ber guhêñ min dihat. Ew ez dizanim ku tîna canê min heye û dest û lingêñ min dilivin. Yênu ku çav li rûyê min bikevin ew ê bêjin ku ev ji nav miriyan rabûye. Nizanin ku min û bavê xwe me caba hev daye. Ku ji bo rojekê ez venegerim, min dar ji kokê de birriye.

Cihê ku ez jî xwe re çarmêrkî lê rûniştibûm parqeke li xewleyê bajêr bû. Ji bilî min çar-penc zilam li ser kursiyan, li dora maseyekê civiyabûn. Ji bilindbûna dengêñ wan xuya dikir ku di derheqê mijarekê de li hev nakin. Du heb jê, weke kûçikêñ ku tu darî di devêñ wan de rake hindik mabû rapelikiyana ser çavêñ hevdu, yê ku berê wî bi min de bû ku ji biriqandina şewqa heyvê, ci li ser rûyê wî hebûya ji min ve xuya dikir. Ji ber ku bi heraret dipeyivî kefa tûka wî bi ser devê wî diket. Ji mirrûzê wî xuya bû ku ew jî bav bû. Bavekî weke yê min bû ku heyfa şewqa heyvê xwe li ser wî rûyî danîbû. Heger rûyê mirovî karaktera wî vedibêje yê viya hanê jî weke yê bavê min, wê xêr di rûyê wî de tune be. Ez pê dernaxim bê ev çend saet in ku ez li vir runiştîme ku ez hew dikarim bîra demê jî bibim. Ji tevizandina laşî û kulîmekêñ xwe ku ez pê derdixim, demeke dirêj bûye ez li vir runiştîme ku divê ez hinekî li ser xwe biggerim ku qene tevizandina canê min ji ser min here; lê mixabin dikim nakim pêvçûna min û ya bavê min ji hişê min naçe, weke bargiraniyekê her dihere barê bîra min girantir dike.

Çenteyê ku min bi xwe re anîbû min avêtibû ser milêñ xwe, bi gavêñ sistik û derizî min berra dû siya şevê dabû; ronkaya heyvê bajar şilfitazî kiribû ku heyâ kûçik û pisîkêñ bajêr jî herkes pê hisandibû ku ez xerîbê vî bajarî me. Naskirina min û ya vî bajarî cara yekem bû ku tu serpêhatiyêñ me bi hev re çênebibûn, sedama ku min xwe li vir girtibû min nedixwest ku ez li rûyekî nas biqelibim ku ji bo herkes ji min re li vir xerîb in. Min dixwest ku ez li kolanêñ bajêr gişî biggerim û heyâ piçikek deng di min de hebe biqîrrim û bibêjim ez dixwazim ku bavê xwe bikujim ku ew di zaroktiya min de li kuştina min digeriya. Berî ku ez wî bikujim ez ê bi herdu tiliyêñ xwe çavêñ wî birjînim ku tola xwe û ya dêya xwe di çavêñ wî de derxim. Siya ku min berra dû dabû hêdî hêdî winda dibû, ez winda bibûm ku min xwe winda kiribû. Siya min di xewna min de çavêñ bavê min winda kiribûn. Min nedixwest ku êdî di xilmaşıya xwe de jî çav li çavêñ wî bikevim ku nêrînêñ wî tirseke xof berra nav dilê min dida.

Bi dengê azana melleyê sibehê re, di xewê de ji nişkan ve ez veciniqîbûm ku hêdî hêdî pêlén ronkayıyê bi xwe re rengê şevê zelal dikir, ji bilî min reşen tukesî xuya nedikir li derderê. Şînkayıya ku min xwe li ser vezelandibû ji ber rewa di bin de ku ew êşa di êvar de ketibû kulîmekê min li xwe zêde kiribû. Çend quriş pereyê ku ji eceleyan min ji bêrîka bavê xwe derxistibû ançax têra xwarina min bikira ku min nikarîbû bi wî pereyî ji xwe re pê li otelekê jî razama. Carekê pêdiviyeke min ji pereyan

çêbibûya heya ku çend wereqe dida min çavê min derdixist bavê min. Ji pereyê xwe pirr hez dikir ku nedayîna pereyan ji xwe re kiribû tebh, kîjan cara hinekan pere jê bixwesta, berê xwe dida camiyê û bi wê sond dixwar. Qenciya wî zû bi zû nedigihîst mirovan, cihê ku ew lê bûya, navê qencyî di ferhenga wî de derbas nedibû ku ez li cem wî bûma gava ku ji hinekan re bigota na, min rûyê xwe ji ber naya wî diguhert. Pere, ji bo wî weke dînî bû, jixwe ji bilî herduyan ji tukesî re nedibû, li ser wan herduyan direelî ku li gorî feraseta wî li vê dinyayê pere, li dinya din jî wê dînî ew xelas bikira. Hişmendiya wî li ser berjewendiyê hatibû avakirin ku menfaetperestekî dera hanê bû. Di gündî de çend kesên weke wî xwe li civata wî digirtin ku fêdeya wî li wan jî nedihat. Yênu ku dihatin cem wî, di tûrikên wan de ilûmê fesadiyê tucarî kêm nedibû. Bavê min jî di nav de ku yênu weke wan dîn û imana wan gellacî bû. Di çêbûna min de tiştê ku xelkê digot di wê teqînê de tiliya bavê min jî tê de hebû.

Aramiya bajêr bi dengê şîrrîna avê xera bûbû. Zilamekî ku emrê wî li dora çîlî xer-tûma ji tankêra avê dihat li pey xwe dikişkişand û bi wê avê pê dar û şînkayiya kêlek-kên rê av dida ku tiliya xwe ya mezin a destêr datanî ser devê xertûmê weke sivrikan, ji bo ku av ji devê wê bipijiqe û dora xwe gişî şîl bike. Dengê wê şîrrînê, mîza ku di mîzoka min de gewimîbû har kiribû, ji bo ku ez bi xwe de nemîzim min dev lîvîn xwe dikir. Qene mekîneya wan hinekî ji min dûr biketa min ê ji xwe re li ber darekê bel bikira, lê mixabin her ber bi min ve dihatin, yê ku xertûm di destî de, ji bo ku bi min re biaxive bi lezgînî teql li xertûmê dixist. Berê ez ji ruhê xwe aciz bibûm, ji min nedihat ku ez silavê jî lê bikim. Bi zimanekî biyanî bi hevalê xwe yê di hundi-rê qemyonê de dipeyivî û ji wî were hey digot; bimeşe! Herku nêzî min dibû û ji ber tirêjîn rojê yênu ku hindik mane bizên, rûyê wî ji min xuya dikir ku ew karker; ew bû... ew kerê dera hanê bû... yê ku do bi şev min rûyê wî li parqê dîtibû ku ew rûyê wî weke yê bavê min bû. Rûyê wî paqijiya destêr sibehê heram kiribû. Xwesteka min a ku ji bo ku ez herim bi serçavê wî de bimîzim çêbibû ku weke ez herim bi serçavê bavê xwe de bimîzim ku ji bo ku ez dilê xwe li bavan rehet bikim.

Ya Rebbî! Min ci guneh bi te kiribû ku te tovê min li vê dinyayê avêt, min ci xera-bî gihadibû te ku te ez di bavekî wisa de derxistim. Di jiyana min de koncalen karesatan vebûne ku ez li wan koncalan mame heyirî bê ez ê kîjanan bigirim ez ê xwe di kîjanê de tê werbikim, rêviyên di hundirê min de qetqetî bûne ku teyrêna başokey eylo li ser şerr dikan ku qetên rêviyên min ji nav nikilên hev direvînin. Kurm û kêzikan hîye ruhê hestiyên min hûrhûrî kiriye. Bablîsokeke acizî bêhn kiribe min jî bi bayen xwe re ber bi tunebûnê ve dehf dide, divê ez tune bibim ji bo ku ez li ser vê axê nemînim. Mayîn û hebûn cehdeke vikîvala ye. Tu çiqasî di ber xwe de bidî tu yê nikaribî xwe ji tunebûnê vedizi. Ev dinya li ser tekiliyên berjewendiyên netxerabiyê hatiyê avakirin ku min hebûn û tunebûna xwe avêtibû stûyê bavê xwe ku ew jî berpirsiyarekî hillikî heramî dera hanê bû.

Ji bo ku xwe negihîne min, çenteyê xwe min diavêt ser milen xwe weke ku min ew nedîtibe min berê xwe jê guhertibû. Hêdî hêdî ez ji wan bi dûr diketim, her ku ez bi nav bajêr de diçûm aciziyên min bibûn weke moriyan bi mejiyên min ve radipelikîn ku bi lingên xwe yêner werimî min xwe berra nav neqeben bajêr ên kurmîbûyî dabû. Niha erdhêjek biqwimiya ew bînayê weke eceban bi ser serê min de hilweşiyana. Ez bimirim dêya min jî tune ye ku were li ser serê min bilorîne, axa li ser mezelê min bi destêr xwe rast bike. Min bêriya dêya xwe û ya mirinê kiriye ku min dêya xwe winda kir, a din jî bi min re digere. Xuya ye ku wê heya demeke dirêj bi min re hevâltiyê bike.

Xezo

Seydo Ozkan

Ji bo Ceylan'ê

xezo!
xweda ji şevê û bêhna kezebê ditirsin
weke cinnênu ku ji hesinî bitirsin
xwe vedişerîn di bin ebayê melkemotî de
ji zarokên me ditirsin xezo,
ji we ditirsin
ji çavên te...
lewma rêz digirin
lê em ji çavên te hez dikin
lewma natirsin em
ma tirs û hezkirin bi hev re dibe xezo?

Kurdîaxivîn

Sadiq Şen

Îroj ercfata cejna zimanê Kurdî ye.

Sibe gellek kes û sazî wê ve cejnê, bi awayên curbecur pîroz bikin. Wê peymana pêşxistin û xwedi-lêderketina zimên nû bikin. Lê ez nizanim û nikarim texmîn bikim bê ka dê çend ji wan kes û saziyan birtyareke bêveger bidin da ku di hemû jiyana xwe de bidomînin; di hundirê malbata xwe de bi zarokên xwe re bi tenê bi Kurdî biaxivin. Çend saziyên me dê weke “dibêjin” “bipêjin” û bi tobeyeke nesuh, hemû kar û barêñ xwe bi Kurdî, danûstandinêñ xwe bi Kurdî bikin.

Cîrûsk
82

Nizanim ka wê çend kesên ku dibêjin: “EZ nikarim xwe bi Kurdî baş îfade bikim” dê dev ji van hincetên eletewş berdin û li rastiya xwe ya rasteqîn vegerin.

Nizanim ka wê çend dayikên ciwan bi xwe ve werin û dev ji tercumaniyê berdin; tenrcumaniya di navbeyna zarok û dêbavên xwe de

Çend jinêñ dilsoz dê dabikên xwepişaftinê ya ku di şexsêñ jinêñ Kurd de, dixwazin bi ser bixin, biteqînin û di gorra pişavkeran de veşerîn û telqîna wê bixwînin.

Hemû rengêñ pişivandinê, li xwepişivandinê hatiye barkirin. Îdî peyv ruh nadin, têñ kuştin ji aliyê xwediyyê xwe ve; kuştin ji mirinê bezatir e. Çavkaniyêñ herikîna zimên, ji binî ve têñ zuwahakirin.

Min xwest ku ez îroj li gorî derfetên xwe wêneyekî Kurdîaxivan bikişînim. Jixwe ji bilî zindan û radyoyê em Kurdîaxivan nabînin nabihîzin.

Belkî hevalêñ ji zindanan derketî, ji mêj ve pêşangeha wêneyêñ Kurdîaxivan vekîrine û pirêzeya Kurdîaxivîna girtiyêñ azadiyê danibin holê. Lê dîsa jî gellek guherîn, veguherîn çêbûne jî. Ji bo girtiyêñ azadiyê gotina “Dibêjin lê napêjin”ê derbasdar e. Ligel ku girtiyêñ azadiyê ji bo zimên çavkaniyeke bergumanê têñ dîtin jî lê di rastiya xwe de ne wisa ye. Di vî derbarî de ji bilî çend kitrîskîn biçûk mirov nikare behsa şewqeke ronîker bike.

Helbet ked û hewldan hene. Bes bihar bi çend gulan nayê. Lê li şûna çandina sor-gulan, çandina dirrîreşkan jî êşike malkambaxî ye.

Min iroj guhekî xwe kir serrad û yê din jî kire bêjing. Min destê xwe ji hemû kar û barêñ rojane kişand. Lê min nedikarî heta êvarê ez xwe ragirim. Di nava du-sê saetan de ji radyoya “Dengê Mezopotamyayê” û girtiyêñ azadiyê çi ket ber devê tirpana min, min dirût û ez li jêr bênder dikim:

Ji girtiyêñ azadiyê ên jixwe-qayîl bigire hetaa siyasetmedar, nûçegihan û bername-karan jî dihundirîne ev diyalogên hatin daxistin.

Ev gotinêñ li jêr, ji gotinêñ wek...”... yerin dibine batırmiş kîr...” hatine daweri-vandin û deriyêñ wan li ber şiroveyê hatine dadan.

Pêşiyê min radyo vekir. Şakiroyê gorbihuş bi strana “Emro”yê zimîn ji koda meji-yê min anî. Sewta wî ez sermest kirim, tehma gotinêñ wî ez serxweş kirim. Paşê hêdî hêdî cênika min cemidî.

Radyoya “Dengê Mezopotamyayê” xeber dide:

“ ji qadêñ parastina Medya rojbaş...”
“....Komplota vala derxist...”
“... Me van hestan jiyan kirin...”
“... Min çavek avêt rojnameyan...”
“... Hukumetê ev fırsat revand...”
“...Çi vekirina kurd û çi hal...”

Cîrûsk
§3

Ji nişkan ve girtiyekî azadiyê yê ku di Kurdîaxivtinê de dorê nadî tukesî dest pê kîr û got:

“Hevalno werin yêmek...”
“Qehwaltî hat...?”
“Erê çawa hat de...”
“ Yaho, ev bilinçli olaraq roja êtimê çorbe didin, da ku êtim sabote bibe. Artiq em ê kengê...”

“Wele yalanız min li başlixê çendekan nihêrî, otiz nîsan, bîr gulan, bêş gulan sayı-sî çarpmışê min bûn...”

“Heval ez piçekî dinlenmiş bibim. Guhê te li qêpî be, ez iro çûbûm ortaq alanê, ez yorgun im.

“Temam de, te yoxunlaşma min daxitmış kîr”
“Na loo çi yorgunluk çi hal; tu ihtiyarbûna xwe bi mîsafîrtiyê gêzlemiş dikî.”
“Heqaretê (neheqiyê) li heval neke. Wele bileh ji ciwanan keviran derdixe.”
“Heval tu çi dibêjî?”

“Min tiştek yanlış negotiye kî. Ez dibêjim arqedâş gençlerden taş çixartır.”
Pêşiyêñ me ji xwe de negotiye: “Kesê ne li govendê xweş reqas e.”

Jarê

Umît Esen

Nezanim ji bayê bablîsoka weke kemanên şizofren li ba dibim
Diqurmiçim di rehên jarê de
Qehrên meyandî vedixwim di zikata talda te de
Carisiyên nemayî didim ji xwedayên xurriî re
Tu bi rondikên asoyên xwe dike birûyên xwe ji êvara derî şikestî re negire
Ez dizanim pakiya te di cihê xwe de ji westatiya westatir
Û ji zelaliya te têr qewirandin avêr te lê vexwar
Sersaxiya çawakirina xumîna tewafa paxilên te ji baranê zûtir
Û qulmişkên kerbê di berbanga girava hêsrên te de dixeniqin
Darêr dûr hilma te jê diweşin
Nifirrêr niviştên sê qozîk di sîngâ me de diteliqin
Lê ez dizanim jarê semawendê tazîtiya ajetên te me rûpel bi rûpel
Û bi cizba mêtina lêvên te ketime
jixwe nehatime parsê di bênderên te de
Weke kuliye kî bêzar dişewitim
Û Jarê herdem navê te yê kelogirî barêr hêştiran li pişta min dike di kaşen çavêr
te de
Marmasiyên tiliyên te a niha bi şevçiraya heyyê re gola dilê min dihejîne
Govenda derewan girtiye bi peqokên biharê re
Bûme xizanekî xwelîser ji tayê vedirşim
Geşta malwêraniya xwe me
Gumana min tune

Dê û Kur

Ehmed Osman

Kekê min em mirovîne reben û bêkes in. Bextê me carekê reş bûye. Qey Xwedê di pey nivisina qedera me re, qelema xwe şikenandiye, loma em darikî di derziyê re dîkin jî ifleha me çenabê. Em li kijan aliye xwe binihêrin, sêwiyekî li hinda xwe dibînin, berê xwe bidin ku sêkelek porrê xwe diwerine û bi xermişkan rûyê xwe di nava xwîn xirarê de diqelêse. Rêwiyên me venagerin, ji xêra Xwedê re yekî ku xeberekê ji wan bîne jî çenabê. Carekê Ichnetek li me selitiye, dara xweşiyên me qurifiye.

Ma hê ez ê ji te re behsa çi bikim? Tu hema berê xwe bide vê gortistanê bes e. Di bin her kêlgorrekê de çirokeke bigirin û hîkayeteke bisoj ên nehatine gotin hene. Tu destê xwe deynî ber serê kijan gorrê tu dê nalîna ku ji hinavêñ mazlûman tê bibîhîzî. Miriyên me di nava janan de bê dua jêrax bûne. Ruhê wan bi şev di nava komika hesiyian de bêrazan û bi roj li navserên kêlgorren xwe vedinin, çaveriya hatinekê ji xeribiyê dîkin. Bêxûde. Her kêlî giraniya jibîrkirinê dikumuş ser wan, mizgîniya ku çaverê dîkin piçekî din di nava nehatinê de berze dibe.

Ha tu li van du gorrên han mêze bike. Herdu gorr mîna hev, tu dibêjî qey gorrên cêwiyan an jî dildarêñ ku mirad di ber de mayîn in. Lê na, ew dê û kur in. Belkî vê gavê giyanêñ herdûyan derketîne ser serê kêlgorren xwe û li hev mêze dîkin, destê xwe bêxûde dirêjî hev dîkin. Hema carekê destê wan bigihîje hev, dê bi dilê rehet di gorra xwe de rakevin. Lê destê wan pev nagihê, çiqasî ber bi hev ve têñ jî dîsa navberek dimîne. Bibe êvar dê dilşikestî li nava komikêñ hestiyên xwe vegerin û sibehê dê dîsa derkevin jor û dest dirêjî hev bikin.

Ev ne çirokeke pirr kevn e, hema heta berî bi çend salan me bi şûnve dibe. Kur hê ciwan bû. Bêyî ku xatir ji dayika xwe bixwaze, bi gellek hevalêñ xwe re mîna ku bi dû evînekê bikevin berê xwe didin şerrî. Sal dibihurin. Hevalêñ ku pê re çûbûn, yan vedigerin yan jî xebera mirina wan tê. Lê ciwanê ku em dibêjin ne vedigere û ne jî xeberek jê tê. Hinek dibêjin miriye, hinek dibêjin maye. Dayika wî guh nade gotinê tuksesî. Mîna ku dê hema vê gavê bê taştê, firavîn û şîva kurikê xwe datîne û radike. Dema ku dibe şev nivîna kurikê xwe radixe û sibehê dide hev. Heyhat ku hindekan jê re behsa mirinekê bikira, çi nifirr û lomeyên ku dizane lê dibarandin. Wisa kekê min!

Serê sibehhekê xelkê gundî bi wîlewîlekê ji nava nivînên xwe veciniqîn û raqûn ser xwe. Êdî ji kîjan xeybê peyamek jê re hatibû nizanim, dayika ku li hêviya kurê xwe reş girêdabû, dest avêtibû porrê xwe û diqîrriya: “Kurê min mir! Kurê min mir!” ax te bidîta mirovî digot qey şaneke mehşerê ye, Îsrafil li sûra xwe dixe. Em li serî civiyan. Bêmecaliya wê mîna arekî sor bi hinavêne me ve diçû. Jineke hêvişkestî, ma me dê çi çare jê re bidîta. Bîst û heft salan temam biqasî misqalekê hêviya xwe neşikand, serê sibehhekê mîna dareke çinarê ya kevnare hilweşîya û ket. Gotinên dawîn ên ku ji devê wê derketibûn ev bûn: “Hûn gorrekê ji kurê min re çêbikin da ku ez têr li ser bigirîm, biла kurikê min bê sergirîn nemîne!.” Me gotina wê ducar nekir. Me ev gorra li milê rastê çêkir. Dayika sêkel hat keziyên xwe hat keziyên xwe di ser gorrê de birrîn, matema xwe danî û dest bi girî û zêmarên xwe kir. Heta ku canê xwe neda ji cihê xwe ranebû. Dîsa em hatin me ev gorra li milê çepê çêkir. Dayika reben tê de bi cih kir. Kesekî wê yê din tune bû ku sersaxiyê lê bikin. Bêdeng em ji nava gorristanê bi rê ketin.

Hê me çend gav neavêtibûn siwarekî bi çekan şidiyayî û kolos li serî ji wê de hat li ber me sekinî. Sersaxî di me da û mala jîna ku a niha me çalkirî pîrsî. Pîrejinêkê bi destê xwe mala jînikê nîşan da û gotê: “Kurê min mal bêkes e!” Rêwî acêbmayî pîrsî: “Gelo xwediya malikê bi ku ve çûye?” Pîrejinê lê vegerand: “Vê sibehê emrê xwe da haziran, em ji ser gorra wê vedigerin.” Siwarê xerîb çawa ku ev gotin bihîst, bêhal ji hespê xwe de kete erdê. Em li dorê kom bûn. Fitekî mîran bêmecal li erdê dirêj bûbû, hew gotina “Dayê! Dayê!” ji dêv derdiket. Kurê jînika mirî bû. Ji me xwest ku em wî bibin ser gorra dayika wî. Em çend cihêl ketin bin milê wî û me ew heta ser gorrê bir. Ji me pîrsî ka dayika wî çawa miriye. Dilê me negirt em derewê lê bikin. Hal û meseleya dayikê me jê re got. Wî çi got tu dizanî? Got: Madem dayika min li ser vê gorrê giriyyaye divê ez jî têkevin vê gorrê!” Berger û sergera me tu kâr nekir. Li ber serê dayika xwe rûnişt, bê xwarin û vexwarin heta ku can da. Hespê wî jî heta ku siwarê wî li wir bû ji cihê xwe neqeliqî, ne xwar û ne vexwar. Em hatin me tirba vala vekir, kur tê de bi cih kir. Wê hingê hespê wî hêz da xwe û bi cihê hatî ve meşîya û çû. Kesek bi dû hespî neket û kesî ew negirt.

Ev e halê me kekê min. Hê jî di nîvê şevan de ji nişkan ve dengê şihîniya hespekî ji vir tê. Gellek caran me pa, lê çavê me pê neket. Em li halê xwe digirîn, lê çi fêde.

Bi Nêta Cenabet-hildanê Berê'm li Şî'îrê Kenanê Nado

"Mixabin mirovahî cenabet e!"

Du tas avên cemidi
Xewnen tarîreş dicirifinin
Di çelavên gilover de qirêjiyê diweşînin

Qirêjiya...
Ku tiştên sik ji mêjûyan nahecheçikînin
Şeveq, sibeh, roj diherikin
Lê mixabin...

Mirovahî cenabet ma!

Nûh'î cihê xwe dît, rûnişt
Birahîm'î ji êgir av guvaşt
Îsmail'î li çolê qurban peraşt
Ûsiv'î bi yanzdeh stêrkan gurek kuşt
Meryem'ê bi tasek ava vaftîzê serê Îsa'yî şûşt
Lê mixabin...

Mirovahî serpîs ma!

Pêşıya avê Feqî'yî girt
Tîrên eşqê ber bi ezmên ve Mela'yî avêt
Bi destê bav Rênas'î keç kuşt
Ev helbest dubare min nivişt
Lê mixabin...

Mirovahî cenabet ma!

Otmeyêن Hêviyê

Ar-da Janxwar

Dêwûd, merivekî qamqût û bejnqalind bû, çapana devê wî weke gûndorekî neqirandî bû. Di besta kokimê pozê wî de û ji heta stûkûra hundirê firmikên wî tijî müyên reşbelek bû. Çavekî wî betanekî spî xwe dabû ser. Mijankên wî weke şuran bûn, xwe li ser kodika çavên wî reşbadayî bûn. Xortekî kej û porr sor û zêri bû. Pirr ji xwe hez dikir werwer şehikên wî yên lekînî û mirêka wî ya girover li paş wê jî sûrcta bêrîvana wî tim û tim pêre bû, bi wextê dirêj li ber neynikê radiwestiya. Carinan rastika temberîka xwe di kêlekê de, carinan jî di nav qotê serê xwe de rast dikişand, lê ew herdu çifta porr di pêşenîka wî temberîka wî li gorî dilê wî rastkêş nedikişand. Sal duwanzmeh li kêfa xwe digeriya û lê dibaniya. Meraqa wî li ser sîlehan pirr hebû. Mehê xwe nedigîhaşt mehê şehek, gorcyek, bêhnok, demançeyên çardehderb, tizbiya ji kevirê Erziromê jê kêm nedibû, di her çar demsalên salê de, xwe li gorî mehênen demsalê kinçen xwe nuh dikirin. Dêwid, li nava gundi mirovekî pirr qerfdar û heneksaz bû. Gûndî çej ji qerfesazîya wî digirt.

Bêhnok, tizbiya bi kevirê deqdeqî a Erziromê dibiriqand, çend gurûze pelê cixareyê yên ibelo, çeqmaqê ji kevirê çeqçeq li ser kirâse çaqmaqên xwe çermê pezkoviya belek hatibû xemilandin û demançeya wî ya beçîka ya çardehderb xist bêrîka dexlika qomidînê, bêrik delda dexlikê, xist hêlina wê, mifte û kîlît rahiştê çend birme lêexist. Rahîst qomidîna xwe perdeya reşbelek a kûlînê ji ber destê xwe bi aliyê rastê de şeqitand, qomidîna xwe danî li tenîsta boxçikên dev girêdayî, hinek potik û motikên kevn li ser qomidîna xwe belav kir. Doşeka rûyê wê yê hibrén birdik birdikî ji bo mîvanan hîn nehatîye şixulandin danî ser qomidînê. Lihêfîn bişelte pê werkir, mifta xwe rame-da nav doşeka mîvandaran.

Debara xwe bi dayîna demamiya hemiya, xerzikên mîwê dikir.

Bi tenê du parce zeytûnê wî û çend hemiyêñ darêñ bertû mazî, çend xerzikên tirî yên ji bavûkalan mabû hebû. Ne emaret li xerzikên mîwê û darêñ mazî dikir û ne jî lê miqate bû. Zikê kafiran bi van xerzikan dihat, tenê bi emerata bavûkalan û bi xêra kedan wan tim xerzêñ wî yên mîwê çend goşiyêñ tirî yên biriqandî jê re texsîr nedikir. Lê zeytûnêñ wî tim bê av bû, tiqînî ji qirrika şînberoke darê dihat. Dora avdانا zeytûnan, ronahiya rojê ji siya zinara xwe berra ser miskara dida ewçax av digirt heta roj diçû ava. Ava bi dorê têra pariyeñ dikir, ên din têrê nedikir. Cêfinê darêñ zeytû-

nan weke hêlîna çivikan hûrik jî çêkiribû lê disa ji têr av venedixwar. Ên rewşa wan a aborî hebûn bîr li nav rez û baxên xwe xistibûn. Ava kaniyê hinekî kêm bûbû, ci kom avên li dor hebû dikişand binê xwe, lê bîrên xurt ên qultênen mezin li binê erdêna ava kiribû kanîya reben bi çend hêsisirên xwe yên guvaşti jî xistibû nav ava diçû, li ser rez timî jî velêv velêv bû. Lê feqîrên xerzê zeytûnan ji ber hişkesaliya sê salane, hêsiña zeytûn tim çilmisiye û guvaştiye, çavî navperokiyê, qelîştekên axê tim bi ûfardarê dilopek ava cêfinê cîranê xwe bû, adaniya zeytûna qet tûne bû, ên hebû weke bişkûlan hişk, bêgoşt, bêzeyte bû.

Reprepa çend pêgên kesan li ser xaniyê axîn hat, axê ji nav beşte xêni re xwe berra kortika destarêna kevirêna daxikêna damarok û sore da.

Bîskek çû teqteqa dêrî hat. Dêwûd'î fêhm kir ku çend mîvanê wî hatin. Bez da xwe, birma dêrî ji ber kişand, deriyê darîn vekir, mîvanê xwe ber bi odeya jorîn a herî dawî ya kadınê ve birê kir. Deriyê darîn kişand, birma wî disa weke berê kir, darekî dargûlîkî, stûr û qalind da pişt dêrî ku jê re bibe qewet.

- Ji hevalêna xwe xêr hatin xwest. Rewş û halêna wan pîrsî, barêna li ser piştan wan ji destêna wan girt, danî qoziyeke ku pêk û meşa kesî pê nekeve.

Dêwûd çû ji kulînê tejikeke ku rûyê wê bi nexşê pezkovîyan hatiye xemîlandin û hîn nehatiye bikaranin derxist li ser dika bi axa zerîn hatiye seyandin raxist, kulavê nexşînî danî ser tejikê û çend balgîfêna guhik nexşîk û rû rengê birdik birdikî danî li pişta hevrîyêna xwe.

Dêwûd'î, xwe berra ber kulînê da, ji qomidîna xwe ew cureyê demançeyan derxist, anî li ber hevrîyêna xwe danî, çend derb dor bi dor li binê êxur cerriband. Berî ku xatir ji hevdu bixwazin hevrîyêna wî;

- Dêwûd li xwe miqate be, bi tenê tu otimayê me ye, van rojan gur pirr digerin, de bi xatirê te.

Hevrîyê pêşeroja xortaniyêna welatê wî ji ber çavan dûr ket.....

Berbanga sibehê bi rewrewa sê û kûçikan Dêwûd bi xwe hisiya, ser dilê wî kir gurgep wî fêhm kir ku tiştek heye, lê tam pê dernedixist, gelo leşkerê Romê wê dîsa bide ser kîjan malê, hîn di dilê xwe de difikîri qırpînî ji dêrî hat, zar û zêç ji tırsan her yek ji nav nivînan pengizî derekê. Netirse law û qîzîn min, tiştek tune ye. Zarok çav li leşkeran ket xwe bi dawa dêya xwe girt û ket pişt dêya xwe.

Bû zûrezûra kûçikan, Tolo kûçikê mala Dêwûd'î pirr biaqil bû, wexta ku leşker dihat dinasî pêga wan, bi hewtehewt qirrik li xwe diqetand. Lê vê derbê leşker bi tevdîr hatibû ewila ewil derbeke bêdeng berra ser kezeba Tolo'yî dabû, kûzîniyek pê ket, erd û ezman xwîn dibarî.

Dêwûd bertena bêcemayê daxik daxikî, fanêreyê gewrikî, herdu destêna wî li paş di qeydê de, lingêna wî di dehfikê de, bergiya çavkorten wî bi potekî gennî û miş qirtikî

girêda li pêşîya leşkerî, ji lehiyên hêşirêñ evîndarêñ xwe bi dûr ket.

Dêwûd anî, xist jûreke tarî û dest bi pirsan kir.

-De bêje te ew sileh ji ku anî? Navnîşanê bide. Hûn çend hebin? We bi çi awayî dianî? We dida kê ew demançeyêñ han? Hevalê te kî ye? Zû bêje em dest te nadin. Em ê te berdin, tu yê herî nav gedekêñ xwe, de zû bêje.

Di nav re dengê wajewaja insên, bêhna kerâfiyê, dengê sewta dengjiguhêra, bi dewla ava cemidî li ser serê sorûzerî ba dikir. Hingizê darin dor bi dor li pehniya wî, li nav kavilê parsûyêñ wî, li derzika pişta wî, li kelaha sînga wî, henaseyê wî bi hishtinkan lê dida û didewisand. Lê kirtîn ji devê Dêwûd'î dernediket. Wî zanîbû heger bigota "kirt", wan ê ew bikerritanda, wan ê evîn û evîndarêñ wî bikirina ardûyê keritandinê.

Bêhna verşiyê û potêkê, gemaroka qirtî li ber bêvilê, stûna bêvila wî pûç kiri-bû.

Êşkencekar qırçınî ji deriyê hesini yê nezaretê anî û du têlên ji êgir bi nav çîpêñ Dêwûd'î de vêxistin, çîzinî ji heyaya wî hat, keldûman ji kewara dilê wî fûridî, çêrr û gef lê qewitand.

-Me gellek weke te dît, lê dawiyê tirr di qûnê de hilnedihat, zirtzirta qûna wan bû, tu xelasîya te ji destê me tune ye, tu herî erş û ferş tu yê werî ber gunnikê reş, de zû li xwe mikurr bê, ji vê ezayê xelas be.

Êşkencekêr, bangî hevalê xwe yê êşkencekar kir û got ka hingizê darîn bîne û em wî belot bikin.

Hingizê darîn di nav telşê herdu hêtêñ kulimekêñ wî de bir û anî, heta ku ji xwe çû, çend dewl ava zengarokî û cemedî li gewdeyê wî ba da.

-Kî bûn ew hatin mala te? Zû biaxive.

Dêwûd, ne kesek bû ew derewinî reşayî ye, tu haya min ji va haweyan tune ye.

Dêwûd, agir bi lasê wî ketibû, lê ew li ber êşa gewdeyê xwe nediket li ber êşa xayînêñ şikêrok tebatî nedihatê.

Êşkencekar, ka biaxive, xwe û me ji vê êşkenceyê xelas bike, em bi rehetî ji te re dibêjin, dev ji vê eksa xwe ya çors berde, tu bi rehetî nebêje, tu bi lêdanê biaxive.

Dêwûdê gundorekî dûqatî di şûna cantê de derbas kir, gola xwînê di newala tekerî de kom bû, peqikê xayîntiyê digindirî û dipekiya. Lê Dêwûd di belegoşka wan de bûbû dêwek, di aşen şikêren xayînan de bûbû sîx û balona kêfa dilê wan diteqand.

Gewdeyê wî mîna ku dan di ber hevdu de bû kutan, gewdeyê wî reş û şîn bûbû, lê derûniya wî weke polayî zindî bû, êşkencekar tê de ji kastîn de ketibû.

Pîreka wî destê xwe jê şûştibû. Hewserê wê pir nazik bû, jixwe tu kar û iş jî jê nedihat. Ne germ lê dihat ne sar lê dihat. Mirovekî zivistanî mina germyanî û havînî jî zozanî bû. Pişti deh rojan bi şûnde zilamê wê hat berdan. Dêwûd di êşkencêyê de bûbû weke darikekî, ku tu pif bikê wê bête xwar. Kêf û coşıya zarokan dikira bifirriya, lê pişti ku bavê wan hat û çav li bavê xwe ketin wan ew nas nekir. Ji halê însaneyê derketibû, lê wan şikir ji wê re jî re anî û çûn destê bavê xwe, hilorikên gewrik gewrikî li ser hinarakêñ wan dibariya

Çavê Mirinê

Nazê Yerlîkaya

Xweza bi lez şanoya xwe dilize her êvar
Dizîvirre tê şeytanê pirrzane
Di pey de govendê digirin melekên nezan
Kevn dibe di nava ronyê de jiyan
Çavê mirinê vedibin di dewsa tariya bêdengiya mezin de
Hin kes şipê ne, hin kes jî di şanoya xwezayê de di xewê re çûne

Gîrashk
91

- Beriya evînê û piştî mirinê
Bi hev re yek e nepeniya gerdûnê
Şeytanê zana dilize bi ramanên me
Di dilên me de govendê digirin melekên nezan -

Dibe dafikek di çavê me de bayê ewrên hênik
Weke berf bibare, qeşa bigirin lêvên me yên qelişî
Bi dûre di destên me de belav dibin bayên hişk
Li ser janan dilerizin bihar û stranên havînê
Çavê mirinê vedibin di werza xemgîniya mezin de
Hin kes şipê ne, hin kes jî di şanoya xwezayê de di xewê re çûne.

- Beriya evînê û piştî mirinê
Bi *hev* re yek e werza payîzê
Bayên hişk dilizîn bi ramanên me
Di dilên me de govendê digirin bayên ewrên hênik -

Tu û “Xwe” ya Te Hecî Nehsan

Tu hîn li vir dipeyivî. Bi sorahî, bi zerahî, bi rengçilmisîn. Lî disa payîzê got merheba, pelên daran yek bi yek dev ji daran berda û wan bi bayê hênik re bar kir. Darêñ hewşa te şîlfîtazî man.

Ezmanekî bêdeng û xemgîniyeke bêreng ji te re ma. Pirr werz di ber vê şibakeyê re çûn û hatin, roj weke çivîkan bîhurîn û çûn, te timî li derve dînihêri, te digot qey hemû roj, hemû sibeh wekhev in. Te digot qey, ê ku her roj li ber vê şibakeyê li derve dînihêre hertim tu yî.

Cîrûsk
92

Heya duh li pirtûkxaneyê, dema ku te berga pirtûkekê qulapt di bin berga de wisa nivisibû: “Divê mirov bi tenê di şibakeyekê re li jiyanê û li dînyayê nenihêre.”

Hingê te ji xwe pirsî: “Gelo çend şibake di jiyanê de hene.” Tiştekî din hate bîra te, te got di mirovîkî de çend jiyan hene û çend rengêñ mirinê hene?

Û dem;

Dem çi ye? Ew jî timî li ber vê şibakeyê sekiniye gelo? Ew li çi dînihêre? Bi çi sebra xwe tîne? Diçe û tê an diçe û diçe? Pelên daran, ava çeman, bêhna gulan, êşa dilan, hêvî û derdan bi ku de dibe û ji ku tîne?

Te dîsa ji xwe pirsî, werz li pey hev diçin û têñ an bi tenê yek werz heye ew jî kefenî diguhere û dikeve timtêla çar werzan?

Niha bi tenê di şibakeyekê re dînihêri. Tiştekî dipeyî. Destpêkekê yan jî dawiyekê. Ji xwe te emr wisa bir nîvî. Hîn jî li benda çûyîn û hatina werzan i. Lî a bi êş hîn jî nîzanî tu gîhiştiye ser sînorê nîvemrê xwe. Emrî, tu bi nîvî kirî, tu qet kirî, tu taliwan-dî, tu hilwerandî.

Di hinavê te de dengekî dirêj heye, dengê ku serê her peyva bijan dikîşîne. Ê te nîhêrînek te heye, nêhêrîna ku toz û dûxana dilê te tev radike. Xewnêñ te tev zivistan in li ser nîvînê te, ricifnê te bê salveger in. Carinan xwe li xwe qedexe dikî, ji xwe dixeyidî da ku aliyekî xwe yî din nebînî. An jî xwe nexî şûna xwe. Lî tu xwe dixî şûna

herkesî û çîrokêñ hinêñ din dibêjî.

Carinan jî xwe ji ber hinêñ din sûcdar dikî. Carinan di cendekêñ hinêñ ku qet nas nakî de dimirî, carinan li ber wan cendekan rûdinî û ji ber hemû dayikan didî giri. Tu wisa yî...

Tu dixwazî ku ķevok û başoke têkevin milêñ hev, dixwazî ku çivîk û kevir bi hev re bifirrin, dixwazî ku gur û mîh bi hev re biçêrin.

Tu li ber wê yek pencereyê jiyanan û cîhanan lê dikî û hildiweşînî. Di îskana çayê ya di destê te de roj hiltê û diçe ava, lê tu ji xeyalavakirinan têr nabî, tu dûr û dirêj li asoyê dinihêrî û timî hin tiştan dipêyî.

Carinan fîkr û nêrînêñ te weke perperokêñ bêdemsal in, li ber bayê hestêñ te yêñ yek rojîn û du rojîn.

A niha payîz hate ber şibakeyê, roj kurt bûn sî dirêj bûn.

Peyv li ser zimanê te diçilmisin. Dengê te li erdê dikeve çi gava ku ji yekê re dibêjî “neçe” lê bi dûre dibêjî teqez hertiş bi rêya xwe de diçe.

Bi piştre xwe diavêjî bextê pirtûkan, da ku te ji ber demê birevînin ber bayê bêde-miyê! Ji ber hindê tu dixwazî ku li cihekî ji xwe dûr bisekinî. Tu dawiya dawîn tê digi-hijî ku dem tiştekî wisa ye: Hertişî poside dike. Dike ku dar ji ber keskahiya xwe, çem ji ber pêl û xûşîna xwe, ewr ji ber xumîna xwe, ba ji ber gobîlîna xwe bireve.

Ma ne te bi xwe gotibû, mirov dikare hertişî kedî bike ji bilî xwe. Ji lewre herku mirov xwe his dike dîwarekî din di navbera xwe û “xwe” de lê dike.

Heger tu şibakeyeke din di dîwarê xwe de vekî dibe ku qala nejîyînêke dîtir bikî, dibe ku xeydên xwe vebrîqînî û bêriya ruhê xwe bikî.



Marka


Rênas Jiyan

navbera herdu lêvên min biqasî gellek “*m²*”yî
hêrsa min “*VIP*”
rûyê min diqelaşt bayekî “*BMW*”yî
peyvîn te yêñ “*ROCH*”î dihatin bîra min a “*UZI*”yî
kenê te “*NOBEL*”,
rûyê te “*DWD*”,
bi xêra van tiştan ez dibûm “*LCW*”
şeveke “*LEE*”
tanî bîra min “*U2*”yeke “*IRA*”yî
ez bê “*HSBC*”
stûşikestekî “*OECD*”
kesî tu “*IMF*” nedida tukesi
tevî hertîşti jî
bi qurretiyeke “*USA*”yî
& bi kêfeke “*FIFA*”yî
diherrickim kolanêñ “*NATO*”yî
digeriyam bi gavêñ “*IBM*”î
rewşa min & a dinyayê rewşeke “*WC*”yî
“*UN*” di destêñ mezinêñ biçûk de pêlistokeke şikestî
“*UE*” bi rûjkirina lêvên xwe mijûlbûyî
kesî êşen me nedîtin layiqî tu “*OSCAR*”î
min xwe ji jiyanê “*MP3*” dikir
min xwe ji cîhanê “*NASA*” dikir
“*PKK*”eyekê bêdengî “*Dr.*” dikir
li min hatibû xezebê pêkhatineke “*TC*”yî
ez “*DNA*” dikirim tenêtîyeke “*AIDS*”î
dimirim, ne hêja bû ku mirina min bibûya “*BBC*”




Destana Şerrê Kundan û Qijikan

R. Yılmaz Gernas Koçer, weşanên Nûbihar'ê, lewnê wê; destan-çirok, 231, 2007, 14 tl.



Biblo Hayat

Metin Aydin, weşanên Babîl'ê, lewnê wê; cerribîn, r. 256, 2010, 15 tl.




Dengbêjê Piçûk

Abbas Abbas, weşanên Pêrî'yê, lewnê wê; roman, r. 96, 2005, 7 tl.



Zaman İçinde Bediuzzaman

C. Canlı, Y. K. Beysülen, weşanên İletişim'ê, lewnê wê; jinenîgarî, r. 648, 2010, 25 tl.




Sûka Mirinê

Mehmet Deviren, weşanên Ava'yê, lewnê wê; helbest, r. 63, 2010, 7 tl.




Siyasal İktisat

Dawid Ricardo, wer; Barış Zeren, weşanên İş Bankası'yê, lewnê wê; aborî, r. 385, 2008, 18 tl.



Serefname

Şerefhanê Bedlîsi, wer; Ziya Avci, weşanên Avesta'yê, lewnê wê; dîrok, r. 662, 2007, 60 tl.



Başka Bir Estetik

Alain Badiou, wer; Aziz Ufuk Kılıç, weşanên Metis'ê lewnê wê; felsefe, r. 165, 2010, 15 tl.




Zapatista Hikâyeleri

Subcomandante Marcos, wer; Çiğdem Dalay, weşanên Agora'yê, lewnê wê; çîrok r. 222, 2003, 15 tl.



Labîrente Evîna Sêwî

Mehmet Çakmak, weşanên Ronahi'yê, lewnê wê; çîrok, r. 111, 2010, 10 tl.



Cami'eya Risaleyan û Hikayetan

Mela Mehmedê Bazidî, amadekar; Ziya Avci, Weşanên Lîs'ê, lewnê wê; çîrok, r. 492, 2010, 17 tl.



Arapların Gözünden Haçlı Seferleri

Amin Maalouf, wer; Ali Berkay, weşanên YKY'ê, lewnê wê; dîrok, r. 265, 2006, 15 tl.

FERHENGOK

Kurdî-Tirkî
Türkçe-Kürtçe

Amadekar:Asya Genim

belki

"Weşanêñ Belki" yê
Ferhengok - amadekar; Asya Genim, ziman, 207 rûpel - 5 tl

Kooperatifler Mah. Tren Yolu Sk. Bağiran Apt. No: 1 Ofis/Diyarbakır
Tel&Fax: (0412) 224 47 72 e-mail: cirusko@hotmail.com
www.wesanbelki.com

Kelegiriyêñ ji bo Simbilên Neserridi/Hamid Omerî
Kî Dizane Huner Ci ye?/Fewzî Bîlge
.../Diyarî Asur
Hestêñ Naylonî/Feratê Dengizî
Betali/Bêzar Germ
Piyesa Çirokekê/Hesenê Metê
Marcel Duchamp û "Ready-Made"/Asya Genim
Hevdîtineke Kaotik/Robîn Şerna
Çirûskêñ Nûjeniyê di Helbesta Bakur de -Mem Ronga-/Berken Bereh
Bi Keça Mîr Celadet'i Sînemxan'ê Re Li Ser Bavê Wê Hevpeyvînek
Xerîbek li Gundê Me/Yunus Eroğlu
Hévi/Paul Eluard
Bîr-Çiroka Metoyê Dîn-/Bawer Ronahî
Li Malê.../Marîn Rehman
Şeva ku ji Her Şevan Reştir/Çîdem Baran
Karwanân Stérkan /Jan Ziryan
Kuştina Cerdoneki/Şengül Oğur
Modernîzm 2/Sidîq Gorîcan
Ravek/Bahoz Baran
Bûka Qelen Qelew/Bîrbir Birûsk Aryan
Di Helbestê de Çirûskîzm/Janez Sar
Xew(n)a Li Berojka/Înan Eroğlu
Xalê Zilfo/Wehab Mistefazade
Xanax/Janbijan Ar
Girrê Xwedê/Bajar Mîrzeman
Li Ser Wêjeyê bi Nivîskar Ferhad Pîrbal'i re Hevpeyvînek
Medos û Maçen Mítolojîk/Cîhan Roj
Anatomiya Aciziyeke/Rojîn Xewn
Xezo/Seydo Ozkan
Kurdîaxivîn/Sadiq Şen
Jarê/Umit Esen
Dê û Kur/Ehmed Osman
Bi Nêta Cenabet-hildanê Berê'm li Şî'îrê/Kenanê Nado
Otmeyêñ Hêviyê /Ar-da Janxwar
Çavê Mirinê/Nazê Yerlikaya
Tu û "Xwe" ya Te/Hecî Nehsan
Marka/Rênas Jîyan

